



POPOL WUUN



Li Tz'unun Tz'iijb'al



NAB'EE PAAJ TZIJJ

• Ri ri jpetik loq'laj tinmit q'umarkaaj, neri tikaye' jtakil, neri tiqatz'ib'aj na ojr tzijj; nen jpetik, nenk'u' xb'ansaj li tinmit q'umarkaaj ri ramaq' k'iche' kristyan.

Neri tiqachol jk'utik, jya'ik jsaqil jb'iij, nen muqul jinon b'ijiil jwi'l Tz'aqol B'itol; Alom k'ajolom jb'ijaa jun Ajpu wuch', jun Ajpu utiww, saqi nim aaq sis, Tepew, Quuq' Kumatz, Ranm cho, Ranm polow, Ajrax Laq.

Ajtaq'j jwiich, : Aj rax Kaj. Chop tib'ijsaj re qamaam, re qatiit' 'iyoom ixpiyakook Ixmukane'

Jinon li tib'ijsaj rechaq ajkolol taq re, Kamuul iyoom, kamuul maam, jinon tib'ijsaj rechaq li ojr tziijolil,

Ri rechaq xyol taq juntiir

nen xb'an taq chuch q'iij saq

laq saqil tziij.

Ri tiqatz'ib'aj xilj kaxlan tz'iib' li kaxlan kojon.

Jq'ij chaq re tiqesaj chuch q'iij saq, jwi'l kita' chiki' lamas ti'ilsaj popol wuuj.

Ilb'l q'iij saq petzel chipoloow, lamas tijyolsaj qamujb'.

Ilb'al q'iij saq petzel nen jpetik qak'aslemal, chop tib'ij popol wuuj

Wi' jun nab'ee wuuj, ojr tz'ib'al jpam, xaq muquli'n nen tisik'in taq jwiich jinon nen tijyol taq riij .

Nim iri tijkiirk.

Jinon tijyol nen jtz'aqik looq'laj jwiich kaaj -Uleew, pach kijab' jxukt, pach nen jnimal nen jpajik xb'an taq nen jnimal jkaaj pach uleew. : Chopka' tijb'ijsaj jwi'l Tz'aqol B'itol, chuch-qajaw rajw taq k'aslemal wa'xeem ri tiya'w quxb' qanm, ajtzaqal looq'laj q'iij saq jinon ralk'walaq nen waxal taq li saqil, nen tichomorsan ri qes tijch'ob' juntiir nen wi' chuch q'iij saq laq choo jinon laq ploow.

Ri' k'u ri jyoliik tijb'ansaj: juntiir titz'iniin qe, kita' qleen tisilib' xaq taq ra lool tich'aw taq, tolan qe xe kaaj.

Ri' k'u ri nab'ee tziij nab'ee jyooljaq: ajki' re wi' jun qawa'x jun ka'n, jun awaj, jun kar, jun top, jun chee', jun juul, jun siwaan, k'iim, k'iche'laaj, xaq qe kaaj wi'.

Ajki tinar jwiich uleew, xaq qe ploow tiremoow, nik' qe pach looq'laj jwiich kaaj.

Ajki' na tijmol rib'aaq re tijsilib'saj rib'aaq, re tijb'an jchakaq.

Jinon Kita' nen tisilib' kita' qleen tiq'ax li kaaj, : ajki' re' wi' qleen xek'j, xaq qe jaa' tik'iil, ploow jun



qe wi'w, xaq qe titz'inin li q'equum
aq'aab'. Kita' re qleen xaq qe
q'equum aq'aab'.

Rik'an qe Tzaqol B'itol,

Tepew

Q'uuq' Kumatz

Alom

K'ajoloom, wi' taq li jaa'. Tiqopon
tiqopon rijaq piseem rib'aq xilj, jxiik'
q'uuq' xaar xaar rijaq, kla' k'uli
x'elexch jb'iij " q'uuq' kumatz" nim
retamb'laq, nim tino'jin taq. Jinon
k'uli rik'an wi' ranm kaaj, jinon ri
tich'ob'saj jwiich chopka' kab'awiil,

| Ri k'u xpe jtziij neri xyuq lamas wi'
Tepew Q'uuq'kumatz li q'equum
jinon saqarb'al xyoloow rik'il Tepew
Q'uuq' Kumatz, xijtaq b'aka' x'ok
taq li chomorsan xnoji'n taq.

Xta' rib'aq xnuk' jtziijjaq, jchomb'laq
xq'aljin iri xchomorsanaq xe' kaj
saqil xq'aljinch qawinaq jinon
xno'jin taq chub' nojel chee' jinon
chub' quul pach jk'aslemal
qawa'xk pach q'equu'm aq'aab' li
saqarb'al, jwi'l Ranm Kaaj jb'iij Jun
Raqan.

Nab'ee ri' Kaqulja' jun raqan jkaab'
ri' ch'ipi kaqulja jroox ri' Raxa
kaqulja oxib'i ka' jb'iij ranm kaaj,
ajrik'ure' xyuq yoloow taq rik'il
Tepew Q'uuq'kumatz, ri re' xtkmajch
jwiich wa'xeem: ğnen k'u oor
titikonan taq jinon tijsaqarsaj taq
jwiich uleew? ğnen k'u' rechaq
tiya'sajwi' jinon nen tichajin taq?

¡Atno'jin taq b'aka'¡

¡Jachb'aka' rib' looq'laj jaa'

Tix b'aka' rib'aaq

Elch b'aka' looq'laj uleew,
k'ute'b'aka, moleb'aka rib'aaq.
Ajrik'ure' tib'ansaj awal,
saqarb'aka' jwiich kaj, ulew. •| ğri
ta' k'u kla' ti'ya'saj jq'iijal aq nen
tz'aqal taq jinon b'anal taq?

¡B'itaq b'aka qawa'x nen tz'aqal
taq chaq; xb'ij taq.

Jinon li x'elexch looq'laj uleew jwi'l
jchakaq,

xaq qe kiib' oxiiib' jtziij xkoj taq
rik'ure' x'elexch juntiir qleen ri, jinon
x'elexch looq'laj uleew:

¡Uleew; xb'ij taq k'ut laj oor
xq'aljinch, xk'iyanch looq'laj uleew
chopka' looq'laj suutz' mayuul.

Jinon xb'it taqch xtupur taqch li
jaa' looq'laj wiitz jinon xwux nimaq
taq loom, jwi'l jchoq'ab'aaq xb'an
taq wiitz, taq'j lamas laj'oor xrexer
taq jwi'l k'isis jinon chaj.

Jinon k'uli jor xkikot Q'uuq'Kumatz:

Qusi'n xatyuaq, aat ranm kaaj ,

aat jun raqan

aat chipi' kaqulja'

Raxa kaqulja'.

Qusi'n x'el qachaak nen xqatz'aaq,
xcha' taq k'ut.



Nab'ee na x'elexch looq'laj uleew, wiitz' pach taq'j; jinon xb'an taq jb'ee looq'laj jaa', xjolin xolaq siwan xo'laq wiitz, retamaq chaq jb'ee looq'laj jaa' ajrik'u re' tiq'aljinch nojel taq wiitz.

Jinon k'uli x'elexch looq'laj uleew, ri k'u xtzaqsaj jwi'l ranm kaaj :| Ranm uleew, Jinon li xb'ijsaj rechaq, ri k'u rechaq qes nab'ee xno'jin taq chirij.

Xjach taq jwiich kaaj ri k'u uleew xjachsaj jwiich rik'il looq'laj jaa'.

Jinon k'u li xb'antaj jwilaq xchomorsaj taq xb'is taq jwiich tz'ininem ri k'ure' xk'is taq jchaakaq

JTZ' AQIK NOJEL AWAAJ

Xnoji'n taq chirij nojel awaaj re k'ich'eelaj, ajchajal taq wiitz; juntiir awaj re k'ichee'laj

Taq ra keej; tirupuup ka'n; q'eq b'alam; B'alam; kumat; tzoj tzojkumat; kanti'; ajchajal quul;

Jinon ri xb'iij taq Alom K'ajolom: g'xaq tz'ininem qe wi' xaq' quul, jinon xaq' chee'?

Ri qus wi' rajchajanlaq xcha taq, kla' k'uli xno'jin taq xyoloow taq jinon li xb'an taq -xtz'aaq taq taq ra keej jinon taq ra ruupuup ka'n, kla' k'uli' xya' taq jsok taq ra keej pach taq ra tz'ikin.

Aat qeej laq jb'ee jaa' atb'eew laq siwaan atwar wi'; laq woron atwa'x :| jinon atq'uunark laq k'iche'laaj rik'il kijab' awaqaan atb'enk jinon xb'ijsaj re.

Jinon xya'saj jsokaq taq ra nuuch' jinon nimaq tz'ikin: ataq ka'n chub' chee' chub' quul tab'an asokaq kla' li atwa'x taq. atpoq' taq, chub' xaq chee' chub' jxaq quul jinon li xb'ijsaj rechaq taq ra keej pach taq ra tz'ikin ri'k'u re' xb'an taq nen xb'ijsaj rechaq lamas tiwa'x taq na.

Jinon k'uli xya'saj jsokaq jwi'l jwarb'alaq jinon b'itil rechaq kla' k'uli xk'iis jb'anikaq nojel awaaj kijab' raqanaq jinon rupup ka'n, xb'ijsaj rechaq jwi'l

Tz'aqol

Alom

K'ajolom

jch'awen taq atsik'in taq xaq ta atwerwen taq kuxtaj taq b'aka'i ch'ab'ej awib'aaq cha jujunalaq jinon xb'ijsaj re taq ra keej, :| tz'ikin, koj, b'alam, kumat.

B'ij taq k'ut qab'iij, ojaq'iijarsaj taq, oji' achuuch qaajwaaq, b'ij taq k'ut qab'iij:

jun Raqaan,

Ch'ipi Kaqulja,

Raxa Kaqulja,

Ranm Kaj



Ranm Uleew,

Tz'aqol, B'itol,

Alom, K'ajolom,

jch'awen taq ojaq'ijarsaj taqik'ut
xb'ijsaj rechaq kita' xkwin xch'a'w
taq, xaqe ti'oo'q' taq tiqololon taq
jinon tiatuwan taq kita' x'el
jch'ab'elaq chi jujunal xch'ejej taq
ajrik'u xta' taq Tz'aqol, B'itol

-kita' qus x'el, kita' xch'a'w taq
xyoloow taq chik chi rib'il rib'aq,
kita' tijna'w tijb'ij taq qab'ij ojika'
xojb'ituw, xojtz'aqow rechaq kita'
qus xcha' taq chik chirib'il rib'aq

Alom, K'ajolom.

|| Jik'unon li xb'ijsaj rechaq
atk'exasaj taq jwi'l kita' qus xat'el
taq jwi'l kita xatkwin xatch'a'w taq.

Xqak'exa' qano'j:

jwaaq

Peraj jwaaq

Rochoochaq

Lamas tiq'unan taq

Awechaqi'n siwaan, k'iche'laaj
jwi'l kita' xatkwi'n xojaq'ijilsaj taq.
ajwina' nen tikuxtan qe, nen
tiq'ijilsan qe, tiqab'an na n'ij qews
tikojon taq chiqawiich xaq ya' laj
awanmaq atkach'saj taq ari, jjinon
li chiqajj

Xb'ijsaj rechaq, ri li achakaq , kla' li
xpixb'aj taq wi' nuuch', nimaq
awaaj chuch q'ij saq.

Xtij chik jq'ijaaq raj tijt'o taq chik re
looq' tiq'ijilsaj taq jwi'laq, juntiir chik
chi rib'il rib'aaq kita' xtasaj
jch'ab'alaq chik kita' xkwin taq.
Jinon k'uli xch'eksaj jtyojilaq re
titijsaj taq, xtijsaj taq Xkamsaj taq
nojel awaj wi' taq re chuch q'ij saq.

Jinon k'uli xtij taq jb'anik jtz'aqik
qawa'xk jwi'l Tz'aqol B'itol Alom
K'ajolom

•|| Xkamulaj taq chik jb'anik
tjijinika' tijutunch jq'ij re looq'laj
awal jinon looq'laj saqarsank?

Qatz'aqe' nen k'u ojtzuquw nen
fichajin qe, g'wene jinon ta'n nen
k'u' ojcha'w nen k'u ojkuxtan
chuch looq'laj uleew? Xqatija' ka'
jbanik nab'ee taq qachaak nab'ee
taq awaaj, kita' xkwin taq xojq'ijilsaj
taq.

Jinon b'aka' li, qatije' jba'nik nen
qes tikojon taq chiqawiich re ojtzuq
taq jinon ojt'o' taq xcha' taq.

X'o'k taq chi jtz'aqik, rik'il xoq'oo'l
xtzaq taq jtyoo'jl, rik'u kita' qus
jtz'aqik xril taq, kita' qes ti'wa'rk,
ja'j ja' qe xch'uub' riib'. Tiroqooq
qe jb'aa jun qe wi'w jkayb'al,
nab'ee na xch'aaw kita' xtamaj
nen tijb'ij kita' jchomorsan kita'
ruluul laj 'oor xch'uub' jwi'l jaa' kita'
kow jtyoo'jl. jajki' na! xb'ij taq



chirib'il rib'aaq Tz'aaqol B'itol. Tiqata na.

|| jjinon li tiqab'an! Rilik kita' tib'en, kita'tijk'iyersaj riib'aaq jjinon li! Xchomorsaj taq jun muul chik, xyoj jchaakaq, nab'ee wunaq xb'an taq

xb'iij taq k'ut

ɣnen k'u tiqab'an lajori?

Ri re qus jb'anik tiqab'an la tikwin ojch'ab'ej oj'ook laj ranm jjinon k'u' ojsik'ij taq, xb'iij taq x'ook taq li chomorsan: xb'ij taq re, qus na wene tiqab'ij re lxpiyakook lxmukane; tiit' q'iij saq, tiit' q'equ'm aq'aab',

Ri' jun nimlaj qawa'x ajtz'ite', jpaje' b'aka' looq'laj q'iij xb'ij chirib'il rib'aaq Tz'aaqol B'itol.

Ruk' re xyoloow taq rik'il

lxpiyakok

lxmukane, rik'u xb'ijsaj rechaq

tiit' q'iij

tiit' saq arb'al

jjinon ch'ob'ol jwi'l Tz'aaqol B'itol.

Ri ri jb'iij

Xpiyakok

ixmukane

Xb'iij k'ut jun raqan jpach naj jpetik, Q'uuq' Kumatz ri k'ure' xb'ij taq re yaq ajq'iij, ajtz'aqal taq

qawa'xk, || ajpaj taq, tz'onaj taq koq', sik'ij taq koq' nen jtz'aaqik kristyan tiqab'an re ojtaw taq ojch'a'b'ej taq jjinon li ojt'o taq ojtzuq taq ojchajaj taq ojkuxtaj taq ojsik'ij taq.

Ojach'a'b'ej taq b'aka' qamaam qatiit'

lxpiyakok

lxmukane

ch'a'wen taq b'aka' chi qaab' k'ut taq nika' jsaqil qayoolj, qab'ee qatiit' iyoom qamaam lxpiyakook lxmukane

petb'aka nen tz'aqal re atch'ab'ej taq, re atq'ijlsaj taq jjinon li atkux taj taq jwi'laq; nen tz'aqal b'anal la chee'.

jjinon qe li!

K'ut b'aka' ab'ijaq

junajpu wuch',

rajw saqarb'al Junajpu Utiw rajw, aq'ab'

Kamuul aloom,

kamuul K'ajoloom,

lxpiyakok lxmukane,

ajrax ab'aj,

ajsaq ab'aj,

ajtz'alam,

ajtz'aaq,



ajrex uleew,

raxkaaj;

ajq'ool chaj,

ajjosolchee'

|| qatiit' q'iij - qatiit' saq, jinon li
xbijsaj rechaq jwi'l Tz'aqol B'itol

Paj taq rij q'asaj aq'waq chub'
looq'laj ixiim jinon chib' tz'ite' jinon li
tik'utun wene tijnawi'n tiqak'oob'
jchii' jb'aq'wiich, xb'ijsaj rechaq
yaq ajq'iij. Kla' k'u li xpajsaj rij
looq'laj ixiim pach tz'ite' re xpaj taq
looq'laj q'iij, xb'ij taq k'ut lxpiyakook
rajw tz'ite' lxmukane rajw lxiim,
x'ok taq b'aka' chijpajik rij q'iij jinon
ri xb'ij taq,

Ta'saj b'aka' tik'utun b'aka',
ch'awen taq b'aka' laj qaxikn ya'
taqch jb'iij nen ch'e lal tikojsajk re
looq' tijoxsaj, tik'ob'saj jwiich jwi'l
Tz'aqol B'itol, wene ri wunaq ri
ojtzuq wene ri tik'olow qleen
petb'aka' looq'laj a'wel |||
saqarsan b'aka' at looq'laj ixiim at
tz'ite' nuk' awib'aaq tik taq b'aka'
wunaq, petb'aka' saqarb'al at ixiim
attz'ite' ajlajtaqkoq' jurub' q'iij
atchakun taq x'utzaj taq

Matk'ixiib', aat ranm kaaj ranm
uleew makib'aj ranm Q'uuaq'
Kumatz xb'ijsaj rechaq, laj 'oor
xk'ululan taq: qusi' ri ti'el taq nojel
pooy la chee' fich'a'w taq ari
tiyoloow tiqaq ri chuch uleew.

jJinon k'uri tib'ansaj! Xcha' taq k'ut

Xyoloow taq, xichaq tijril taq xb'it
taqch qawa'xk la chee', chopka'
kristyan rilikaq tiyoloow taq xpax
jwiichaq x'alk'walan taq, ri k'u'
kita' ruxb'laq kita' ranmaq, kita'
jchomb'laq kita' tikuxtaj nen
xb'anow rechaq, ||| xaqtzique xb'en
taq jinon xlakan taq li uleew jinon
k'uli x'ilsaj taq, jun k'utun qe li xb'an
taq. Nab'e na xyoloow taq rik'u
chee' taq qe kita' jtzumalaq kita
koow raqan jq'ab'aaq kita' jkik'elaq
kita' jk'etenalaq jinon ajktiqil rib'
jq'analaq. Koow jq'otz'aaq jun qe wi
taq wi' pok tiqitz'iitz' taq, jinon k'uli
kita' xk'omowaj taq re Tz'aqol B'itol
ranm kaaj ranm uleew ri k'u ri,
nab'ee taq qawa'xk xwa'x taq
chuch uleew.

Jwi'lk'uli xchomorsaj ranm kaaj
sachikjwiich juntiir pooy qawa'xk
kita' xna'w xch'ab'ej taq nen
xb'anow rechaq jwi'lk'uli xkeej jun
q'alaj chirijaaq lamas xpok'ar taq

La' tz'ite' xb'ansaj jtyoojl yaj wunaq
ri k'u yaj anm :||| la sib'aaq ri k'u
rajaq Tz'aqol B'itol tijchap rib'
jtyoo'jl. Kla' li xb'an taq wi, jwi'l
Tz'aqol B'itol,

Kita' ka' tichomorsan taq jwi'l k'uli
kita' xk'omowaj taq nen xb'anow
rechaq jwi'l k'uli xsachsaj jwichaq
xqeej q'oo'l chirijaaq.



Xpe li ajk'otol, xk'otb'i
 jb'aa'wiichaq xpe maq sootz'
 ajkamsanl taq xq'atzb'i jb'aa'aaq,
 xpe man b'alam xmuch b'i
 jb'aaqilaq jinon rib'och'ilaq xtisaj taq
 b'i jwi'l xyasaj taq li k'axk'olil jwi'l
 kita' xk'omowaj taq re, nen
 xtz'agow rechaq Ranm Kaaj Ranm
 Uleew, jb'iij jun Raqan.

Jwi'l li x'ook q'equu'm chuch
 uleew xqeej q'alaj chi la'j -
 chilaq'aab', xk'iij looq'laj jaa' xjaw
 qleen rechaq chub' jaa', wi'
 rawajaq nimaq chi nuuch' xb'an
 saj k'aax re jkayb'alaq juntir qleen
 rechaq xch'aw taq

jq'iib'aaq
 jxootaq
 jlaqaq,
 jb'ojaq,
 jtziiaq, :||| jka'aaq pok k'ax xab'an
 taq chiqe xche' jtz'ii'aaq, pach
 rak'aaq lajori ik'aj taq b'aka' nen
 xab'an taq chiqe jinon jkaa'aaq
 xb'iij rechaq, chila'j – chilaq'aab
 takee'j taq re qleen chiqawiich ri ri
 qachaak chawchaq ri re ataq na
 kristyan lajori tawik'aj taq
 qachoq'aab' ojchaq atqakee'j taq
 atqakook'saj taq, tiqab'an pooq
 chawechaq, jinon ooj tiche'
 jtz'ii'aaq jwi'l kita' xojatzuq taq rik'il
 jun chee' ojawoq taq taqch la jaa
 ri k'u re tatij awaaq titzaq re
 qach'oo'l chaw chaq kom kita'
 ojch'a'w, awi'laq xoj k'oq jwi'l
 wi'jal, nemo tawetmaj taq re kita

achomb'laaq kita ano'jaaq xojk'am
 tine awik'ilaq, lajori twetamaj taq
 atqati' taq jik'u xb'iisaj rechaq jwi'l
 tz'ii ri k'u xtisaj jkayb'alaq.

Ruk're jxootaq pach jb'ojaq xb'ij
 taq :||| pok k'aax xab'an taq chiqe
 xojaxaquj taq xojaye' taq b'a
 q'aaq' jwi'l kita' tiqik'aj q'aaq', ikaj
 taq b'aka' lajori: jatqak'at taq!
 Xcha' taq jb'ojaq jinon li xk'atsaj
 jkayb'alaq.

Nojel ab'aj wi' taq re ixk'ub' xsanaj
 rib'aaq laj b'aa'aaq: kita chiki lamas
 tib'ew taq tijolin taq rajaq tijaw taq
 b'aaq jaa jaa ri tiwulklij riib' chuchaq
 rajaq tijaw taq b'aa chee' ti'ok taq
 laq juul, kita' tik'ulsaj taq. Jinon k'uli
 xsachsaj jwichaq kristyan b'anal la
 chee' kita' qus x'el taq.

Tijb'ij taq lajori, jpetikaq nik' qe
 pach maq k'oo'y wi' taq laq
 k'ichee'laj, ri tik'utun lajori la' chee'
 qe xb'ansaj jtyoo'jlaq jwi'l Tzaqol
 B'itol.

Jwi'l'k'uli maq k'ooy nik' qe rilikaq
 pach qawa'xk ri ri tik'utun la chee'
 qe b'anal nojel pooy pach
 qawa'xk



JKAAB' PAAJYOLOOJ

• • Ajri qes tipakak saq kita' re loq'laj q'iij wi' jun nim tijya' riib' jb'iij Wuquub' qak'ixb' wi chaq re looq'laj Ranm kaaj Ranm Uleew xaq timayman qe, kita' re jchoq'aab' chuch looq'laj q'iij pach looq'laj iik'. Looq'aj saq chuch loq'laj q'iij

Rik'u tijb'iij Wuquub' Qak'ixb', ri' li jun k'utun chub' maq kristyan b'anal taq la chee' ri k'u xjiq'saj taq li jaa' in nimna chuch kristyan ri xb'ansaj taq.

In looq'laj q'iij lin jsaqilaal, lin looq'laj iik' lin jchuuch q'iij'saq lin qes ijril taq,

¡Jinon k'uri tib'ansaj! Xcha' taq k'ut!

lin quslaj b'ee lamas tib'en taq inb'aq'wiich, tiqopopon chopka' saq ab'aj chopka' rax ab'aj we tichupupun chopka' looq'laj kaaj intzaam tich'umilin chopka' looq'laj iik' • : la' saqlaj pwaq b'anal ink'olb' lamas winwi'; iinika' ri, looq'laj q'iij ri k'u in'elch laj wochooch ink'utun chub' looq'laj uleew.

linika' looq'laj q'iij saq

linika' looq'laj iik'

Rechaq qawa'xk

¡Jinon k'uri xb'iij

Naj int'ojonwi' tiche' Wuquub' Qak'ixb'.

Kita tz'et re Wuquub' Qak'ixb' ri loq'laj q'iij xaq qe tijkojqe ja'iij re, wi' jpwaq jinon re saq ab'aj kita naj tik'utun wi'w xaq lamas wi' re, kla qe tik'utun kita tik'utun chub' juniir loq'laj uleew. ri re ajki' tiq'aljinch looq'laj q'iij looq'laj iik' jinon taq ra ch'umiil ajki re tisaqarsan jwi'l k'uli Wuqub' Qak'ixb' tijnimarsaj qe rib' tijq'ab'aj riib' ri re looq'lal q'iij ri re looq'laj iik', ajkire wi' looq'laj saq looq'laj q'iij pach looq'laj iik' xaq qe tijnimarsaj riib' kla' k'uli lamas xqeej loq'laj q'alaj lamas xkam taq yaq wunaq nen b'anal taq la' chee'.

Lajori tiyolsaj nen jkamik Wuquub' Qak'ixb' nemo xkwin taq chijch'ekik nemo xb'ansaj taq kristyan jwi'l Tzaqol B'itol

Ri ri cholb' re jkamnikal, • :xtaw ja'iij Wuquub' Qak'ix chuch Jun Ajpub' pach lxb'alanke kita' qus xril taq jwi'l xnimarsaj riib' chuch, Ranm Kaaj, kita' tzii jinon ri, kita' kristyan chiwch uleew. Ri re tiqil tijiin tijtij jwaa tiqatij rub'ej jun yajeel re, la qawub'l jinon li tik'is jkortil rax ab'aj, saq pwaq, saq ab'aj jurub' k'u wi rik'il jinon li tachiki' tijnimarsaj riib'



chuch kristyan, jinon li juntiir wunaq
kita tijnimarsaj rib'aaq jwi'l jnib'ilaq.

Jinon li tiqab'an xcha' taq yaq
k'ojol wunaq xk'omb'i jub'laq.

Wuquub' Qak'ixb' wi' re', kiib'
ralk'wal. Nab'eal jb'iij Sipakna
jkaab' ri' Kab'raaqan. rixoql jb'iij
Chimalmat.

Rik'u Sipakna tijretz'b'ej qe nimaq
taq wiitz, q'aaq' ixkanul, ixkanul re
Acatenango

Ixkanul re Pekul jaa', re Ya' xkanul,
Makamob', julisnab' ruk're
xsaqarsan jinon chaq li jb'iij nojel
wiitz ri, jun aq'ab' qe xtij sipakna
chijb'anik juntiir wiitz ri • ∴ Ri k'u
kab'raaqan tijsilib'saj nimaq ta'j jinon
chi nuuch chi nimaq wiitz jwi'l k'uli
seb'laj tijkoj ja'ijaaq jk'ajol Wuquub'
Qak'ixb'

Wuquub' Qak'ixb' tijb'iij in looq'laj
q'iij

Sipakna tijb'ij in ajtikil jwiich uleew

Kab'raaqan tijb'ij insilib'san looq'laj
jwiich uleew

Kla' k'uli xk'am rib'aaq chirij jqaajaaq

Kita' qus xriltaq yaq k'ojol

Jwi'l k'u re' ajki' wi nab'ee taq
chuchqajw. Kla' li xchomorsaj taq
jsachik jwich jwi'l yaq kojol wunaq,

jinon ri jt'ojik xb'ansaj re Wuquub'
Qak'ixb'.

Jinon ri tiyolsaj riij nen jkamsaj
xb'ansaj taq nen xnimarsaj rib'aaq
nen xsonsar taq, Wuquub' Qak'ixb'
wi re jun jchee' re tapa'l luuk luuk
jwiich ri li qes titjtij re jwaa, nojel q'iij
ti'aqan chijqesaj re titjtij, jun Ajpub'
pach lxb'alanke ilan chaq jwi'laq.

Maq k'ojol wunaq ri xmuq rib'aaq
chub' man chee re tapal aj ri k'u re
tijril taq xtaw Wuquub' Qak'ixb'
chijtokiik jwaa, xpe Jun Ajpu
xrub'ejch jun ub'l xtaqal la jkak'al
xch'ejeje xtaqach b'a chee' • | laj
oor Jun Ajpub' re tib'i jchape xpe
uka' Wuquub' Qak'ixb' xchap
jb'ajtelb' Jun Ajpub' xb'uq'b'ik
xresaj b'i jun jtelb' xaq jinon li xkan
taqsaj Wuquub' Qak'ixb' jwi'l Jun
Ajpub'

Qusi'n xab'an taq yaq k'ojol kita'
xch'eksaj taq jwi'l Wuquub'
Qak'ixb' xe' la jaa xk'amb'i jtelb'
jun Ajpub' jwi'l jinon b'a tijmalmaj
jkakal xtaw, Ɂnen xataw aat xcha'
rixoql Chimalmat re?

ɁNen chiki'? kiib' etzel taq xt'oj taq
jun ub'l la inkakal jwi'l k'uli yojooj
chak pach wee pok k'aax,
xink'amch jun qleen tiqakokb'a laq
siib' chub' q'aaq' jinon wene qes
etzel taq tiyuq metaq li xcha
Wuquub' Qak'ixb'.



Tino'jin taq Jun Ajpu pach
Ixb'alanke xch'ab'ej taq b'aka'
kiib' ri'j kristyan saq chaq jb'aa'aaq
t'usul chaq rijaq jwi'l jri'jalaq. rii'j
wunaq jb'iij Saqi nim aq, rii'j anm
jb'iij Saqi nim Sis, xb'ij taq k'ut yaq
k'ojol rechaq.

Yaq k'ojol xb'ij taq re nimaq kristyan
chiquaj atqapachlaj taq b'ik
chijk'amik qatelb' lamas wi'
Wuquub' Qak'ixb'.

• | qiyimaqi'n ojpachlaj taq lamas
ojb'e'w kamnaqchaq jqaaj
jchuchaq tiwakot taq chiqiij kita'
k'ex tiqasipaj taq jik'u ooj xaq qe
ojkwin chijresaj ka'n laq ree
kristyan, jinon li Wuquub' Qak'ixb'
ojril chop taq ra ak'l ooj ojwaxi' laj a
xuktaq re atqataqchi'j taq

Qusi'li xcha' taq

Xb'e taq. Wuquub' Qak'ixb' tz'eel
laj rochooch ruk' re xq'ax taq kiib'
rii'j kristyan tijin ti'itzan taq kiib' ak'l
chirijaaq ri re' xq'ax taq chijchi
rochooch Wuquub' Qak'ixb'
tich'ejej jwi'l jk'axk'ol jkaa', ajri xril
Wuquub' Qak'ixb' qamaam qatiit'
jpachaaq yaq ak'l xta rechaq

ǵLamas xatpew taq ataq qamaam
qatiit' ? xcha' rechaq

Xaq qe tikatok qaw quk'a xcha'
taq re

ǵNe tatij taq? awalk'walaqi'n
atijpachlaj taq

Ta'n, qiyiim taq qe qaaj k'uur
jwichaq tiqil taq, jwi'l k'uli nojoq
peraj qawaa tiya'saj tiqakib'aj
rik'ilaq, xcha' taq re.

Jinon k'uli tikam jwi'l k'axk'olil ree
k'ax tijtij tiyoloow, xb'iij tinta jun
toq'oob' chawe chaq toqb'saj taq
inwiich,

ǵnen atkwin tab'an taq?

ǵnen takunaj taq? Xcha' rechaq,
xb'iij taq xaqe ojkwin tiqesaj ree
kristyan, wene ka'narnaq jinon
ojkwiin chijb'anik jwa'x
jb'aaqwiichaaq • | jinon tiqab'an
jwa'x jb'aaqelaq xcha' taq re.

Tziyi'n kunaj taq koq' wee, nojel q'iij
tiq'oxoow kita' chiki inwar jwi'l
jk'axk'olil, kiib' etzeel taq k'ojol
wunaq xt'oj taq jun ub'l chwiiij jwi'l
k'u li kita' chiki' looq' tintij inwaa

Toq'saj taq inwiich li chaq silib' wee,
tzi' li xcha taq, ri maq ka'n tib'anow
tipe jk'axk'olil rajwax na tiqesaj taq
jinon tijmay jk'axk'olil, xpe re xb'iij
kita qus li tawesaj taq wee in chaq
nim kristyan, wee ri, nik'qe pach
walk'wal ri tiwiqow taq ink'aslemal,
tziyi'n xcha' taq, lajori tiqakojchik
ni'j b'anal la jok'omb'aaq, ri k'u li
la' qe ixiim b'anal jwi'laq, esaj taq
b'aka', ri k'u xkoj taq saq ixiim re



ree xaq qe ixiim tiqopopon laj chii',
laj 'oor xrik'aj nik' ta' chiki' ree nik'
ta chiki' chop jun nim wunaq, xk'is
taq resaj ree b'anal la rax ab'aj ruk'
re xkunaj taq jb'aq'wiich xresaj
taqch saq ab'aaj lajb'aq'wiich,
kita' xrik'aj sache'l chaq jchool
tinatun kla' li, xkwin taq xmaj taq
jnib'ilal Wuqub' Qak'ixb', ri re' rajaan
tijb'an taq Jun Ajpu pach
lxb'alanke, jinon li jkamik Wuquub'
Qak'ixb' kla' li xkwin Jun Ajpu
chijkamikch jtelb'.

• ¶ ruk're' xkam Chimlamat rixoql
Wuquub' Qak'ixb'.

Jinon li xk'is jnib'ilal ri k'u jun ajkuun
nen xk'omowb'i saq ab'aaj pach
rax ab'aj jwi'l li nim tijya rib' re
chuch q'iij saq.

Rik'il jnojaq qamaam qatiit' xkwin
taq chijkojik jtelb' Jun Ajpu laj sook,
xaq jwi'l sachik jwiich Wuquub'
Qak'ixb' xb'an taq k'aax, jinon k'u
kita' qus xril taq pok nim tijya' riib'
chuch ni'j chik. Jinon qe li xb'e taq
maq kiib' k'ojol wunaq kita' qleen
xb'an taq rik'u xb'an jtziij Ranm
Kaaj.

Ri k'u ri jchaak nab'ee jk'ajol
Wuquub' Qak'ixb' jb'iij Sipakna.
tijb'iij in ajb'anal wiitz rik'ure' tijiin
ti'atink chi jaa' rik'ure xq'ax taq
ju'q'oo' wunaq

ǵxta rechaq nen tab'an taq?
Rechaq xb'ij taq re

Xaq chiqaj tiqat'ooj man chee ri
b'aa qatelb'

Intinch'elej lamas tak'am taqb'ik
nen jchaak awi'laq xcha rechaq,
rechi jb'aa qochooch qusi' li xcha' •
¶ Ruk' re xt'obj'i b'a jtelb' xk'amb'i
chuchaq xb'ijye' lamas wi'
rochochaq, rechaq xb'ij taq re
kanen qik'il ǵwoni aqaaj –
achuuch? kita'n xcha rechaq.
Tiqataw jun toq'oob' chawch
chweq' ojat'o chik chijk'amik jun
chee' chik

ǵQusili xcha' rechaq!.

Yaq juq'oo' wunaq x'ok taq
chiyolooj ǵnen tiqab'an re man
wunaq ri? Tiqakamsaj kita tzi' rik'an
qe re tijch'elej man nim laj chee'
xcha' taq.

Tiqab'ane' jun nimlaj juul ruk' re'
t'usul chaq xilj tiqat'obj'i man nimlaj
chee chirij, kla' li tikam xilj man juul
xcha' taq yaq wunaq

X'ook taq chijk'otik jun nimlaj juul
xb'ij taq re Sipakna tiqata jun
toq'oob' chawe chiqaj ojat'oo'w
chijk'otik man juul naj chaq wi'w
kita' chiki' ojtaw chijk'otik, tziyi'n
xcha', xkejb'i li xilj man juul tab'ijch
chique wene' nim chaq qesel awi'l
xcha taq re, tzi'n xcha'



X'ook chijk'otik jun nim juul lajxukt
lamas tijkol wi' riib' re retamchaq,
tikamsaj jwi'l yaq wunaq

• || ġXta taq re? naj chaq b'eselkat

Xpe re xch'awch li juul, tijiin na
tink'ot, tinb'ij chawe chaq ri' k'u'
re' we tink'is jk'otik

Ri k'ure' Sipakna xch'awch li juul,
muqemchaq riib' laj juul qejen
taqch chijk'amik uleew, naji' wi'n
ġtata' taqa'n tijiin atinch'ab'ej taq?
Kita' qes titamaj atzijaq xaq tintaw
tika'muliin ti'oxmuliin qe jchoq'aab'
atzijaq xcha'ch Sipakna, ri' re yaq
wunaq tijiin tijurchuchuj taq man
chee' xkwin taqa'n chijtuk'iik b'ik xilj
man juul. Usiil tich'aw taq
tataqumpuch tich'ejej ili uka wene
tikam,

Juntiir tijch'uaq jk'eyb'elaq ruk' re
qesalb'i man chee' li juul aj ri xta
taq xch'ejej; qusi' xqab'an re jinon
xqakamsaj tiche' taq, nen xtaqow
re nen chak tichakun jinon li nab'ee
na nen chaak x'ok lajqaxo'l jinon
k'u' xb'ij taq yaq wunaq

• •|| lajori tiqab'ane quk'aa re
tiqatij laj roox q'iij ruk' re tib'an taj
qochooch chweq' jinon kab'iij
tiqulb'ej wene' ti'elch sinik li juul jwi'l
jchuwiil jwi'l tiq'aay jtyoo'jl, ajrik'ure

tiki'kot qanm tikub'er qanm ruk' re
tiqatij quk'aa ticha' taq Sipakna re
juntiir tijiin tijtach li juul nen k'u' tijb'ij
taq yaq wunaq.

Laj kaab' q'iij timuuluul taq ra sinik
x'elch taq ralaj man chee', ni'j
k'amalch ismal b'aa jwilaq ni'j chik
rixk'yeq Sipakna ajri xril taq jinon
xb'ij taq xojkwini' chirij man wunaq
ri, 'iltaq umpuch nen k'amalch jwi'l
taq ra sinik xojkwini' chirij tiche' taq.

Sipakna yoli' re', wich' li juul xaq qe
xk'ur rismal jb'aa jinon xk'ur rixk'yeq
la' ree xya re taq ra sinik jinon li tijkoj
taq xkam Sipakna. Xq'ax ri wi chaq
ruk'aaq laj roox q'iij.

• •|| Xq'ab'er taq juntiiir yaq wunaq
kita' chiki' tijrik'aj taq, xpe Sipakna
uka xyoch rochochaq chirij, nijun
rechaq xyo'r juntiiir xkan taq jinon li
xkamsaj taq jwi'l Sipakna ralk'wal
Wuquub' Qak'ixb' tijb'ij taq juntiiir
yaq wunaq xwux taq ch'umiil, jinon
tijb'ij taq pent kare' tz'et ta'n.

Lajori tiqayool nen jkamik xb'ansaj
Sipakna jwi'l yaq k'ojol Junajpu
pach lxb'alanke.

Ri qes k'ax laj ranm yaq k'ojol
wunaq nen chaak Sipakna xkamsaj
juntiir yaq wunaq. juq'o' rib'ilaq

nojel q'iij Sipakna tijtok kar, top, chij
chi' jaa' ri qes jwa re li, la'j ri k'u'
laq'aab' tijreqaj nimaq taq wiitz.



Xpe taq Jun Ajpu pach lxb'alanke laj 'oor xresaj taq jwiich jun top, la taq ra eek' wi' li k'ichee'laj xkoj taq re raqan • || jinon re jq'aab' man top ruk're ni'j ab'aj chopka' taq ra pamach xkoj taq chirij re tiwak'aak' k'oxa'l riij, xb'ij koje taq chiralaj jun nim laj wiitz jb'iij Mewa'n, lamas wi' jun nimlaj paak', kla' li xkwin taq chirij xpe taq yaq k'ojol wunaq xb'e taq chijk'ulik Sipakna chi jchi' jaa'

Ɂlamas atb'ew xcha taq re? Kita' lamas xcha' rechaq, xaq tintok qe inwaa xche',

Ɂnen k'u aw? Xaq qe kar pach top tintij, xi kiib' q'iij win neri pok wi'jal chwe kita' qleen tijil inwi'l xcha' rechaq.

Jali li siwan wi' jun nimlaj top wenechawaj tak'amech', oj kita' xoj kwin chijchapik jwi'l li titzaq qach'ol chuch, wene wi' na kla' looq' tib'achape' xcha taq re.

Toq'b'saj taq inwiich, k'ut ta taq chinwiich lamas wi' xcha' Sipakna

Kita' chiqaj jat awuk'an we chawaj xcha taq re, kita' li atsach jat chijchi' jaa' ruk're attaw ralaj jun nimlaj siwan kla' li wi'w ri k'u ataw tata titzak'ak' li jaa' xcha' taq Junajpu pach lxb'alanke re.

Toq'b'saj taq inwiich

• || pent kare' kita' tinta'w k'uta taq chinwiich. In wetami'n lamas wi' ka'n lamas looq' tat'oj taq rik'il awub'laq xcha Sipakna rechaq, jwi'l xmuch'ej riib' jinon li xch'ub'saj ranm yaq k'ojol wunaq Ɂwene kita' atkwin chijchapik?. Oj jwi'l qe li ojqa'jb'i awik'il oj kita' chiki' chiqaj tiqachap pok titiyo'n, oj xoj'ook ikiim xqatzaq jch'ool ri re' xoj 'ook ikiim rik'i jun kitz met xqachap, ri raj at'ook ajsik jinon li atkwin chijchapik xcha' taq re, jjan! xcha Sipakna, xpachlaj taqb'i Sipakna xe' taq, xtaw taq ralaj wiitz kla' li wi'w lik'an riib' li jaa man top keq keq riij Ɂtziyi'n? xcha Sipakna tikikot ranm rajt ranm re witine' chaq laj chi' kom pok wi'jal re. Jupul xt'oj riib' li jaa' chijtokiik man tiop ajri tijril ajsik xe' man top x'el li jaa Ɂxta taq re ajki' tataw? Ajki na xcha' jun kitz met xinchap tiche', ri raj pak'al in'ook xcha' xt'ojchik rib' li jaa' xichaq jun kiitz' jch'EEK tinarch

• ||| Ch'q waxka' tijiin tib'iq'saj b'ik, ajrik'ure' xwulklixch nim wiitz chirij kita' chiki xna'w xsolkopij riib' xwux ab'aj Sipakna.

Jinon li xkwin taq Jun Ajpu pach lxb'alanke chijkamsaj Sipakna ri re, qes tib'anow wiitz jinon tijb'ij ojr taq tziij, ri nab'ee jk'ajol Wuquub' Qak'ixb' ralaj jun nimlaj wiitz jb'iij Me'awan xkanmuqsajoj jwil qe jchoq'aab' Ranm kaaj Ranm uleew xcheksajk.



Lajori tiqayool chik nen jkamsaj xb'ansaj jroox wunaq nik' pach jqaaj pok tijnimarsaj rib'. Jkaab' jk'ajol Wuquub' qak'ixb' jb'iij Kab'raan in ajqesal wiitz tiche' ri b'aka' Jun Ajpu pach lxb'alanke xkamsan taq wunaq jb'iij Kab'raan.

Xb'ij taq b'aka' Jun raan,Chipi' Kaquljaw,Raxa Kaqulja' ri re' xyoloow taq rik'il Jun Ajpub' pach lxb'analke.

Wi'chiki' jkaab' jk'ajol Wuqub' Qak'ixb' rajwax na tikamsaj kita' qus tijiin tijb'an chuch uleew rik'u rik'il qanm chiqaj tikamsajk. Nim tijya' rib'aaq chuch loq'laj q'iij ri k'u li majinon tan, b'ochij taq b'ik, k'amtaq b'i jali lamas ti'el looq'laj q'iij xcha' Jun Raan re yaq k'ojol wunaq.

Tzi' li Qajawxeel tib'e na li qik'il jinon tiqiloj kita' qus tijb'an, • •• Tak'u waat at. Atika' atq'ijilsaj at'ika' Ranm Kaj xcha' taq re ri re' xta taq nen xb'ijsaj rechaq Jwi'l Jun raan.


Rik'u Kab'raan ajwich na tijiin tijtotoj nojel wiitz', rik'il jun kitz tijtiq'uj jun raan tijwulklijb'i chi nimaq, chi nuuch' wiitz jwi'l. Kla' li xk'ulsaj jwi'l yaq k'ojol xta taq re ɣlamas atb'eew? xcha taq re Kab'raan – re xb'iij kita' lamas inb'ee'w, xaq tijiin tinyukxii nojel wiitz inb'aka insilib'san chuch q'iij saq xcha'.

Xpe Kab'raan xta re Jun Ajpub' pach lxb'alanke – ɣlamas atpew taq? kita' tinch'ob' awchaq. ɣne ab'ijaa? Xcha Kab'raan rechaq. – kita' qab'iij ojqe ajpub'l jinon tiqakoj qe laq' laq k'achee'laj re jk'utik ka'n, ojqe meb'aa' kita' qleen qe.

Xaq qe chub' nimaq taq wiitz jinon nuuch' taq wiitz ojwakot wi'w, xaqe wi' jun wiitz' ilan qawi'l seb'laj tik'iij chuch ni'j chik, jinon kita' xoj kwin chijchapik jun kiib' oxiiib' ka'n, • •••• tz'et k'u'n at atyukxin at atpaq'oow nojel wiitz, xcha' taq Jun Ajpub' pach lxb'alanke, qes tz'eet lamas ilan awi'laq man wiitz li chwaj tinwil jinon tinwulklijb'ik, lamas xawil taq wi'w nen taj, jwi' jali' lamas ti'elch looq'laj q'iij xcha taq re.


iqusi'nj k'am taq b'i qab'ee x'utzaj taq. Xaq ta' jinon li xcha' taq atb'e na lajqaxo'l jinon li jun laj apach jun laj amex nen chak jwi'lk'u oj wi' qawub'l wene wi' kan'n tiqakut la qawu'b'l. tikikot x'ok taq chijt'ojik taq ra ka'n kita' k'amal jt'ojonaq xaq qe tijrub'ej taq tijkut taq, taq ra ka'n Kab'raan x'ok iil chirilikaq. Ruk' re xtok taq xik'aa'y xkoj jq'aaq'aaq lamas tijb'ol taq; taq ra ka'n xkut taq. Xb'an taq jwa'x jun ra ka'n lamas xjopjoj taq Tizatl (Tizate) la' pach saq uleew. Ri ri tiqaya' re xche' taq, jinon li tiqatzur wi'jal re jwi'l jruxb' nen k'u tijiin tiqab'ol. Jinon li jwi'l uleew tzaqal la



ri tib'anow ojkwın chijmuqik ralaj
uleew. Wene wi' jchoq'aab' Ranm
Kaaj Ranm Uleew •  b'it taq
b'aka' petaqb'aka' saq xche' taq
yaq wunaq – rib'aka jrayb' ranm
jtijik jun k'eer jti' jinon b'aka li jranm
kab'raqan raj tijtij jun k'eer jti'nik
cha taq Jun Ajpu pach lxb'alanke.
Laj 'oor xb'ol taq taq ra ka'n usiil
tijiin tiq'anar chuchaq tijolin ra'l tiqel
li q'aaq' simiın simiın ruxb', jwi'lk'uli
Kab'raqan raj ti ranm tijtijb'ik tijb'iq
qe ra'l jchii' jwi'l ruxb' nen tijiin
tib'olsajk

Rik'u xta, nench k'u arikilaq li: jor
simiın tinwik'ajin ya' taq koq jun
k'eer we xcha, xpe taq li rechaq
xya' taq jun ka'n ree, xtijmaj li jwi'l
xe' taq chik lamas wi' looq'laj q'iij
jinon lamas wi' nimlaj wiitz, xtaw taq
li kla' ajri' xril taq Kab'raqan
ta'chiki' jchoq'aab' tichaq roqooq
kita' chiki' qleen xb'an jwi'l looq'laj
uleew xtzaq taq la ra ka'n xtijk.

Kita' chiki' qleen xb'an re wiitz kita'
xpaq'k kita' xwulklij, laj'oor xim taq
jq'aab' chirij.

•  jinon xim taq raqan xt'oj taq li
uleew jinon li xmuq taq. Jinon k'uli
xkwın taq Juna Ajpub' pach
lxb'lanke k'ii qleen xb'an taq
chiwch loq'laj uleew.

Lajori tiqayool nen jwaxikaq maq
kiib' wunaq ri Junajpub' pach
lxb'alanke; lamas yolanchaq neri
nen jkamsajkaq xb'ansaj chuch
uleew Wuquub' Kak'ixb', jinon re
Sipakna pach Kab'raqan.



JROOX PAAJ CAPITULO TERCERO

: • Lajori tiqayool nen jb'ijaa jqaaj
jchuuch Jun Ajpu pach lxb'alanke.
Tzaj taq qatije' jun quk'a jwi'l
tiqayool nenjwa'xik Junajpu pach
lxb'alanke. Xaq pajni'j qe jtzijol
tiqayool jinon re jqaaj.

Ri' ri jtzijol tib'ansaj

Nab'ee jb'ijaa kojol ri' Junajpu
pach wuquub' Junajpub' jinon li
jb'ijaa oor jqaajaq ri' lxpuyakok
pach lxmukane, la' jun laq'aab'
xwa'x taq Junajpub' pach
Wuquub' Junajpu, rib'aka'
junajpub' xwa'x kiib' ralk'wal kiib'
wunaq ak'l, qes nab'eal jb'ij Jun
B'aatz' ri k'u' jkaab' Jun ch'oween.

: • oor jchuchaaq jb'ij lxb'aqiyalo
rixoql Junajpub' oor Wuquub'
Junajpub' kita' rixoql jun k'ojol
wunaq ire' nimaq jno'jaaq nim
retamb'laq wi', nimaq taq ajq'ij wi
taq chuch q'ij saq nim jpetikaq
rechaq ajsu' taqa'n, ajb'iix taqa'n
ajpub'l taqa'n, ajtz'iib' taqa'n
ajk'otol chee', ajjoxol rax ab'aj
jinon re saq pwaq, juntiir ri k'ut taq
chuch Jun B'aatz' pach jun
ch'owen, oor Junajpu pach
Wuquub' Junajpu iitz' ajlab'l pach
pootz' ri qe tijchakuj taq nojel q'ij
chikakab' ti'itz'an taq kijab' rib'ilaq

re' ri re' tijta' rib'aaq re ti'itz'an taq,
titaw jun xik chijrilikaq, taqal b'i
jwi'laq Jun Raqan, Ch'ipi Kaqulja,
Raxa Qaqulja' re tib'ijq'asaj tzij
rechaq nen k'u tijril, ri k'u chuch
man xik ri kita' naj tikan'el chuch
looq'laq uleew jinon xib'alb'a laj
'oor titaw lekj lamas Jun Raqan.

: • xwa'x taq chuch Uleew ri re'
kamnaq chaq jchuuch Jun B'atz'
pach jun Ch'owen, kom lamas
tiitz'an taq ri b'ee lamas tib'e
xib'alb'a jwi'lk'uli xtasaj taq jwi'l Jun
Kame pach Wuquub' Kame, rajw
taq xib'alb'a ɣnen k'u tijiin tiq'ax
wich q'ij saq? Pok tich'opin taq pok
tich'ejej taq jk'amta taqchj re tiyuq
iitz'an taq pootz' neri, nen k'u
tiqab'an re tiqach'ek taq, kita'
chiki' tikojon jinon kita' chiki' tik'ixib'
taq chiqawiich jwi'l k'uli xchomorsaj
taq juntiir yaq aj xib'alb'a, xb'ij taq
k'amta taqch k'ut jali ajsik, Jun
Kame pach Wuquub' Kame ri
rechaq ajtaqon taq chop ni'j chik
wi' jchakaq wi' q'atb'tzij
lajq'aab'aaq taqal taq jwi'l Jun
Kame pach Wuquub' Kame. jinon li
Xikiri Pat pach Kuchuma Kik' ri
jchakaq rechaq jkojik yajeel la
jkik'el kristyan qawa'xk, ruk' re Ajal
Puj pach Ajal Q'ana.

: • ri jchakaq jsipojsajk jinon resajk
pus la' raqanaq pach etzel yajeel
lamas q'an q'an chaq finatun taq
kristyan qawa'xk, jwi'laq.



Oor Ch'amiyab'aaq pach Ch'amiyajolom, ri taqan ajchajal taq re Xib'alb'a; k'amal jch'imi'y jwi'laq b'anal la b'aaq. Jchak rechaq ri' jcheqersaj, jb'aqarsajk kristyan qawa'xk, ri k'u we tikam kristyan jwi'laq xi' chaq jb'aqelaq tib'i b'itsajoj ri ri jchakaq. Ni'j chik ri' Ajal mes pach Ajal toq'ob' jinon li jb'ijaaq jinon li jb'ijaaq jchakaq ri tijk'ul taq kristyan jinon tijkoj ch'o'j chijxo'l kristyan jinon wene chuch jinon chirij jaa tijk'ul taq wi, tijchopsaj taq jinon tiqesaj taq li uleew lamas tikan kamsaj taq jwi'laq ri ri jchak rechaq, oor Xik pach Patan jinon li jb'ijaaq jchaak rechaq ri', tijkamsaj taq kristyan laq b'ee lamas tijitz'ej taq jinon tijmaq'uj taq chiranm kristyan jwi'l k'uli kristyan tijxab'aj taqch ki'k' tikan kam taq laq b'ee jinon li nojel q'iij kita' nen tikwin chirijaaq ri k'u li chijujunal wi' jchak tijb'an. Ri tiq'ax wene atb'en jinon wene kub'ulkat qe. Ri ri jchakaq Xik pach Patan.

Ri taqa ri xnuk' jnojaq : | jwi'l xtarnab'ej taq jinon xb'ansaj k'ax rechaq jwi'l Junajpu pach Wuqub' Junajpu.

Ri k'u yaq aj xib'alb'a, rajaq, qleen rechaq Junajpu pach Wuquub' Junajpu tikoj taq li itz'an pootz', chopka' kolb' jtelb'aaq kolb' jch'ekaq, tosb' jq'ab'aaq, ximb' jb'aa'aaq, jsut'aaq, ruu'aaq jinon wiqb' rechaq juniir b'anal la' tz'uum.

Lajori tiqayool nen jb'ikaq Xib'alb'a jinon xkan jye' taq Jun B'aatz' pach jun Ch'oweem ralk'wal Junajpu. Jchuuch kamnaq chaq jwi'l li tich'eksaj taq na Jun B'aatz' pach Jun Ch'owen jwi'l Junajpu pach lxb'alanke.

Jun Kame pach Wuqub' Kame Laj'oor xtaqb'i jb'ij rechaq. Jat taq, tib'a b'ij taq re Junajpu, pach Wuqub' Junajpu. Ri re' titaw taq, b'ij taq rechaq: jtiipe taqj neri' atyuq itz'an taq pootz' qik'il; qes tz'et xoj 'ook iil chijrilikaq, petakb'aka' tijb'ij taq k'ame' taqch b'aka' ritz'anb'laq, qleen rechaq, pach ximb'jch'olaq, : | kolb' jtelb'aaq pach jpotz'aaq tijb'ij taq nimaq reqlenaq, jinon li tab'ij taq rechaq, xutzaj taq.

Ajya'l taq takiil tzij ri taqa'n: Ch'aab'l Tukur, jun raqan tukur, kyeq'ix tukur, nim jb'aa tukur jinon li tib'ijsaj re ya'l takiil taqal jwi'l Ajxib'alb'a, ch'ab' tukur jwi'l laj 'oor titawk, jun raqan tukur jwi'l jun qe raqan ri k'u wi' jxiik', kyeq'ix tukur jwi'l jxiik' kyeq kyeq chopka looq'laj q'aa'q oor b'aa tukur xaq qe jb'aa wi' pach jxiik'. Kijab' taqan ajyal taq jb'ij tzij, nim jkojonkaq chuch ajxib'alb'a.

Ri k'u x'el taq b'i laj 'oor xtaw taq li taq'j re pootz' tijiin ti'itz'an taq li jun juul Junajpub' pach Wuqub' Junajpub' jinon li ch'ob'olk xi b'i



wa'r taq nojel tukur chi jchi' taq'j
pootz' re looq' tijb'ij taq nen k'u
taqal taq chijb'ij, xaq qe xkamulaj
x'oxmulaj jtzijaa jinon ri:

Jun Kame xb'iij:

Wuquub' Kame

Ajal Puj

Ajal Q'ana

Ch'amiyab'aa

Ch'amiyajolom

Xikiri Pat

Kuchuma Kik'

Ajal Mes

Ajal Toq'ob'

Xik

Patan, laj b'iij rechaq nim reqla'naq

Xya' taq jb'iij taq ra tukur.

: :| ɔqes tz'et jinon li tijb'ij taq Jun
Kame pach Wuqub' Kame?
Tz'etika' xcha' taq jjo taq! Oj
atqapachlaj taq b'ik tijb'ij ka'
taqa'n "tak'am taq b'ik juntiir
qleen awechaq jtzii'n xcha taq j
xaq ojawulb'ej taq na, xaq tib'i
qach'ab'ej na qachuuch xcha' taq
yaq k'ojol wunaq. Xe' taq la jaa
xb'ij taq re jchuchaaq ojb'ena

chuuch, xaq qus qe li ojb'ek xyuq
taqa'n ajyal tzii' ajk'omol taq qe
xcha taq, petaq b'aka xcha taq re
nen taqal taq chiqak'amik, re chaq
xb'ij taq, neri tikan qakokb'a
qapootz' xcha taq xb'i jkokb'a taq
b'a jaa. jjoq'ajch iri! Ojyuq
'iitz'anchik iri awik'ilaq. ataq
atsuu'an taq, atb'ixan taq, at
tz'ib'an taq, k'ot taq, tz'aa taq
qleen, miq'taqkoq' qochooch
kikotsaj ranm atit'aa xkan jb'ij taq
re Jun B'aatz pach Jun Ch'owen
ruk're xb'e taq. Jchuchaaq
lxmukane tikam chi'oq'eej, jo' xcha
taq mat b'ison taq kita ojkam xcha
taq Jun Junajpub' pach Wuquub'
Junajpub'. Jinon li xb'e taq.

: :| K'amalb'i jb'eaq jwi'l ajya'l taq
tzii' ri re xqej taqb'ik laq b'ee re
xib'alb'aa xq'ax taq chib' ni'j
aq'aneb'l xqej taqb'i xb'i 'el taq
chi jchi' koxoom siwan lamas tijolin
tipojin looq'laj jaa' jinon li jb'iij
siwaan lamas xq'ax taq lajxo'l
nimaq b'aa'tul jaa' laq nimaq k'iix
jinon li kita' nen xta taq.

Ruk' re xq'ax taq chi jchi' jaa jb'iij
kiik' jwiich jaa' kita' xna'w xtij taq
xtaw taq chik la jun chik lamas tijolin
chuu looq'laj jaa', kita' xq'itaj taq
jwi'l nojel k'aax xta taq laq b'ee.
Laj 'oor xtaw taq lamas wi kijab'
b'ee kla' xq'itaj taq jwi'l xta rib'aa



nojel b'ee jun keq jwiich, jun saq jwiich, jun q'eq, jun saq, jun q'an kijab' b'ee kla' k'uli xch'aw q'eq b'ee xb'iij, atb'e taq uk'il inink'amowb'i awechaq rik'il qajawl kla' k'uli xmaj taq q'itajeem li b'ee re tib'e xib'alb'a, ri k'u re xtaw taq lajpopab'l rajw ajxib'alb'a xch'eksaj taq chik, ri qes nab'ee jk'ulel laq ri' jun pooy, pach jun ala's b'anal la chee' wiqil jwi'l xib'alb'a, rechaq.

: ¶ nab'e na xya' taq ritziil jwiich man ala's xb'ij taq re jsaqari'n Jun Kame! Xcha' taq re man chee' jsaqari'n Wuquub' Kame xcha' taq chik re man pooy kla' kita' xch'eksaj taq, kla' k'uli xtzee'saj jwichaq jwi'l yaq Ajxib'alb'a tijb'iij laj ranmaq yaq ajxib'alb'a ch'ekel taq chaq Junajpu pach Wuqub' Junajpu.

Ajwich na titzee'n taq ajri xch'aw taq Jun Kame pach Wuqub' Kame: qusi'n xat petaq, chweeq' tich'ojaj rij qleen awechaq ximb' ach'olaq pach kolb' atelb'aa x'utzaj taq. jkub'ren taq laj qateem! x'utzaj taq, xaq jkub'arb'laq b'anal la k'eten ab'aj jwi'lk'uli xk'at rib'aa la', rajaq xsolkopij rib'aa kita' xkwin taq xb'it taq laj 'oor ri k'u re xk'at chirijaa, jumul chik xtzee'saj jwichaq jwi'l yaq ajXib'alb'a, juntiir xkamsaj rib'aa chi jtzee'jaa. Xpe taq uka

xb'ij saj rechaq jataq la jaa, kla' li tiya'saj jun tz'uk'aj achajaa pach sik', lamas atwar taq. Xtaw taq, la jaa q'eequu'm jpam laj 'oor xchomorsaj taq yaq ajxib'alb'a, chweeq' tiqaputz taq tiqakamsaj taq : ¶ laj 'oor b'aka tikamsaj taq jwi'l qleen rechaq tijkoj taq re itz'anb'l pootz' xb'ij taq ajxib'alb'a ri k'u j'iitz' rechaq ri jun chay ketkiik "saq ab'aj" jib'iij man iitz' ri tikamsanin tijq'ipipej b'i jib'aaqelaq ri k'u' lamas tiq'ax b'i man t'ob'i jitz'anb'l, ajxib'alb'a.

X'ok taq b'aka' Jun ajpu pach Wuqub' junajpu li q'equu'm jaa, chiusiil xib'i ye'saj jun k'er jchajaa pach jun jsik'aa xaq tzijil chaq b'i, ruk're x'elch taq b'i rik'il Jun Kame pach Wuqub' Kame re xib'i ya'saj rechaq Junajpub' pach Wuqub' Junajpub' ch'ukul taq li q'equu'm ruk're xtaw taq chijye'ik jq'aa'aaq seb'laj tijomoom jchajaa ajya'l jq'aaq'aaq, tzij achajaa jinon asik'aa ma k'is taq, tisaqar tajach taq na re looq' tiqak'ol jinon li xtaqsajch jbij chawe chaq jwi'l ajxib'alb'a, jinon li xch'eksaj taq xk'is jchajaa jinon jsik'aa, k'i jwiich k'exk'olil wi rik'il xib'alb'a : ¶ nab'e k'axk'olil ri q'equu'm jaa xaq q'equum qe xilj jkaab' ri' chun teew jpam jaa' seb'laj joron siik jpam, jroox b'alam jaa xaq b'alam wi' taq xilj tiqich'iich reeq, tituruw ra'l jchi'aaq, tiq'urun taq, tisutin taq k'anarnaq taq jwi'l tz'apil taq, jkaaj sootz' jaa xaq



soo'tz wi' taq xilj tirapxin taq tiwitzt' taq tz'apil taq la jaa kita' looq' ti'el taq b'ik jjo' k'axk'olil ri limet jaa xaq k'er taq limeet wi' xilj ch'apal rib'aaq pok tiqitz'itz' taq la jaa xaq kiib' oxiiib' qe lamas xkojsaj taq wi' Juj junajpu pach Wuquub' junajpu xaq tiya'saj qe jb'iij nojel jaa k'axk'olil. Ruk're xtaw taq Jun junajpu pach Wuquub' Junajpu chuch Jun Kame pach Wuqub' Kame ɣlamas wi' maq insik' : ɣ|| lamas wi' inchaj xi b'i yasaj chwe chaq laq'ab' miir xcha' rechaq, rechaq xb'ij taq xqak'isa'n qaaj ɣtziyi'n xcha' !lajori xtaw aq'ijaa atkamsaj taq tisachsaj awichaq, ɣatkamsaj taq ɣ xcha taq Jun Kame pach Wuqub' Kame. Laj 'oor xkamsaj taq ɣluwr re kamsan!! Xkojsaj jb'iij lamas x'esaj jb'aa Junajpub' xb'i muksaj chijk'ulel jq'uun 'oor jb'a jaaye' taq laj nik'j chee' tikil chi b'ee xcha, Jun kame pach Wuqub' Kame, ri k'u xib'i jye' taq jb'aa Junajpub' chub' chee' ruk're xwichin chee ri ri ku' kita' re tiwichink xaq jwi'l xiyasaj jb'aa Junajpu ruk're' xwichink, ri ri' chee' muluul jinon ri tib'ijsaj re "jb'aa Junajpu" x'ok taq iil Jun Kame pach Wuqub' Kame jwi'l man che ri xya' jwiich, nojsol chi jwiich kita' chiki' tina'r wene wi' jb'aa jun ajpu kla' nik'qe rik'il taq ra muluul, juntiir ri tijril taq ajxib'alb'a nim jxe' ri chuchaq jwi'l laj 'oor xwichink, ri re' xib'i ya'saj jb'aa Junajpub' kla' ajxib'alb'a xb'ij taq laj ranmaq: : ɣ||

kita' nen tiyuq tokow jwiich chee' ri jinon kita nen ti'ook – tiwa'x chiralaj xcha' taq. Xq'atuj jwiichaq juntiir yaq ajxib'alb'a, kita' chiki' tina'r jb'aa junajpu chijxo'l jwiich man chee' luuk luuk jwiich lajori man chee' jb'iij chee' muluul. Qleen ri pok x'el ɣtakiil ri k'u xtasaj jwi'l jun siq'il q'opoj anm. Lajori tiqayool ne ɣtawik.

Ri ri ɣtzijol jun siq'il q'opoj anm ɣrab'in jun qaqaaj jb'iij Kuchuma Kik' jb'iij wunaq li, ra anm jb'iij lxxik' ri k'u re xta ɣtzijol man chee' ri jinon xyolsaj re jwi'l jqaaj xkan k'ab'er jchi' chijta'ik, xchomorsaj jinon li xb'iij qusi'ntik tib'in wile' man chee' li xcha laj ranm qusika' jyoliik tijb'an taq xcha', rik'an xb'ee chijrilik, xtaw ralaj man chee' lamas tikil wi' ɣaaa! ɣNen chiki' tiko'n lal man ri? ɣKi'intik jwiich man chee' ri? Kita' inkam li, kita' insachb'i we tintok jun we tiche'. Ajri' xta xcha'wch jb'aa jun ajpub' wi' xolaq jxaq chee' ɣnen k'u chawaj xaq b'aa qe wi' b'aa chee'? xcha' jb'aa Jujajpub' re yaj q'opoj anm : ɣ|| ɣtarayaji'n? x'utzaj xb'ijsaj re.

ɣji'n tinrayaji'n! xcha' yaj q'opoj anm ɣtziyi'n xcha'! lik'ch aq'aab' chwaj tinwil xcha jb'aa Junajpu ɣtziyi'n xcha' yaj anm! Xlik' jq'aab' yaj anm xpe man jb'aa li xchub'anch, xyuq taqal la' jpaam jq'aab' ra q'opoj anm. Laj'oor xril jpaam jq'aab' ajri xril kita' chiki'



qleen lajq'aab', Laj walchub' xkan inye' intux, inxu'm xchach' laq chee' lajori inb'aa kita chiki' tinik la', jinon li jb'aaq ajnimaq reqlee'naq xaq yo'l taq tinik qe tib'anow qus rilik ri k'u kamnaq taq chaq tijtzaq taq jchool kristyan, jinon li re ralk'walaq chopka' jralchub', chopka ralkwal jun nim ajnoji'nk nim retamb'l kita' tisach nen k'u xkan jk'ute chuch ralk'wal kita tisachsaj tijk'ut taq chuch jtux, rijmamaq, jxiknaq jmok'aaq jjinon b'aka' li! Jinon li b'nal chawe inwi'l, : III jaween b'aa uleew mtzaq ach'oo'l, koj intzii, jjinon b'aka' li! Xcha' jb'aa Jun junajpub' Wuqub' Junajpub', maxaq taqe xpe ljb'aa rechaq rib'aka' jtaqon naq

Jun Raqan

Ch'ipi Kaqulja

Raxa Kaquja.

Jinon li xq'ajb'i ra q'opoj anm laj rochooch ruk're xpixb'ajb'ik, laj 'oor xwuux awas anm jwi'l man ra'lchub'. Jino li xwa'x taq Junajpub' pach lxb'alanke, xtaq yaj anm chirchooch ajrik'ure' xq'aax waqii'b' iik' lamas jqaaj xretamaj awas anm chaq. Kla' li xkuxtaj jwi'l yaj anm nen k'u xb'iij jqaaj re, ajri' xrik'aj awas anm chaq. Juntiir xmulaj rib'aa chijchomorsaj Ajaw, Jun kame, wuqub' kame rik'il Kuchuma kiik': - ataq Ajaw inrab'in

awas anm chaq xb'ansaj k'ax re xcha' jqaaj ri k'u re xtaq rik'il Ajaw jquusi'n li xcha' taq ! jk'ot b'aka' jchi'! wene ta tijb'ij nen keq'e naj tib'asek'etaq ti'esaj li nen k'amal jwi'l, tziyi' li xcha rechaq. Xb'e li chijtz'onaj re jrab'in, xta re : III ġnen k'u jqaaj awalk'wal k'amal awi'l? re xb'ij kita'n walk'wal qaaj, ajki finch'ob' jwiich wunaq xcha' re jtzii'n xcha jqaaj re! Qes tz'et aj jun tz'ii'laj anm. jk'amtaqb'ik ataq ajchajanl jat ak'amsaj taq, tak'amch taq ranm xilj jun to'l jinon li ti'ilsaj jwi'l yaq qajawl xcha jqaaj yaj anm rechaq, jan xcha taq kijab' rib'ilaq xk'amtaqb'ik jun tyo'l xreqajtaqb'ik yaj anm jinon xk'amtaqb'i man ch'uut ab'aj re tikamsaj xpe man q'opoj anm xch'ab'ej yaq tukur xb'iij rechaq waren taq minakamsaj taq kita' b'aka xinmakuun nen k'amal inwi'l jinon qe li xinwux awas anm xaqe jwi'l xinwile' qe jb'aa jun Ajpub' wi jali li pusb'alchaaj, mawesaj taq wanm xcha rechaq; - ġnen k'u tiqakoj re jk'ixeel awanm? Xijb'aka aqaaj chiqe tak'amtaqch ranm chwe jinon li q'ajen taq b'ik rik'il yaq Ajawb', b'an achakaq ya' taqb'i ranm xilj jun muluul ġjinon k'uli xb'ijsaj chiqe? ġtiqaye' b'ik xilj ra muluul, ojchiqajtine' kita' atkam xcha' yaq tukur re.

: 0 III Jinon ataq neri ta' awochochaq, kita' looq' ataqsaq taq chijkamsaj kristyan x'utzaj taq,



k'isb're atkamsaj ataq jwi'l rechaq. Akik'elaq rechi li Jun Kame pach Junajpu rechaq xaqe tzeetz laj kiik' rajaq.

¡Jinon li kiik' qe tik'atsaj chuchaq ri ta' tik'atsaj wanm chuchaq ¡jinon ili! Kojtaq b'aka ra'l chaaj, ri k'u xqeej li muluul xb'an tzeetz tzeetz jinon xkowor xb'an chopka' rilik ranm kristyan rik'u re xyetz'saj keq keq ra'l x'elch chq'waxka' kiik', ri li xk'olsajb'i li to'l ra'l chee', ri xpaq'saj jwi'l yaj anm. Keqchee' xkojsaj jb'iij jwi'l nik'qe jkeqiil rik'il looq'laj kiik', jali wiich q'iij saq pok rajaq awichaq jinon kla' wi' nen qleen awechaq x'utzaj taq yaq tukur jwi'l yaj anm.

¡tzii'n! jo', ojnab'erb'i chawch ojabw'ik atxaq atb'en qeb'ik ri k'u ooj tiqak'amb'i jk'ixeel awanm chuch yaq ajwb' xcha taq re.rik'u yaq tukur xtaw taq chuch yaq ajawb',

: ¡¡¡ juntir tikikot taq. ¿ajki' na? Xcha Jun Kame xb'antijiin xcha taq, kori' wi' ranm xilj ra to'l ¡qusi'n! qilnika' xcha' Jun Kame xresaj rik'il jq'aab' xch'otow tzeetz laj kiik' chirij, nuch' taq koq' q'aaq', ya' taq chub' q'aaq' xcha' Jun Kame jan xcha taq xya' taq b'aa q'aaq' ajri xrik'aj taq yaq ajxib'alb'a simiin simiin ruxb' xrik'aj taq, xpe taq juntir yaq ajxib'alb'a xb'it taqch xch'ukar taq chuch seb'laj kii' rik'aj taq jruxb'

kiik' li. Rechaq t'usul taq kla' xpe taq uka yaq ajk'amal jb'ee yaj q'opoj anm xb'e taq xresaj taq b'i yaj anm chi jchi' jun juul wiich uleew laj 'oor xq'ajch taq chik li xib'alb'a, jinon li xch'eksaj taq yaq ajxib'alb'a jwi'l xsub'saj taq juntir jwi'l ra q'opoj anm.

Wi qe kla' jchuchaq Jun B'aatz pach jun Ch'oween, kla' li xtaw lxxik', awas anm xtaw kla xi chaq kiib' oxib' iik' chaq raj chirij re tichaq'aa'ar chirij Junajpub' pach lxb'alanke jinon jb'ijaq, xtaw yaj anm li rik'iil qatiit' li, xb'iij re : ¡¡¡ xinyuqi'n chuuch, inawalb', chuch xcha' re ruk' re x'ok b'ik lamas wi'w qachuch li. ¿Lamas atpew xcha qatiit' li re? Ruk' taq ra kiib' walk'wal kita' xkam taq li xib'alb'a maq kiib' ri ajwiich wi' taq na ri kuxtb' awe ri atux Jun B'aatz' pach Jun Ch'owen jb'ijaq. Aakita' wetam lamas atpew ¡jat x'utzajk jwi'l qatiit'! nenchak ini awalb' chuuch xcha' re, xi chiki' re inawelb' ticha', Rechi' Junjunajpub' nen k'u k'amalch inwi'l ¡yo'l taqa'n! kita kamnaq taq Junjunapub' pach Wuquub' Junajpub', ri ri k'utun nen k'u xb'ansaj rechaq inji' anm. Tawi'la' ri lajkayb'alaq nen k'u k'amalch inwi'l xcha re ji' anm. Xch'ujer taq xpe retzeelaq Jun B'aatz' pach jun Ch'owen, xaq suu'an, b'ixan, tz'ib'an, k'ob'xin qe li tijchakuj taq nojel q'iij chirij qe rechaq k'ub'ul wi'



jch'oolaaq, xb'ij b'aka' jtit': kita' chwaj tab'an walb': jwi'l kita' xatkojon chuch aqaaj - achuuch jwi'l li atq'axnaq xat wuux awas anm, at jun etze'l anm wik'lalin kamnaq taq chaq ri k'u aat ajwich na tayool, ruk' re xb'ij qatiit' : ① tzi' li atwalb', jwi'l xatinta'n nen k'u tab'ij. Jat b'an, k'amtach jwaaq nen k'u titzuqsaj taq na, jat och'onoq tak'amch jun k'aat jaal, atika' walb' tab'ij xb'ijsaj re yaj lxxiik, jtz'i'li xcha!. Laj'oor xb'ee laj rulewaq Jun B'aatz pach junCh'owen lamas wi rab'ixaq; sak'jali' jb'ee jwilaq re titaw lamas wi' rulewaq ri li xtaqejb'i yaj anm, xtawk'u uka lamas wi' ab'iix, ajri tijril kita' k'ii ab'iix tikil jun qe wi kla' xkib'aj ranm yaj anm xb'ij laj ranm in ajmaak lamas tib'in me jun k'aat jaal xtasaj chwe ticha', laj 'oor xkuxtaj xch'ab'ej rajw taq ab'iix rajw jaal, rajw waa, xsik'ij li teew peten taq lxtoj

lxq'anil

lxkakawe

lxziya' ataq rawj qaaw quk'a Jun B'aatz' pach Jun Ch'owen xcha' yaj q'opoj anm xpe yaj anm uka xb'uq' ajsik ni'j jtz'imiyaal jaal pach jb'ooq' patz'an kita xwoch'on, : • rik'il li xnoj man jk'aat chijaal, laj'oor xq'ajb'i yaj anm rita' re xk'amowb'i jaal, awajb'aka' xk'amow taq b'i jaal chuch ri xijb'ijye' taq chijk'ulel

jaa jinon li re tijril ji'anm chq'waxka' ri re xk'amow b'i looq'laj jaal. Rik'u ji'anm xril man k'aat jaal xb'ij re Ɂlamas xak'amew jaal ri? Tib'in wile na? wene kita' xb'an k'ax re quleew wene kita' xak'isch qab'iix xcha' qatiit' re. Xb'e li chi jrilik ab'iix ajri tijril nik'qe jb'anik kita' ch'apal xaq retal man k'aat wi' li uleew, laj 'oor xq'ajch xtaw la jaa xb'ij re yaj q'opoj anm jri jun k'utuni'n? tz'eetb'aka li atwalb' atinchajajna nen k'u qes tab'an xcha re, maqwi'im li xk'ut taq jkwinelaq x'utzaj yaj anm. Lajori tiqayol nen jwa'xikaq Junajpub' pach Xb'alanke. Xtawk'u q'ij li xtziib' lxxik' xwax taq Junajpu pach Xb'alanke re q'ij li kita' xril jtit'aaq, : : li k'iche'laj xtziib' wi' yaj anm, xtawtaq la jaa kita' tiwar taq pok ti'ooq' taq xpe jtit'aaq xb'ij re yaj anm jat at'oje' maq ak'l pok k'ax inxikn tijb'an taq, jan xcha taq xib'ie'saj taq chub' jun jmuul sinik kla li qus laj wuraj xb'an taq, xesaj taq chib'i kla xib'ie'saj taq b'a k'iix ri k'u rajaq Jun B'aatz' pach jun Ch'oween tikam taq chub' maq k'iix, ri k'u k'aax laj ranmaq nen chak wi' taq kla'.

Nab'ee na kita' qes rajaq jwiich jwi'l maq retzaq jwi'l li xk'iy taq laq k'ichee'laj nimaq taq ajsuu', ajb'iix taq Jun B'aatz' pach jun Ch'owen xq'aax q'ij, iik', junab' pok k'ex xtijtaq jwi'l jk'iieyb'aaq, xwux taq ajya'l taq no'j nim retamb'laq jinon



li xwux ajsuu' ajb'iix taq , ajtz'iib' taq
ajtz'aaq taq, juntiir qeen tijb'an taq
qus ti'el chuchaq, rechaq retamaq
chaq re'.

∴ ∴ Wi' jchoq'ab'aaq chub' juntiir
qleen, retamaqi'n tikan 'eltaq
chuch jk'exwach jqaajaaq xb'e taq
li xib'alb'a kla li xkamsaj taq, nimaq
taq ajno'j taq Jun B'aatz pach Jun
Ch'owen rechaq retamaqi'n laj
ranmaq, ri re' xwax taq jq'unaq
kita' rajaan xk'utaq nim retamb'laq
nim jno'jaaq jwi'l retzel laj ranmaq,
chirij rechaq xqej wi' k'ax li kita' nen
chak xk'exasj taq jwi'l Junajpu
pach lxb'alanke, nojel q'ijj tit'ojon
aq qe la rub'laq ri qe li jchakaq,
jtit'aaq pach Jun B'aatz' pach jun
Ch'owen kita' rajaan re jwiichaaq,
kita' tiyasaj jwaaq nab'e na tiyesaj
rechaq Jun B'aatz pach Jun
Ch'owen ruk' re tik'is rechaq ti'el
taq b'ik ruk' re tiya'saj

rechaq, kita' tipe retzelaq , xaq tijq'i
taq qe rechaq retamaqi'n nen
chaak tijiin tiq'ax juntiir qleen ri,
rechaq nojel q'ijj tijk'am taqch taq
ra ka'n ruk' re Jun B'aatz pach Jun
Ch'owen titijuw taq b'i chuchaq,
kita qleen tiyasaj rechaq Junajpub'
pach Xb'alanke oor Jun B'aatz
pach Jun Ch'owen xaq suu'an qe
tijchakuj aq nojel q'ijj, xtaq taq chik
jun muul Junajpub' pach Xb'alanke
kita' qleen k'amal jwi'laq ∴ ∴

xch'ujer jtiit'aaq chirijaaq xxb'ij
rechaq nen chak kita' ka'n
k'amalch awi'laq? Rechaq xb'ij taq
nen taj, xkan q'ater taq ra ka'n b'a
chee', oj kita' ojkwinn oj'eq'an b'aa
chee', xcha gtaq re jtit'aaq,
chicqajb'aka' qeetz tib'e taq qik'il
tib'ijqesaj taq chiqawiich xcha' taq
jqusi' li ojb'e awik'ilaq aq'aab'
chweeq' xcha taq, reetz rechaq.
Chomorsal chaq jwi'laq nemo
tijb'an gtaq re Jun B'aatz' pach Jun
Ch'owen, ri ri qatzijj tib'anb'aka':
jwi'l pok k'aax b'anal jwilaq chiqe,
jinnon rajaan re ojkan tisach qawiich
ojika' jq'unaq taqalkoj jwi'laq
jwi'lk'uli tiqach'ek taq xaq chiqaj
tik'ach jwichaq qawi'l xcha' taq
chirib'il rib'aaq. Jinnon b'aka li xb'e
taq ralaj man chee' jib'ijj Q'ante',
b'esel taq pach retzaq ajri' x'ok taq
chijt'ojik taq ra ka'n b'a chee' x'ok
taq iil maq retzaq jwi'l jk'iyal ka'n
wi taq b'a chee' tich'ejej taq, kita'
jun ka'n xtzaqch b'a chee',

∴ | Jawen taq b'aa chee' tib'a
aqesaj taqch maq ka'n xcha raq re
maaq retzaq jjan xcha rechaq! Ri
wi taq b'a chee' xniman chirilajaan
rajaq xkej taqch kita' chiki' xkwinn
xkej taqch Jun B'aatz pach jun
Ch'owen, xch'awch taq b'a chee'
xnimon tiqachap qiiib'? ticha' taq j
tipax awanmaq chiqijj ataaq
qaq'uun tiche' taqch b'a chee'
Xch'aw taq Junajpu pach
lxb'alanke: kirch jpaas awexaq xiim
xe'ach'olaq yuq taq nim raqan



tab'an taq re chqwaxka ajeeaq
 chawijaaq, jinon li qus at'el taq xcha
 maq ja'unaq rechaq jtz'i'n jurul man
 jtzam jpaas jwi'laq! Laj ǵ'oor xwux
 jeeaq rechaq xwux taq k'ooy, jino li
 xb'e taq b'a chee' chi nuuch' chi
 nimaq, jinon laq k'iche'laj xsachtaq
 b'i xo'laq chee', jinon k'uli xch'eksaj
 taq Jun B'aatz' pach Jun Ch'owen
 jwi'l Junajpu pach Xb'alanke jwi'l
 retamb' laq xkwin taq chijb'anik,
 xq'aj taq b'i la jaa xb'ij taq re jtit'aaq
 : ǵ jinon re jchuchaaq, tiit' kita'
 qetam nen xta' taq qeetz kita'
 chiki' tik'ixib' taq awaj taq chaq
 lajori xcha taq, wene wi' qleen
 xab'an ataaq re awatzaq xab'ana'
 taqa'n jun k'ax chwe. Tinwilb'ej
 kita' qleen xab'an taq re awetzaq
 ataaq wiyi'm xcha' jtiit' rechaq
 Junajpu pach Xb'alanke, rechaq
 xb'ij taq re jtiit'aaq mat'ook iil tiit'
 tawila'chiki' ri jwichaaq rechaq
 tiq'ajch taqa'n, xqab'en ri jwi'l kita'
 na re at'tzee'n tiqapaje' chik riij
 xcha' taq, x'ok taq uka chi suu'ank,
 chi ja'osaj tamb'oril xpe jtiit'aaq uka
 xib'i kub'ar rik'ilaq, xpe rechaq x'ok
 taq chijsik'ij rik'il jsuu'aaq rik'il jb'ixaaq,
 xkojsaj jb'ij man b'iix li "Jun ajpu
 k'oo'y" ajri' xril taq tixojoox x'ok
 taq b'ik Jun B'aatz' pach Jun
 Ch'owen ri k'u' x'ilsaj taq jwi'l jtit'aaq
 : ǵ kita' xkuuy jtzee' chirilikaq jwi'l
 kita' qus tinatun taq, laj 'oor
 tich'opin xb'ee taq laq k'ichee'laj
 kita' chiki x'ilsaj jwichaaq ǵnen
 chaak xatzeej tiit' xcha taq re? Xaq

kijab' muul qe tiqasik'ij taq xi chaq
 oxib' raj xcha taq re jtit'aaq, b'an
 jun toq'oob' matzee'j chik jwiichaaq
 . tiqasik'ij taq chik, xcha' taq Jun
 ajpub' pach Xb'alanke xsuu'an taq
 chik x'ok taq chib'ik xtaq taq
 b'aatz'aaq xtzee'saj taq chik jwi'l
 jtit'aaq qes tz'eet seb'laj tijya' taq
 tzee kokol reli'aaq xee' jch'olaq jinon
 tijsilib'saj taq jeeaq chijch'olaq, jwi'l
 li xb'e taq chik li k'ichee'laj ǵ xpe
 Junajpub' pach Xb'alake xb'ij taq,
 nen tiqab'an tiit'? oxmulchaaq lajori
 tiqasik'ij taq, xsuu'an taq chik
 xq'ajtaq chik maq k'oo'y tixojow
 x'ok taq chik, jtit'aaq xaq kuyul qe
 jtzee' jwi'l xaq'an taq wichaaq xaan
 paatz paatz, tziil tziil tinatun taq
 chqwaxka' kita nen tisuuw jwiichaaq
 ri k'u x'ilsaj taq chik jwi'l : ǵ jtit'aaq
 tipaq'aaq' chi tzee' chi rilikaq kita'
 chiki' x'ilsaj jwichaaq, xichaaq k'isb're
 lajori tiit', xcha' taq re. Xqab'ijka'
 xaq kijab' muul qe tiqasik'ij taq,
 xsik'ij taq chik rik'iil suu' kita' chiki'
 xq'ajch taq, xb'e taq li yaltiiir li
 k'iche'laaj, xqatija' jsik'ijkaq tiit',
 nab'ee na xyuqtaqa'n xqakamulaj
 jsik'ijjaq. Mat b'ison woji'n awik'il,
 ojawiyiim, xaq ch'abeej, chawaj
 qachuuch, oor yaq qatz tikux taj
 taqari' jjinon ri tiba'nsaj! ǵxaq qe
 xtij jchoq'ab'aaq! ǵkita k'u xkojsaj
 jb'ijjaq?jun B'aatz' pach jun
 Ch'oween jinon li tib'ijisaj rechaq re
 xcha' taq Junajpub' pach
 Xb'alanke, rechaq ri qes trikux taj
 taq jwi'l ajsuu',ajb'iix, ajk'otol



chee', ajtz'iib', jwi'l oojr taq qawa'xk, tawila'n xwux taq k'oo'y jwi'l nim tijya' rib'aaq, jinon xb'an taq k'aax re ja'unaq. Jinon li jwi'l jkachkatemaq wi laj ranmaq jwi'l li xb'ansaj k'ax rechaq jwi'l Jun B'aatz pach Jun Chowen : || Jinon li richaq Junajpub' pach Xb'alanke tisuu'an taq tib'ixan taq, nimaq taq qleen xb'an taq ruk're xk'ii'y taq rik'iil jtiit'aaq jinon rik'iil jchuchaq, nab'eechaak xb'antaq ri tikoj ab'iix, obj'itikonan na tiit' chuuch xcha taq. Mat b'ison taq qaatz kita' taqachiki'n woji' laj k'ixel rechaq xcha taq Junajpub' pach Xb'alanke xb'e taq li chaak, xt'obj'i b'a jtelb'aaq rikejaq rasronaq jinon xreqajb'i jub'laq, xkan jb'ij taq re jtiit'aaq tib'iy'e'saj jwaaq, jaan xcha jtiit'aaq tzi' li tib'in ye' awaa'aaq xcha rechaq. Ri ku xtaw taq laj rulewaq lamaq titikonan taq na xaq qe jmuq taq rasronaq luleew rik'an x'ook asron li chaak, maxaq ta asron jinon rikejaq xaq tijch'ap taq chuch chee' rik'an tijket taq nimaq taq chee' pelan chaq riij tiqejtaqch li uleew chi chee' chi quul, rik'an qe man ikej tib'anowk.

: || Oor man rasroon pook nim woroon xjoosb'ik kita' nen tinik'ib' rik'il jchoq'aab' nimaq taq k'iim, woron xjosb'ik, xtok taq jun ra ka'n jb'iij xmuqur xya' taq chib' jun nim kutam xb'iisaj re jwi'l yaq Junajpu pach Xb'alanke, tawil wene tipe' qatiit' chijye'ik qaaw atch'awch

jinon li tiqamuq'ej qasroon jinon aikej iquasi'n! xcha' Xmuqur ri k'u rechaq x'ok taq chijt'ojik qleen la ub'laq kita' tzeet re chijtikik ab'iix xb'ew taq, ajri' xtataq xch'aw xmuqur laj'oor xq'ajch taq chapal chaq rasroon pach rikejaq, xim jb'aaq jun xtzaq uleew lajq'aab' laj kayb'al jun chik xt'ooj xerek' chee' lajb'aachq waxka' ajchaak rilikaq, jinon li xtaw jtiit'aaq rik'ilaq xtij jwaaq tz'eeta'n tikoj ab'iix tijb'an taq xaq qus qe xk'amsaj b'i jwaaq. B'esel q'iij xq'aj taq b'i la jaa pok kosolkoj tiit' xcha' taq re tijyuq rib'aaq chuch jtiit'aaq. Ri' xq'aj taq chik b'ik lajkaab' q'iij : || ajri tijril taq juntiir nik' chop nab'e q'iij xtaw taq juntiir qleen wa'l, jinon uleew kita' chakul jwiich gne k'u tik qes tijiin tijb'an ri chiqe? Ri' juntiir awaj tib'anow taq re chi nuuch' chi nimaq, man q'eq' riij b'alam

Man B'alam

Ra kej

Ra imul

Ra para

Man utiww

Man raaq k'ichee'laj

Man Piich'

Taq ra ka'n nimaq chi nuuch' jun aq'aab' tijye' taq re chijb'anik.



X'ok taq chik chi chaak chijitikiik
 rab'ixaq, xchakuj taq chik uleew,
 jinon xqesaj taq chik juntiir chee',
 xk'is chaak jwilaq xyol taq, tijb'ij taq,
 tiqachajaj qab'iix jinon li tiqachop
 xcha' taq xq'aj taqb'i la jaa, xtaw
 taq xb'ij taq re jtit'aaq jinon re
 jchuchaq, : ̣ nen k'u xta' taq,
 ojqa'ajch na b'ik tib'i qachajaj na
 nen k'u tijiin tijb'an k'ax chiqe,
 xb'an taq jwa'x qleen rechaq
 xb'ee taq xtaw taq li kla' xmuq
 rib'aaq, muqeen chaq rib'aaq ajri' tij
 ril taq xmulaaj rib'aaq juntiir awaj, chi
 nuuch' chi nimaq, nik'aj aaq'aab'
 chaq juntiir tiyoloow taq jinkin ri tijb'ij
 taq jib'iten taq chee', b'iten taq
 quul! Tiche' taq petzel taq xmulaj
 rib'aaq xaq' chee' kla' k'uli x'el
 taqch rechaq lamas muqeen
 rib'aaq xtij taq jchapik man b'alam
 pach man q'eeq b'alam kita' xkwin
 taq chijchapik jinon xtij taq jchapik
 ra kej pach ra imul xaq chij jee'
 xchop taq jwi'l k'uli kut jee'aaq taq
 ra awaj li, oor ra paar, ra uti'w, ra
 raaq k'iche'laj pach man piich'
 x'elmaj taq chuch, xq'ax taq juntiir
 awaj chuch Junajpub' pach
 Xb'alanke seb'laj xb'iq' retzelaq
 jwi'l ni jun rechaq xkwinntaq
 chijchapik, xq'aljin jun k'isb' re awaj
 tich'opin petzel : ̣ xwab'a taq
 xchap taq sik' ch'oo li xtij taq
 jitz'e'jk, xk'at taq jjee jwi'l k'uli kita'
 ismal la' jee, 'eselch jib'aaq'wiich
 jwi'l li xtijaj jitz'e'jk jwi'l Junajpu
 pach Xb'alanke jkita' looq' inkam

lajaaq'aab'aaq! Achakaq ta' jitikiik
 ab'iix. jko 'li awe ataaq! ̣ Lamas
 wi'w qleen qe tab'ij? b'ijch laj 'oor
 xcha' taq re ̣ nen chaak kita'
 inataq taq? K'amalch jun tajkiil
 inwi'l tinb'ij iri chawe chaq, nab'ee
 na ya' taq jun kiitz inwaa, b'ijch
 nab'ee ruk' re tiqaya' aw xcha taq
 re sik' ch'oo, jquasi'n cha'! qleen
 recha aqaajaaq Junajpu pach
 wuquub' Junajpu ri re xkam taq jali
 Xib'alb'a, xkan 'el qleen rechaq re
 iitz' pootz' xkan kokor jwi'laq b'a
 teem la jaa, Ximb'jch'olaq, kolb'
 jtelb'aaq, pach jpootz'aaq, xaq kita'
 tak'ut taq chuch atit'aaq, jwi'l li
 xkam aqaajaaq ̣ tz'eet awetami'n?
 xcha' taq re ra ch'oo, seb'laj xkikot
 taq chij ta'ik sik' ch'oo xyool chub'
 man pootz' : ̣ xya' taq jwaa sik'
 ch'oo xye' taq re:

ixiim,

sikiil q'ooq',

iik,

kinaaq',

pataxte,

kakaw.

jri ri awe x'utzajk! Wene wi' qleen
 k'olan jinon tob'ol qe awechi'n tij
 xcha taq re sik' ch'oo jwi'l Junajpu
 pach Xb'alanke. Qusi'n ak'alb'
 xcha, ̣ nen tinb'an wene ijril atit'aaq,
 xcha sik' choo, jmtzaq ach'ool



xcha taq re! Woji' awik'il oj qetami'n nen tiqab'ij re ri we tiqil ti'okch atb'i qa ye' laj xukt jaa, atb'e na laj'oor ataw lamas kokolwi' maq qleen la' qalaa atqilwi' li teel re b'ajaa jinon li xb'ij taq re, kita' xwar taq chijchomorsajk ruk' re nik'aj q'ijj chaq xtaw taq la jaa, kita' tinar wene k'amal jun ch'oo jwilaq, jun xab'ark junchik k'amal sik' choo' jwi'l laj ɣoor xraq'ansaj b'ik b'a jaa, xpe taq uka xta taq jwaaq re jtiit'aaq ke'j koq' jun kiitz qleen, chiqaj tiqatij jok'oom pix tiit' xcha taq re jtiit'aaq, xq'asaj jun tz'oqoom laq chuchaq nojsol chi jok'om piix, re jsub'ik jtiit'aaq jinon jchuchaq xb'ij taq pok tichekej qachi' : III poq'owsaj taq koq' jun xaar qajaa' j tzi'n xcha jtiit' rechaq, xb'ee jtiit'aaq chija'; ri k'u' rechaq xkan chijtjik jwaaq, matz'et ta', wi' wii'jal rechaq tijulaj taq qe, xril taq sik' ch'oo laj laqaaq, ajri' tijril taq sik' ch'oo muqeem rib' chirij man pootz' kokol chub' teem, ri k'u re xril taq sik' ch'oo xilj jpixaaq kokol kla' xtaq taqb'ik jun ra usum, chi jaa', lamas ra usum ri xjor jun ra jul la' jq'iib' jtiit'aaq, ajri chaq tijriil tichaaq turuw jq'iib', re xtij jk'ojaj jq'iib' kita' xkwin, rechaq ɣxb'ij taq, nen chiki' xta qatiit'? xk'istaj qanm chijrulb'ej jaa' pok ojkom re chekej chi' jat ilta xcha taq re jchuchaq, jan xcha xb'e chijk'ulik relb', xpe man ch'oo uka xkirch man pootz' pach ximb'jch'olaq, kolb' jtelb'aaq,

sutb' ra'aaq, juntiir qleen ri xtzaqch xilj man tel wi' b'a jaa' xpe taq uka' xijb'ite' taq xb'i jmuqe' taq li b'ee re tib'e li taq'j itz'anb'l, xpe taq uka, xb'e taq chi' ja', ajwich tijiin tijk'ojaj taq ra q'iib' ri k'u re xtaw taq taq kla' k'amalb'i jub'l jwilaq, xoj kos chawulb'ejaaq, ɣxqab'ij nen chiki' xta' taq xoj cha' jwi'l k'uli xoj pet chawilikaq?

: •III II taq impuch inq'iib' kita' inkwin chijk'ojaj xpe rechaq xk'ojaj taq jinon li juntiir xq'ajch taq xnab'erch taq chuch jtiit'aaq, jiqelon li rechaq xkwin taq chijk'amik man pootz'.

Tiki'kot xtaw taq, xsak'jaj taq, taq'j itz'anb'l re jqaajaaq; na'j xtij taq, rik'an ti'itz'an taq kla', ri' k'u' xta taq yaq ajxib'alb'a xb'ij taq ɣnen k'u x'ok taq chik chi'itz'an chub' qab'aa?, ɣkon ta tik'ixib' taq tich'opin taq kla' ajsik? ɣkita' k'u xkam taq Jun junajpu pach Wuqub' junajpu, nim xya' rib'aaq chiqawiich j jat sik' ta taqch! Xcha' taq Jun Kame pach Wuqub' Kame. Xsik'ij taq yaq ajya'l tajkiil, jinon ri tab'ij taq rechaq: "tipe taq" chi iitz'an neri, ajri tipe taq wuqub'x re oj'itz'an rik'ilaq, jinon li tab'ij taq x'utzaj taq yaq ajya'l tajkiil.

Xq'ajch taq li nim b'ee lamas tiq'ax taq yaq k'ojol wunaaq r titaw taq la jaa rik'ilaq, suk'ul x'ok taq b'ik la jaa yaq ajya'l takiiltzij lamas wi' jtiit'aaq.



Yaq k'ojol rechaq itz' tijb'an taq, yaq jtaqon ajxib'alb'a xkan jb'iij taq re lxmukane', : ||| wuqub'x ti'ub'ej taq jali xib'alb'a kla' rajaqa yaq qajawl tib'i itz'an taq xcha taq re, qusi'n xcha lxmukane tiqa taq na jsik'ijaa. Ri'qe li xkan jb'ij taq xb'ee taq, kla' k'uli xkan 'ook jun k'ax laj ranm lxmukane. ġnen tintaqb'i chij sik'ij maq wijmam xcha laj ranm? ġtz'et ili jinon ojr xyuq taq maq ajya'l taq takiltziij tipe taq jali xib'alb'aa ri k'ure' xkamsaj jqaajaq? Xcha' jtit'aaq seb'laj ti'ooq' la jaa.

Ajri' xril xtzaqch jun suquk', laj 'oor xchap xya' laj jpam jq'aab' man suquk' seb'laj ġtib'en lajq'aab' xpe re xb'ij re man suquk' at pent chawaj atintaqb'ik, chwaj tib'i sik'ijch maq wijmaam wi taq chi'iitz' x'utzaj man suquk'.

Jinon ri tib'a b'ij rechaq ajri' xyu' taq maq ajxib'alb'a rik'il atiit' xkan jb'ij taq re, wuqub'x at b'e taq chi iitz' rik'ilaq atcha rechaq. Qusi'n xcha xb'ee man suquk', usiil b'esel ajri xta' jun ixpakar, tamazul jb'iij man ixpaqar, ġlamas atb'ew? xcha man ixpaqar re,- kamalb'i jun tajkil inwi'l xcha man suquk' re Tamasul. Qusi'n tinwil in usiil b'esel kat x'utzaj sik' suquk' jwi'l man ixpakar : ||| ġchawaj ni atinb'iq'b'ik? Jinon li ojtaw laj'oor ġqusi'n! xcha' xb'iqsajb'i jwi'l man ixpaqar xb'e taq li jinon man ixpakarkita' laj 'oor

tib'en ri k'u laq bġee xk'ul jun kumatz jb'iij Saqikas, lamas atb'ew Tamasul xutzaj jwi'l man kumatz in ajya'l takiil xcha re tinwiliin kita' qes laj 'oor b'eselkat , intaj laj'oor intaw xcha re, qusi'n xcha re xpe man kumatz xb'iq'b'ik man ixpakar jinn li xta' jwaa maq kumatz tijb'iq' tage b'ik maq ixpakar, xb'e li laj'oor man kumatz laq b'ee xb'iq'sajb'ik man kumatz jwi'l jun Kot jinon li xta' jwaaq maq kot, jinon li laj'oor xtaw taq lamas tijiin tiitz'an taq Jun ajpub' pach lxb'alanke xpe man kot x'ooq' ġWak k'o Wak k'o ġnen chiki'? xcha' taq : ||| petb'aka' qawub'l xpe taq uka xt'ojon taq b'ik, laj b'aa'wiich sik' wak xtz'ok taq jun re, xtzaqch uka sik' ka'n laj 'oor xb'ijchape taq, xta taq re ġlamas atpew? Xcha taq re k'amalch jun tajkiil inwi'l, xaq nab'e na kunaj taq inb'aaqwiich, ruk' re tinb'ij chawe taq xcha rechaq, ġ jan xcha taql.

Xresaj taq jun k'eer q'eeq tz'uum la man pootz' xnek'taq la jb'aaqwiich Wak; "kiik' tojon" xkoj taq re, ri re xkunaj taq jab'aa'wiich Wak qus chaq tinatun chik. ġb'ijch nen tajkil k'amalch awi'!! xpe uka xab'ajch man kumatz, ġch'awen! xcha' taq chik re man kumatz ġjan! xcha' man kumatz xab'ajch man ixpakar, ġnen atajkil? B'ijch chiqe xcha taq re man ixpakar k'amalch jun tajkil inwi'l xcha' rechaq, x'ok chixab'an kita' qleen tijresajk xpe retzelaq re,



at tamol qe atzii xcha taq re, xpe taq xq'aj taq b'a rachaaq sik' ixpakar, chi aqan. Xtijchik resajch xaq raljchi' qe ti'elk, xpe taq uka' xrech'ech'ej taq jchi' sik' ixpaqar xtok taq laj chii' : ① Kla' li xta taq wi' man suquk' laj chi' sik' ixpaqar, chij ch'ol re xb'iq' qe b'ik ri k'u xkan qe toq'or la ree man ixpaqar, jwi'l k'uli lajori ri jwaaq maq kumatx, xpe taq uka' jb'ijch! nen tajkiil k'amalch awi'l xcha' taq re sik' suquk', xpe re xb'ij rechaq tijb'ij atiit'aaq xtaq taq maq jtaqon ajxib'alb'a taq taq jwi'l Jun Kame Wuquub' Kame lamas xkan jb'ij taq re atb'etaq na wuqub'x rik'ilaq atb'i itz'an taq pootz' rik'ilaq tak'am taq b'i juntiir qleen awechaq, apootz'aaq, ximb'ach'olaq, kolb' atelb'aaq jinon, akutweexaq jkla' li tik'achsaj awichaq! Tijb'ij taq qajawl, jinon xkan b'ijsaj re, qas saqlaj tz'eet atiit'aaq pok ti'ooq' raj atb'e taq rik'il, jwi'l k'uli xinpet.

ǵtz'eet k'uli tab'ijj? Xcha' chirib'il rib'aaq, xq'ajch taq laj'oor, xaq jb'ij taq re jtiit'aaq, ojb'ena tiit' xaq xojpet chijtekiik kiib' oxib' qab'iix chuch jaa ri k'uri jretal qatzij wene ojkam tichekej taq ari xcha' taq : ① • nemo tab'ij taq ri wene tichekej xatkan taqa'n, jinon wene tituxa'n ri tik'utun yo'lkat taq na. Ji'n xcha taq, at tiit', at chuuch mat ooq' taq, tikan b'aka kuxtb'qe awik'ilaq xcha' taq x'ok taq chijtekiik, jun Junajpub' jun chik xkan jtike

Xb'alanke. Chuch jaa xkan jtike taq wi'w li kowlaj uleew.

Xb'e taq, wi' jrub'elaq xqej taq b'ik xib'alb'a.

Xq'ax taq chub' ni'j aq'aneb'l wi' kla' jinon xq'ax taq lamas wi jun koxomsiwan jinon xq'ax taq lajxo'l nij'j ka'n molaj jb'ijaaq jinon xq'ax taq chib' kiib' nimjaa', jun chuu'laj jaa' pach jun kiik' jwiich, chijch'ool yaq ajxib'alb'a kla' tikamsaj taq ri k'u rechaq xkoj rub'elaq re xq'ax taq chib'. Xtaq taq li jun luwr lamas tijta' riib' kijab' b'ee, nab'ee jun qequum b'ee, jkaab' jun saq laj b'ee, jroox jun keq b'ee kisb' re jun rax rax b'ee, kla' k'uli xtaq taq b'ik jun ka'n xa'n jb'ij ri tib'i rile' jinon tiyuq jb'ij nen xrilech', ri li xtaq taqb'ik, xb'ij taq re chijujunal tib'a ti'ech', xb'ij taq re tachol jti'ik nen kub'ul nab'ee ruk' re tak'isb'ej rik'il juntiir xcha taq re, : : jinon li tawechb'ej jtijik jkik'eel kristyan laq b'ee xcha' taq re.

jquasi' li xcha' rechaq; xb'e li q'equ'm b'ee, xtaq li chirij maq pooychee' ri nab'ee kub'ul taq wiqil rijaaq, xpe uka xti' man nab'ee kita' qleen xb'ij xti chik man jkaab' kita' xch'aw chik, xti' chik man roox ri b'aka' Jun Kame. jay! Xcha' jnen xataw xcha taq re j xinti'saj xcha' re, jay xcha chik man jkaaj! ǵJinon wein xintisaj xcha chik re? ǵman jjo' ri' Wuqqub' Kame jinon xb'ij chik re,



nen xataw Xikiri Pat xti'saj xcha chi re, jinon xti'saj chik Kuchuma Kik' nen xataw x'utzaj jwi'l Xikiri Pat, xinti'saj chik in re ri man jwaq, jinon man jwuq ri' Ajal Puj jay xcha chik re! Nen xataw Ajal Puj xcha kuchuma Kik' re, xinti'sajk, jwaxaq ri' Ajal Q'ana xtisaj chik re jay i xcha chik re nen xata'w x'utzaj jwi'l Ajal Puj, nen chiki' xinti'w xcha', :: xti'saj chik jb'elej ri' Chamiyab'aaq jay xcha'! nenxata' xcha' Ajal Q'ana re, xinti'saj xcha', xti'saj chik jlaaj ri' Chamiya' joloom jay xcha'! nenxata' xcha' Ajal Q'ana re, xinti'saj xcha', xti'saj chik ju'laaj ri' Xik, jay xcha'! nen xata' xcha' ch'amiya'jolom re Xik, xinti'saj xcha', xti'saj chik kab'laaj ri' Patan, jay xcha'! nen xata' xcha' Xik re, xinti'saj xcha' xti'saj chik oxlaj ri' Kik', jay xcha'! nen xata' xcha' Xik re , xinti'saj xcha', xti'saj chik kajlaaj ri' Kik' Rixk'aaq, jay xcha'! nen xata' xcha' Kik' re, xinti'saj xcha', xkojsaj jb'iij pi Kik' Re man ri. Jinonb'aka li xb'ij jb'ijaaq xch'ob'saj jwichaq jinon li xkojsaj jb'ijaaq chop kub'ul taq, jinon li xb'iij jb'ijaaq jwi'l xti'saj taq jwi'l jun rismla jb'aa Junajpub' xtaqb'ik ma tz'eet ta jun xa'n, ri b'aka' xb'ij te' juntiir nen jb'ijaaq wi' taq kla' jinon xijb'ij re Junajpub'pach lxb'alanke.

:: ruk're xb'e taq jinon li xtaq taq lamas wi' taq yaq ajxib'alb'a xb'ijsaj rechaq, ya' taq rtziil jwichaq nen kub'ul taq x'utzaj taq jwi'l nen

xk'uliuw rechaq, maq ri kristyan taq ta'n b'anal taq qe la chee' xcha' taq x'ok taq b'ik, xpe taq li xya' taq jun rtziil jwichaq nen wi' taq kla', jinon li xb'ij taq:

jsaqari'n Ajaw Jun Kame!

jsaqari'n Ajaw Wuqub' Kame!

jsaqari'n Ajaw Xikiri Pat!

jsaqari'n Ajaw Kuchuma Kik'!

jsaqari'n Ajaw Ajal Puj!

jsaqari'n Ajaw Ajal Q'ana!

jsaqari'n Ajaw Ch'amiyab'aaq!

jsaqari'n Ajaw Ch'amiyajolom!

jsaqari'n Ajaw Xik!

jsaqari'n AjawPatan!

jsaqari'n AjawKik' re!

jsaqari'n AjawKik' Rixk'aaq! Xcha' taq xtaq taq, xb'ij jb'ijaaq juntiir nen wi' taq kla' kita jun b'ij xsach rechaq, ri k'u rajaqaq yaq ajxib'alb'a kita' tietamaj nen jb'ijaaq. jkub'ren taq kla'! x'utzaj taq kita' raj xkub'ar taq xb'ij taq man ri teem ta' chiqawch ooj, jun k'eten ab'aj qe xcha' taq. Kita xwin taq chirijaaq kla', jqusi'n! jataq b'an li man ja wi' jli'! x'utzaj taq jan xcha' taq :: | x'ok taq b'i la jaa q'equum jpam. Jinon kita' xkwin taq chirijaaq ri qes nab'ee k'axk'olil xkoj xib'alb'a,



chijch'ol rechaq tikwin taq chirijaa.
Nab'ee x'ok taq li q'equu'm jaa
kla' xib'i ya'saj jun peraj jchajaa tzijil
xiya'saj rechaq pach jun nimsik' jwi'l
jtaqon jun Kame, ri ri k'utb' ab'eaq
xcha rechaq jinontijb'ij ajaw Jun
Kame xaq tikan ajache' taq na
tisaqar x'utzaj taq.

iqusi'n xcha' taq! Kita' xtzij taq ra
tz'uqaj chaj ri' xk'ex taq, xkoj taq
jjee pan wi rik'ilaq nik' rilik chopka
q'aaq' tzijil wi' rik'ilaq, oor maq
nimaq sik' xkoj taq qe taq ra kukuy
chijtzam rilik tijiin tib'uquuw jun
aq'aab' xq'asaj taq jinon li ixoj
kwini chirijaa xcha' taq ajchajal
rechaq, kita xk'istaq ra chaj jinon
maq nimaq sik' ajwich na xjach taq
chop xya'saj rechaq. ghen chiki
maq ri? ghen Lamas tipew taq? ghen
xk'amow taq chuch q'ij saq xcha'
taq? :: rik' u qas saq laj tz'eet tiqab'iq'
qetzel jwilaq nen tijb'an taq chiqe,
tijpetzaj taq qetzeel jalan taqa'n,
jalan jwichaq, jinon li xtaqsaj jsik'ijaa
jwi'l yaq Ajaw, xb'ijsaj rechaq
oj'itz'an taq x'utzaj taq nab'ee na
xk'otsaj jchi'aaq jwi'l Jun Kame pach
Wuqub' Kame. ghen Lamas atpe'w taq?
B'ijch taq x'utzaj taq jwi'l yaq
ajxib'alb'a ikita qetam lamas
ojpew! xaq xb'ijsaj qe chiqe. Laj
qawarj iqus b'aka' li! Oj'itz'an taq
xcha' taq yaq ajxib'alb'a iqusi' li!
Xcha' taq tiqakoq qapootz' xcha'
taq ajxib'alb'a jta'n tiqakoq qe'ooj!
Xcha' yaq k'ojol wunaq jjinon ta' li!
Tiqakoq qe'ooj xcha' taq chik yaq

ajxibalb'a iqus b'aka' li xcha' taq
yaq k'ojol, man ri wiqil qe riij xcha'
yaq ajxib'alb'a jjinon ta' li! tiqab'ij
jb'a qe jun kamnaq xcha' yaq
k'ojol wunaq.

jjinon ta' li! Xcha' taq yaq
ajxib'alb'a iqusi'n! xcha' Junajpu
xpe ajxib'alb'a xt'oj taqch man
pootz' xyu' xtaqal wich ra' Junajpu
ajri' xril taq x'elch man jb'aa
kamnaq xilj man pootz' xb'ee wiich
taq'j ghen chiki' li? Xcha' taq
Junajpu pach Xb'alanke. Wene
qakamsajk chawajaaq met xataq
taq qasik'ij, toq'b'saj taq qawch,
qusi' ojqa'ajb'ik xcha' taq

:: rik' u rechaq rajaan tikamsaj taq
yaq wunaq jwi'l man b'akamnaq
jinon tali xq'ax, jik' u xch'eksaj taq
jwi'l yaq k'ojol wunaq.

jmat b'ee taq! Ojitz'an taq na,
tiqakoje' apootz'aaq iqusi'n! xcha'
taq xkoj jpootz'aaq nik'aj taq'j, ruk're
xchomorsaj taq yaq ajxib'alb'a
chub' nen tijch'ek taq, xta taq
ghen k'u tiqach'ek? Ataq atb'in
taq xcha' taq yaq k'ojol rechaq,
chiqaj tiqach'ek kijab' kukub' nojsol
chi kutz'ii'j qusi'n xcha' taq ghen
kutz'ii'j lal chawajaaq xcha' taq Jun,
nojsol chi keq kutz'ii'j junchik nojsol
chi saq kutz'ii'j, junchik q'an kutz'ii'j
junchik nojsol chi nimaq taq kutz'ii'j
iqusi'n! xcha' taq yaq k'ojol wunaq,
x'ok taq li chi 'iitz' ri re xmaj taq
nik' qe jchoq'ab'aaq yaq k'ojol pok



x'itz'an taq, rechaq xya' qe rib'aaq
 re tich'eksaj taq, chaq kikit taq
 yaq ajxib'alb'a qusi' xqab'an
 xqach'eka taqan xcha' taq ɣlamas
 k'utik tib'i jme taq kutz'ii'j xcha taq!
 Chweeq' aq'aab' chikaj tajach taq
 nojel kutz'ii'j chiqe nen k'u
 xqach'ek xb'ijsaj rechaq jwi'l
 Xib'alb'a jtz' li! ::|| chweeq'
 aq'aab' ojitz'an chik chi jujunal
 xk'amb'i jb'eaq.

Jkaab' k'axk'olil xb'ansaj re yaq
 k'ojol wunaq ri xkojsaj taq b'i laj
 rochooch limeet, ri k'u rajaan rechaq
 tiq'atsaj taq jwi'l maq ch'ut jb'aa
 limeet rehaq rajaan laj'oor tikamsaj
 taq ri k'u kita' xkam taq rechaq
 xyoloow taq rik'il maq k'ere'l limeet,
 xyoloow taq rik'ilaq, ri' ri awechaq
 juntiir jaljoj taq jwiich jtinik awaj wi'

Jinon li kita' chiki' xsilib' taq maq
 ch'utlimeet xkan 'eltaq kla' li xkan
 'el taq ri k'u re xsik'ij taq juntiir sinik
 nen tiq'atzon taq, jtzaj taq ataq
 sinik xcha' taq! K'amta taqch juntiir
 jwiich kutz'ii'j tikil jwi'laq Jun Kame
 pach Wuqub' Kame rik'u yaq
 ajxib'alb'a b'ijil chaq jwilaq re
 ajchajl taq jkutz'ijaa ɣatkwinin ti,
 ataq tachajaj taq qakutz'ii'j? tawil
 taq kita ti'elq'aj kom xqach'eka'
 yaq k'ojol wunaq, ɣlamas chiki
 tib'ijk'ame taq kutz'ij xqach'ek
 rechaq? Kita' lamas, jwi'l k'uli
 junaq'ab' tachejej taq na jqusi' li!
 xcha' taq, kita' qleen xrik'aj taq
 maq kiib' ajchajanl kutz'ii'j ::|| xaq

tib'ixan taq b'a chee' jinon
 tich'opin taq qe xo'laq kutz'ii'j jinon
 ri tijb'ij taq jxperpweq! ticha' taq
 man junchik jb'ij pujuy, pujuy!
 Ticha' ri b'aka' maq kiib' ajchajal
 taq jkutz'ijaa Jun Kame pach
 Wuquub' Kame. Kita' xrik'aj taq
 x'ok taq, taq ra sinik chijtokiik kutz'ii'j
 ni'j tijtok taq jinon ni'j tijb'elaj taq
 b'ik, yaq ajchajanl kita' xrik'aj taq
 xk'ursaj jtzam jjeaq jinon jtzam
 jxik'aa jwi'l taq ra sinik, seb'laj
 tib'ixan taq kla', jinon li k'i, k'i jwiich
 jaljoj taq kutz'ii'j xib'ijtoke' taq kla',
 xsaqar nojsal chaq maq kukub' chi
 kutz'ii'j jwilaq, xtaq taq yaq ajya'l
 taq takiil tzij, xb'ij taq rechaq jatb'e
 taq ticha' qajawl!, "yaltiir tak'am
 taq b'ik nen k'u xch'ek taq" x'utzaj
 taq yaq k'ojol wunaq. jqusi' li xcha'
 taq!.

Jinon li xtaq taq chuch qajawl
 k'amalb'i maq kijab' k'olb' kutz'ii'j
 nojsol jwi'laq, simin, simin ruxb' jinon
 li xkwin taq chirij yaq aj xib'alb'a, ::||

xaq qe sinik xb'anow taq juntiir ri,
 xtaqsaj taq jwi'l yaq k'ojol wunaq
 jun laq'ab' qe xb'an taq chijnojsaj
 maq kukub' kutz'ii'j.

Jinon li xk'achsaj jwich yaq
 ajxib'alb'a xtzaq jch'olaq chirilik
 maq kukub' nojsol chi kutz'ii'j,
 laj'oor xtaq taq jsik'ijk ajchajal taq
 jkutz'ii'jaa xb'ij taq rechaq, ɣnen
 chak kita' xawi'l taq qakutz'ii'j
 xelq'ajk?, x'utzaj taq, jiltaq impuch!



Riqakutzijiin. Kita' xqiil qajaawl jinon kita' xqik'aj nen oor xk'ur taq qajee xcha' taq.

Jinon li xk'ursajb'i jtzamaq jwi'l kita' xkwin taq chijchejejk qleen rechaq, jinon k'uli xch'eksaj taq Jun Kame pach Wuquub' Kame jwi'l Junajpu pach Xb'alanke.

Jwi'l k'uli lajori paq'eel lajnik'aj jtzamaq ra ixpurpuweq. Xk'is li xqej taq b'i chi iitz', nik' xb'e taq rik'ilaq ruk're xk'is taq itz'ank xchomorsaj taq chirib'il rib'aaq chuweeq' aq'ab' juntiir chik xcha' taq yaq ajxib'alb'a jtz'i' li xcha' taq yaq k'ojol wunaq!. X'ok taq b'aka' li jun jaa' chun teew jpaam kita' tiq'imaj sik sik jpaam, seb'laj saqb'ach tiqej xilj. X'ok taq b'ik laj 'oor xja'r jpaam jwi'l nim jchoq'ab'aaq, kita' chiki sik jpaam jwi'l yaq k'ojol wunaq :|| xsaqar li, kita' xkam taq qus jwiichaq xsaqark, wi' taq chaq kla' ajchajal rechaq ġnen k'u chak ajki' tikam taq? Xb'ij ajxib'alb'a x'ok taq iil chijrilik nen tijb'an taq Junajpu pach Xb'alanke. Laj'oor x'ok taq laj rochooch maq b'alam nojsoljpaam chi awaj jmoja tij taq xcha' taq! Awechaq wi' neri' xcha' taq xt'oj taq b'aaq rechaq; maq awaj xch'ojin taq chub' ġkita k'u xkamsaj taq? ġtinb'ij in xtijsaji' ranmaq? Xya' rib'aaq chikamsajeem tijiin titijsaj jb'aaqaaq jwi'l maq b'alam xcha' taq maq tukur ajchajanl, juntiir tichaq kikot taq; ajri' xril taq x'elch

taq laj jul maq b'alam ġnen chiki krstyan maq ri? ġlamas chiki' tipew taq? Tiche' chirib'il rib'aaq maq ajxib'alb'a.

Jinon xkojsaj taq li jun joorn kita' xk'at taq tzii jwichaq xsaqark xaq qe kutam chee' tib'uquuw li q'aaq'.

:|| Ri k'u rajaqa , tikom taq laj nik'j lamas tiq'ax taq, jinon ta' li, yaq ajxib'alb'a tijiin tib'ison qe ranm yaq ajxib'alb'a.

Jinon xkojsaj taq chik laj jul sootz' kla' li xaq qe nimaq taq sootz' wi taq kla' nen qleen tijutun chuchaq tijtijtaq b'ik jwi'l pok ree maq jtzamaq, xwa'x taq li kla' xwar taq xilj maq rub'laq, kita' xkamasaj taq kla' xaq qe jun xye' riib' chuch jun sootz' xb'an taq ri rege ti'ilsaj taq nen taq, rechaq retamaqi'n nen re tijta taq jno'jaq, maq sootz' jun aq'aab' xtij taq pok ti tz'aab' taq kilitz' kilitz' ticha' taq, ajri xta taq tachiki' nen tisilib' taq maq sootz' xaq wi' jun sootz' chub' lamas muqeem rib'aaq xpe Xb'alanke xta re Junajpu ġjurub' chiki' raj re tisaqar tawil at xcha' re jkita' wetam xcha' Junajpu! Tinwil nika' xcha', xpe uka' xresajch jb'aa lamas muqeem rib' xpe man sootz' xresajb'i jb'aa Junajpu :|| ġnen ajki' tisaqarsan? xcha' Xb'alanke, re. Kita' chiki' tisilib' Junajpub'.



ğnen chiki' xta? ğpent kare' xb'e
Junajpub' tiche'? ğnen xataw? Re
kita' chiki' tisilib' xaq qe tikosow,
xk'ismaj ranm Xb'alanke. ğaaay!
xqaya' qilib' chi ch'ekeem xcha' jali
laj nik'aj taq'j re pootz' xb'ij ye' taq
jb'aa Junajpu jinon xb'ij taq Jun
Kame pach Wuquub' Kame.

Juntiir tikikot taq chaq yaq
ajxib'alb'a jwi'l jb'aa Junajpub'.
Xpe Xb'alanke laq'aab' xsik'ij nojel
awaj, chi nimaq chi nuuch', xpe ra
ixpitaq' pach man k'iix'aaq ajri' qes
nim tisaqar xta rechaq nen jwaaq
chi jujunal xb'ij taq xpe uka' xtaqb'i
nojel awaj ğk'amch taq nen tatij
taq! Xcha' rechaq jan xcha' taq
xb'e taq chijk'amik, laj'oor xq'ajch
taq, ni'j xk'amch taq q'eel taq
qleen, sub'aab' xaq ab'iix, ab'aj,
ni'j chik xaq qe uleew, jaljoji' jwaaq
taq ra nuuch' awaj chuch nimaq
awaj k'isb' re xtaq man ixpitaq' b'a
tijparantijch jun q'ooq' rik'il jtzaam.

⋮ || ri xkoj taq man ri laj k'exwach
jb'aa Junajpu laj'oor xk'ob' taq
jb'aaq'wiich ruleri ri xya'wch ranm
Kaj Jun raqan ri xqejch laj jul maq
sootz'.

K'ex xqatij tz'aqtsaj jb'anik ğkayb'al
qusi xkan 'eloq, qus xkan 'el jtyoo'jl
jinon xkwin xch'aw, ajrik'ure raj
chaq tisaqarsan kyeq kyeq chaq
jb'anik b'aloom xb'ij taq re rajw
saqarb'al mujaj chik jwiich xcha'
taq re ijan xcha' rajw aq'aab' x'ok

chik q'equu'm kijab' muul xb'an
jinon li jwi'l k'u li tijb'ij taq krsityan
tikeqer b'a loom tijb'ij taq tijiin
titzajsaj sik' juuch' jinon li tinatun riij .
ğqusin tik xtasaj re Junajpub' ğtziyi'n
xcha' taq! Re Junajpub' tziyi'n
xcha' xsutsaj jb'aa chqwa'xka' ri
jb'aa, k'isb' re xchomorsaj taq pent
kare' kita' atitz'ank in inb'anow
juntiir qleen xcha' Xb'alanke jinon
xya'saj jb'ij re jun ra imul atwa'x kla'
laq piix' ri k'u titaw man pootz'
awik'il ⋮ || atjolin at'elb'ik x'utzaj
laq'aab'. Xsaqar juniir qus jwichaq.
X'ok taq chik juniir chi 'iitz' lamas
wi' jb'aa Junajpub' ğxqach'eka'
taqan! ğjach awib'aa! Ch'ekelkat
taq chaq x'utzaj taq. Xch'eje
Junajpub' tojtaq man jb'aa
chopka' pootz' tachiki' tijrik'aj
wene tib'an k'ax re . xt'ojch taq
man pootz' yaq ajxib'alb'a xpe
Xb'alanke xb'ijk'ule xb'itaqal lamas
wi' xib'ljch'ool Xb'alanke naj xt'obj'i
x'elb'i re taq'j'iitz', xsanaj riib' kiib'
muul li uleew rik're xtaq lamas
tikilwi' pix, tich'opin x'elb'i laj 'oor ra
imul tijolin xb'e taq chirij juniir yaq
ajxib'alb'a xtarnab'ej taq b'ik, tijolin
xb'e taq chijk'amik jb'aa jun
Ajpub', xpe taq uka xkoj taq man
q'ooq' laj k'exwach jb'aa jun
ajpub', xkoj taq li laj nik'aj taq'j
itz'an pootz', xkoj taq chik jb'aa
Junajpub' ri chaq qes jb'aa tichaq
kikot taq yaq k'ojol wunaq, oor yaq
ajxib'alb'a ajwiich na tijiin tijtok taq
man pootz' laq piix, xpe taq yaq



k'ojol xib'i jk'ame taq man pootz' wi' laq pix : :||| xsik'ij taq ipeten taq! Neri wi' qapootz', jxqata'n! xcha' taq wi' chaq rik'ilaq ruk' re jq'ajch taq yaq ajxib'lb'a ġlamas wi' re ooj kita' xqil xcha' taq? X'ok taq chik chi'iitz' nik' xb'e taq kita' nen xch'ekon xpe lxb'alanke xkut b'ik man q'ooq' xtzaqch li xyuq paq'aj riib' li uleew x'elch taq ra jsikiil chuchaq ġlamas xb'a k'ame taq? X'utzaj taq ġnen xk'amowch li? Ticha' chirib'il rib'aq yaq ajxib'alb'a, jinon li xch'ekdaj taq yaq ajxib'alb'a jwi'l junajpub' paxh Xb'alanke. Pok xb'ansaj k'aax recha kita ka' xkam taq.

Ri' b'aka' ri kuxtb' re jun Ajpub' pach Xb'alanke, tiqayol jkamikaq juntiir nen xb'ijsaj rechaq tijb'an taq xb'ana taqa'n pok k'axk'olil xtij taq laj q'aab' yaq ajxib'alb'a jinon li kita' xkam taq laj q'aab' maq awaaj wi' taq xib'alb'a, xtaq taq jk'amik kiib'ajpaaj, ri taqa ri: Xulul pach Pak'am rechaq ajno'j taqa'n

Wene yaq ajxib'alb'a tijta taq chawe chaq : :||| chib' qakamnikal. rechaq tijiin tijch'ojaj taq nen chak kita' ojkam jinon nenchak kita' tikwin taq chiqach'ekiik, jinon li xqaa'asaj nojel k'axk'olil jinon maq rawajaq kita' xkwin taq chiqiij, ri k'u ri wi' laj qanm ġkita' k'u xyuq taq juntiir yaq ajxib'alb'a? qes tz'eet oj kita' ojkamk. Ri k'u ri jtakiil tiqaye' chawe

chaq, wene tipe taw tiyuq jte' taq qatakiil wene xojk'atk, ġnen tab'ij ataq, Xulu, Pak'am? Wene titasaj chawe chaq.

ġkita' k'u qus tiqat'ojb'i jb'aqueel li siwan?

"kita' qus li pent kare' tib'it taqch chik"

ġkita'n ti qus tiqakokb'a b'aa chee'? xta rechaq

"!Kita' qus! ri k'u tawil taq na jwiich" at cha' taq


Laj roox yaq "ri' ri qes qus : tiqat'oje' jb'aqueelaq li jaa " ticha' taq wene jinon li tijb'ij taq chawe chaq, "ljinon li tikam taq"! kitanti qus ri, wene takok'saj taq jb'aqueel wich kaa' chopka tike'saj ixiim, chijujunalaq tike'saj taq ruk're tit'ojsajb'i li nim ja' lamas tib'e xo'laq siwan" jinon li tab'ij taq rik'u re takoj taq retal qapixb' xcha' rechaq Junajpub' pach Xb'alanke, jinon li xkan jb'ij taq rik'u re tichaa rik'aj tikamsaj taq.

: :||| tijiin tib'ansaj jun jor la' ab'aj chopka' jun joorn lamas tikojsaj re jb'anik kaab', xb'an taq yaq ajxib'alb'a, xkoj taq nimaq taq jq'aab' chee. Laj'oor xpe taq yaq ajya'l tajkiil, nen tijpachlaj taq re yaq ajya'l tajkiil re jun Kame pach wuqub' Kame.




“petaq b’aka’ chiqaj ojb’e rik’il yaq k’ojol wunaq, tzina’ rechaq tipe tiyuq rile’ taq nen xqab’an rechaq” xb’ij taq yaq ajxib’alb’a re yaq k’ojol wunaq.

itzi’li! Xcha’ taq laj’oor xb’e taq xtaq taq li chi jchii’ kojb’ kutz’ii’j, kla’ k’uli xtij jq’ijaaq re rajaq ti’itz’an taq: jojch’opin taq chub’ quk’a! kijab’ muul na ojch’opin chib’, chijujnal oja’ax taq ataq k’ojol x’utzaj taq jwi’l Jun Kame. Mamol atziijaq chach’ol ataq kita qetam qakamnikal jil taq impuch! Xcha’ taq xpe taq xwa’r taq chuchaq chi kiib’ xlik’ jq’ab’aaq xulb’a b’i jb’aaq li joorn, kla’ k’uli’ xkam taq yaq k’ojol tichaq kiko’ taq yaq ajxib’alb’a tich’ejeje taq tixulq’ub’an taq chaq, jxqach’eka’ taqan ticha’ taq xojkuwini’ chirijaaq j qas tz’eet pok k’ax xqatij chi jkamsajaaq! Xcha’ taq.

Laj’oor xsik’ij taq Xulu pach Pak’am, rechaq xkan b’ijsaj lamas tib’e jb’aqelaq:  xtasaj rechaq lamas k’uli tib’ew jb’aqelaq. Xcha xib’alb’a rechaq, rik’ure xk’is jch’ab’al xib’alb’a, kla’ li xkok’saj jb’aqelaaq jinon xit’ojsaj li jaa’. Kita’ naj xb’e taq wi’w xkan ‘el taq ralaj jaa’, jinon li xwux taq ne’, ne’ tinatun taq, jinon li xk’ut chik rib’aaq.

Laj joo’ q’iij x’ilsaj chuk jwichaq chi jchi’ jaa kar kar chaq rijaq ri k’u’ x’ilsaj taq jwi’l xib’alb’a. xpe taq li

uka’ x’el taq chijtokiaaq chaq raqn jaa’. Laj kaab’ q’iij chik k’ojel k’ojel chaq ritz’yeqaaq pwaq tijta taq chaq’ b’ee, jalan qleen chaq tijb’en taq lajori chopka’ xch’ob’saj jwiichaq: jaljoj taq xojooj chaq tijresaj taq xojooj pujuy, xojooj saqb’i’n, xojooj ib’o’y jinon man jok’al raqan, pach maq nimaq raqan wunaq, nimaq taq qleen tijna’w taq chijb’anik, tijk’at taq jaa’ chqwa’xka’ tz’eet tijiin tik’at, laj’oor tiq’aj chik chopka’ jb’anik, juntiir yaq ajxib’alb’a ti’ok taq iil chirilik. Jinon li tijkamsaj taq jun jpach tijresaj taq ranm jinon laj’oor tiq’ajchik jk’aslemal tiyo’r chik.

I  re tijach taq chuch rib’aaq, tijresaj ranmaq juntiir naq ‘ok taq iil, rili cholb’re jch’ekikaq re yaq Xib’alb’a, xta taq uka, jatkiil jxojojaq yaq Jun Kame pach Wuquub’ Kame. Xtataq li xtz’onaj taq: ġnen chiki maq ajtal taq pwaq? ġQas tz’eet jor qus jta’ikaq? Jor siq’il rilik maq jxojojaq juntiir nen tijb’an taq! Xcha’, ri k’u jun rechaq xb’i jb’ij jor qus jtaikaq. Laj’oor xij taq re yaq ajya’l tajkiil jat asik’ij taqch yuq jb’ane taq xojooj neri jinon li chiqaj tiqil taq re tiqaloq’aj taq atcha’ rechaq x’utzaj taq yaq ajya’l tajkiil xtaq taq li, xb’ij taq re yaq ajxojl rechaq xb’ij taq jta’ qes chiqaj! Nen chak pok ojk’ixib’ ġkita’n ti tik’ixib’ taq qawi’l jwi’l kita’ qus qilik. ġkita’ k’u tawil taq oj qe meb’a’? oj qe ajxojooj, ne k’u chiqaj tiqab’ij re



qapach ajmeh'a tijrayaj taq chijrilik qaxojooj jino tikikot taq chiqilik? Ri kita' ojkwil li chijb'anikaq rik'il yaq Ajaw. Jinon ili kita chiqaj ojb'ek xcha taq Junajpub' pach Xb'alanke. Xpe taq yaq ajya'l tajkiil
 | • xjurchuchuj taq b'ik rik'ilaq k'ax xb'een taq b'ik ajrik'u re xb'e taq, tijurchuchuj taq jinon titurk'uk'uj taq jwi'l yaq wunaq jinon li xtaw taq lamas wi yaq Ajaw.

Xtaw taq li chuch yaq Ajaw mayee'l jwichaq jinon xqesaj jwichaq liuleew, xxukar taq, qas tz'eet seb'laj k'ur jwiich rilikaq.

Laj'oor xtasaj rechaq lamas tipew taq jinon nen jqaaj jchuchaq ɣlamas tipe taq? Kita qetam oj nuuch' ri k'u re xkamsaj taq xcha taq.

ɣtzi'n! k'ut taq nen tab'an taq ɣjinon nen chawaj tach'ek taq? Rechaq xb'ij taq ɣkita' qleen chiqaj! Qas tz'eet titzaq qe qach'oo'l xcha taq,
 | : ɣmtzaq ach'olaq! ɣmat k'ixib' taq! Xojowen taq: nab'e na xojooj lamas atkam taq ruk' re tak'at taq wochooch, b'an taq juntiir nen awetamaq jwi'l k'uli xqa taq ak'amikaq, kom tiqil atqa' meb'a', atqatoja taqa'n, x'utzaj taq.

Xmaj taq chi b'ixan jinon chixoj, xtaw taq li yaq Ajxib'alb'a juntiir xmulaj rib'aaq juntiir xxojow taq nojel xojooj: xojooj saqb'i'n, xojooj Pujuy,

xojooj ib'o'y, xpe uka ajaw xb'ij rechaq kamsaj taq sik' intz'ii' xpe taq uka xkamsaj taq sik' tz'ii' jinon xk'asb'a taq chik, tikikot sik' tz'ii' xyo'r chik tajsutaj sik' jee, xpe uka Ajaw xb'ij ɣk'at taq lajori wochooch! Xpe taq uka xk'at taq nojsol chi kristyan juntiir kita' xk'at taq xq'asaj taq chik chopka' jb'anik kita' xk'at rochooch Jun Kame Juntiir yaq ajxib'alb'a x'ok taq iil chirilik.

| : jinon ne tijiin tixojooj taq seblaj tiki'kot taq, ajaw xij chik rechaq ɣkamsaj taq b'aka' jun kristyan! Xaq tiyo'rchina awi'laq X'utzaj taq jan xcha' taq xpe taq uka xchap taq jun xresaj taq ranm xch'elej taq ranm ajsik xk'ut taq chuchaq yaq Ajaw ri. Seb'laj ti'ok taq iil Ajaw Jun Kame pach Wuquub' Kame. Xq'asaj taq chik b'ik ranm kristyan lajtyoo'jl xyo'rchik juntiir qus tijril taq yaq Ajaw ɣlajori k'amsaj awib'aaq! X'utzaj taq chiqaj atqil taq ɣqas saqlaj tz'eet chiqaj tiqil man xojooj li ɣtzi li! Xcha' taq .

Xpe uka Xb'alanke chusiil b'uqch ɣq'aab' raqan Junajpub'; naj xye'saj jb'aa jinon ranm xib'i yesaj b'a xaq ab'iix. Yaq ajxib'alb'a xtzaq jch'olaq chijrilik Xichaq jun rechaq tijiin tixojooj, xpe Xb'alanke xij re ɣb'iten! Jinon li xyo'r chik Junajpu, xkikot ranmmaq chikiib' jinon yaq Ajxib'alb'a
 | : Ch'qwa'xka' ri rechaq tijiin tib'anow taq, jor tiki'kot ranmaq



Jun Kame pach Wuquub' Kame;
ch'qwa'xka' rechaq tijiin tixojow
taq ajri xrik'aj taq xpe jun rayin laj
ranmaq jwi'l jxojojaq yaq Junajpu
pach Xb'alanke. Kla' li x'elch laj
chi' Juna Kame pach Wuquub'
Kame xb'ij taq b'an taq chiqe ooj
chopka' xab'an rechaq jojakamsaj
taq! Xcha' taq ichijujunal oja
kamsaj taq! Xcha' taq Juna Kame
pach Wuquub' Kame xcha' taq re
Junajpub' pach Xb'alanke.

jtzi'n! jatyo'r taq chiki'n! žwi k'u
kamnikal chawiich ataq? Oj xaq
petzelkoj chiresaj atze'aa ataq wi
awajwaq ataqi' ralk'walaq xcha'
taq rechaq, qes nab'e xkamsaj taq
riajk'amalb'ee Jun Kame
Ajxib'alb'a kamnaq chaq re ruk' re
xkamsaj taq chik Wuquub' Kame
kita chiki' xyo'r taq, xril taq yaq
ajxib'alb'a jol x'elmaj taq b'ik ri xril
taq xkamasaj taq Jun Kame pach
Wuquub' Kame x'esaj ranmaq
xkamsaj taq xpe jun chik re yaq
Ajxib'alb'a | 0 | xukar x'ooq'
chuchaq, xta kuyb' jmaak chuch
yaq ajxojooj kita re tijye' laj ranm
nen k'u xril, juntiir jtaqonaq x'elmaj
taq b'ik laq siwan li jun siwan qe
xqej taq b'ik, kla' li kulan rib'aa aj ri
xrik'aj taq xmuleer sinik chirijaa
chqwa'xka' oktel taqch. Ajrik'u re'
x'elch taq tikosow xtaq taq xib'i
jache' rib'aa xukar taq xta' kuyb'
jmakaq. Jinon k'uli xch'eksaj taq
yaq ajxib'alb'a jwi'l jkwinelaq, xaq
jwi'l xk'ex jk'er rijaq.

Kla' k'uli xij jb'ijaaq nen k'u rechaq
tataq impuch qab'ij: jtiqab'ij
chawe taq! Jinon nen jb'ij qaaqaj
qachuuch ojika' Junajpub' jinon
Xb'alanke qaaqaj ri Jun Junajpub'
jinon Wuquub' Junajpub' joji
xojb'anow k'ax xhawe chaq jwi'l
xakamsaj taq qaaqaj - qachuuch
jinon qe ooj pok k'ax xqatij awi'laq.

| 0 • | Re man ri tiqak'isb'ej a
wik'ilaq juntiir

! Atqakamsaj taq j Kita' chiki' nijun
atijt'o' taq xb'ijsaj retaqLaj'or
xmuq'uq'er taq.X'ooq' taq juntir
yaq Xib'alb'a'.Toq'ob'saj taq
qawiich, jun Ajpu pach
xib'alb'a'Tz'etin kita' qus xqab'an
rechaq aqaajaq, chopka' tijb'ij taq
yaq muqul taq li ta'q'j re iitz'
xk'am taq ja'ab'il." Qusi' li b'an"Ri'
ri qatzij, ri tiqab'ij tataq ataq juntiir
re ajx ib'alb'a' kita' chiki' nim
aq'ijjaq.Jilon re k'is qamaam qatiit',
jik'ulon kita' nim sipan tik'ulsajk.
Xaq chaq jun kitz welwaq kiik',
kita' c hiki saq laj ki'k tiya'saj
chawechaq xi' chaq uleew xoot.

Xaq tzay taq t'u'y, xaq k'olb' rikiil
kita' chiki' qus taq xaq chaq taq ra
relk'wal taq ra k'im.

Re taq ra relk'wal ni b'a ti wi'n taq
awechaq ta'n awelk'walaq
elexnaq taq li saqil.

Yaq xutul taq a wechaqi'n. Ri'
rechaq ajmak taq.



Maq tich'ojin taq

Maq tib'ison taq

Maq tisach ranmaq

La' titamaj, mak, loq'l' t'ok, kita' chiki'n tij kamulaj taq re juntir qawa'xk.

Xaq tisik'ij jsantilaq chub' welwaq kik' xb'ijsaj rechaq yaq Xilb'alb'a'.

Jiqelon li xtiker jsachik re kita' tisik'ij jsantilaq.

| :| Ajki' nim jq'ijaaq ogor taq tziij .

Xaqe ch'ooj rajaan jwinaqaq laq b'e. (antaño).

Tz'et ta' qus jb'ijaaq ogor taq tziij.

Xaq qe pooy pachka' tzaqom ch'olal rilik jkayb'alaq.

Tokol taq k'ulel

Kib' jwichaq

Tijsik'ij taq k'exk'olil

Tina'w taq chij muqik qeleen rechaq

Rechaq kiib' jwichaq

Etzel taq

Ajb'anal taq k'ex tib'ijsaj retaq

Tz'ajal jkayb'alaq tik'ulsaj taq jinon qe ri xsach jmeb'i'l jb'antajkaq.

Ta' chiki' xna'w xq'ajch, jwi'l qe jchaak ra nuch', Junajpu pach Xib'alb'a'.

Ruk' re' x'ok chi'oq'eej chuch ab'ix tikil jwi'laq.

X'elch rak'al taq ra ab'ix

Ruk' re' xch'ejeje taq

Xb'antajch li xk'at taq li q'aaq'

Ruk' re' xq'ajtaqch xe'lexch taq ra tiko'n,

Jt'it' xkoj jun jkutz'iij

Xk'at rex pom chuch taq ra aj kuxtb' re taq ra rijmam, xkikot ranm jtiit' chika'mul ti'elch taq ra ajiiij

Kila' xkan taq jwi'l jtiit'aaq | :| Jinon qe li xye'saj reqlee'naq la ja

Laj nik'j tiko'n aj, yo'l ajiiij

Pach k'upul ulew xkoj taq jb'ij, xtawna rik'ilaq

Jilon qe li xye'saj reqlenaq laj nik'aj jaa

laj nik'j jtiko'naq, jinon xkojsaj jb'ijaaq.

Paq'al ulew, yo'l ajiiij.

chub' ulew tik'il jwiich xtikonan taq

jinon sik'ij jb'ijaaq chi ajiiij yo'l jwi'lqe taq ra aaj xk'isi' taq chik

maq b'iij ri xkosaj jwi'l lxmukane' kanel jwi'laq, tikil jwi'laq jun Ajpu pach waqlib' Junajpu. Rechaq xril taq na jwiich jqaajaaq jili xib'alb'a' xch'ab'ej taq jqaajaaq ruk' re' xkwin taq re xib'alb'a'. Jinon qe ri xb'an taq jwa'x jqaajaaq xb'an taq jwa'x,



k'isb'al re xb'an taq re wuquub'
Junajpu

Kla' li' xb'ijte' rib'aaq li kamsank, li
ta'j re itz' xaqchaq jkayb'el tichikon
xta'saj re juntir re, xaq jchi' pachka'
jtzaam jb'aaq'wiich xkwin chijb'ij, jun
kitz chaq xkwin chijb'ij jchi' kita'
chiki' xkwin chijb'ij ni'j qleen chik.

|| Xta'sajchik jtziij jumul chik, jilon
qe ri, xnimaj taq xkanmye'saj
ranmaq jqaajaaq. Xkan jili li ta'j re
iitz'.

Neri tisik'ij jb'ijaaq jilon tikan b'ijsaj re
relk'wal, re qe xkub'aj ranmaq.
Nab'ee awe taq. Ataq nab'ee qus
atilsaj taq, jwi'l k'is arab'inaq xk'isi'
taq chi saqil, jwi'l ak'ajolaq xk'isi'
taq chi saqil.

Jib'ijaaq kita' tikan sachoq "jinon ri"
xb'ijsaj re jqaajaaq, ajruk' re xkub'er
ranmaq.

Qe oj xaqe xqatoj jkamikaq,
sachikaq maq k'exk'olil xb'ansaj re
taq.

Ri' ri k'isb'al jtziij xkan jb'ij.

Re xkwin taqchirij xib'alb'a'.

Ruk' re' xuq taq niri, laj nik'j saqil
laj'oor xjaw taq xek'j, jun xb'en q'ijj,
jun chik xen ik'. Ruk' re' xq'ilq'in,
xqoplin xk'utun li kaj ulew. Xek'j
xwaxtaq wiw, laj'oor xjaw taq juq'o'
wunaq kamnaq taq jwi'l sipank. Re
jpachaaq xwa'x taq ch'umiil re kaj
xwa'x taq.

|·|| Neri x'elexch jk'aslemal wunaq
chuch q'ijj saq.

Xb'ij taq Alom, Qajalom, Tz'aaqol,
B'itol Tepew, Q'uq'umatz, jinon
jb'ijaaq tijutunch saqarb'al.

K'isb'aka' jun saqarb'al.

K'utun taq b'aka' k'is relk'walaq
xk'isi' taq chisaqil.

K'utunb'aka' k'is qawa'xk wich
ulew. Xb'ij taq, xta'w taq chij
nuk'ikaq, xk'amwan taq jno'j laj
nik'aj q'equ'm re saqarsan. Ruk' re'
xtokon taq, xch'aw taq,
xchomorsan taq neri.

Jinon qe li xkan chuch saq.



JKAAJ PAAJ TZIJ

Jtz'aqik Qawinaq

| •|| Neri b'aka' xcholmaj jchomorsaj
jb'anik jtikiik jtz'aqik qawinaq jinon
xtoksaj nen keq latib'ansaj jtyoo'jl.

Xb'ij taq b'aka'

Alom K'ajolom

Tz'aqol B'itol;

Tepew Q'uuc'kumatz, jinon li jb'ijaaq
Tipakak saq, chaq tisaqarsan.
!qak'ise' chaak! Q'aljinchtaq
b'aka' ajtzuqul qe, ralk'wal taq saq,
!q'aljinch taq b'aka' qawinaq
chuch q'ij saq - chuch uleew!
Xcha' taq rik'u xmulaj rib'aaq kla',
jinon li q'equum na jun kiitz lamas
xb'an taq jnimq'ijaaq, kla' li
xchomorsaj taq xyoloow taq xnuk'
jtzijaaq neri. Kla' k'uli x'elexch loq'laj
saq.

| •|| Xta' rib'aaq, ajri' chiki' xyoloow
taq chib' nen rajwax re jtyooj'l
wunaq. Jun kitz chaq raj re ti'elex
q'ij, ti'elex iik' ti'elex ch'umil chib'
Tz'aqol B'itol.

Jilon sik'in xya'saj re Q'an jaal pach
re Saq jaal petzal jali Paxil K'ayala'.
Awaj xk'amow jaal jinon jb'ijaaq: ra
paar, ra utiww, ra k'el, ra jooj. Kijaab'
taq ra awaj xk'amowx taq yoloow
chirij Q'an jaal pach Saq jaal.

Rechaq petzal taq re Pan Paxil, ri
rechaq xk'utuw taq nen b'ee

tijk'am b'i Paxil. Ri kla' xte' taq ixim
re tik'isaj b'anik jtyoo'jl wunaq.
Loq'laj jaa' xkojsaj re jkiik'eel
wunaq, jinon li xwuxb' kiik'. Ixim xkoj
Alom Kajolom. Jinon li, xki'kot taq
chij rilik jun luwr lamas wi' seb'laj
utzil jinon jor simin ruxb', lamas wi'
k'ii jaal, q'an jaal pach saq jaal,
lamas wi' k'ii: kakaw, iktulul, k'awex,
q'inom, tapa'l, ajchee' pach
kaab'.

| •|| Jinon Pan Paxil, jinon Paxil
K'ayala', jor jwiich chee' pach rikil
xte' taq kla'.

Seb'laj rikil xte' taq: wi' nuuch' taq
rikil, wi' nim taq rikil, wi' nuuch' taq
woron, wi' nim taq woron. Ri taq ra
awaj xk'utuw taq man b'ee.

Rik'ure xjok'saj q'an ixiim pach saq
ixiim. B'elejeeb' mul xjok' lxmukane.
Rikili'n xkojsaj, pach rik'il ral q'oor
xb'ansaj jtyoo'jl wunaq pach
jchoq'ab' wunaq.

Ri Alom K'ajolom, Tepew
Q'ukumatz xb'ijow taq nen
tib'ansaj na. Rik'ure xkoj jyoolj taq
re jb'anik nab'e taq Qachuuch
nab'e taq Qaqaaj. Xege q'an ixiim
pach saq ixiim kojol re jtyoo'jlaq,
xaq qe la' q'oor b'anal jraqaan'aq-
jq'aab'aaq yaq nab'ee taq Qaqaaj-
Qachuuch. Kijab' taq wunaq
xb'ansaj rik'il q'oor.



I 0 III Jinon jb'iijaaq nab'e taq kristyan b'anal: nab'ee kristyan ri B'alam Ki'tze'; jkaab' kristyan ri B'alam Aq'ab'; jroox kristyan ri Majuk'utaj pach jkaaj kristyan ri Ik'ib'alam. Ri jinon jb'iijaaq xkojsaj re nab'e taq Qaqaaj-Qachuuch.

Xeqe xchomorsaj taq, xeqe xb'ansaj taq, tiyolsaj. Kita' xwa'x jchuuch pach jqaajaq. Xeqe re yaq wunaq ojoyolow, kita' ne anm xk'amow taq chuch q'iijsaq, pach Tz'aqol B'itol, Alom, Kajolom jqaajaq.

Xeqe jwi'l nim jno'j, xeqe jwi'l tib'ansaj taq na, Tz'aqol B'itol; Alom, K'ajolom xb'it taq jb'anik.

Rik'ure nojel x'elex, xk'utmaj yaq kristyan: xyolow taq; xch'aw taq; xnatun taq pach xta'on taq. Xb'en taq pach xchap taq qleen. Jor qus kristyan, jor qus taq wunaq, seb'laj siq'il rilikaq.

I III Xya'saj ruxb'aaq tinatun taq chaq; loq'i'n tijril taq nojel qleen wi' wiich ralaj Kaaj. Xeqe xlatun yaq wunaq xril taq juntir qleen wi' ajsik li kaaj pach juntir qleen wi' chuch uleew.

Kita' qleen xmuqmaj chuchaq. Kita' ne rajwax tib'en taq re tijril taq nen wi' ralaj Kaaj, xaqe looq' tiwa'x taq lamas wiich' jluwr taq re tinatun taq. Jor xk'iiy jno'jaaq, jb'aaq'wiich

tiq'ax chib' chee', ab'aj, ploow, choo, wiitz pach nim ta'j. Tz'eti'n kristyan li, jor seb'laj jchomb'laq, B'alam Ki'tze' B'alam Aq'ab', Majuk'utaj pach Ik'ib'alam. Rik'ure Tzaqol B'itol xtz'onaj rechaq:

-ǵNen tawik'aj wat taq chuch q'iijsaq?

-ǵLoq'i'n atnatun taq?

-ǵLoq'i'n aat ta'on taq?

-ǵQusi'n atyolow taq atb'en taq?

jll taq k'ut, atnatun taq relaj Kaaj! ǵLoq'i'n tawil taq wiitz pach nim ta'j?

jll taq jun muul chik! Xb'ijsaj rechaq. Jinon li xril taq juniir qleen ya'l b'anal relaj Kaaj.

I •III Rik'ure xk'omowaj taq re Tzaqol B'itol: jTz'et'i'n xkamulaj taq, x'oxmulaj taq jk'omowan taq! Jwi'l xaya' taq qachii' jwi'l xaya' taq qawiich.

Ojch'aw, ojta'on; ojchomorsan pach tiqasilib'saj qiiib'. Tzi'n tiqik'aj qiiib', jinon tiqach'ab' chaq nen wi' laq naj pach nen wi' naqaj. Ilan chaq qawi'l chi nimaq chi nuuch' qleen, nen wi' taq ikim, li Kaaj jinon chib' uleew.

Awi'l ataq woj neri, xojab'an taq, xojab'it taq, xoj'elexch, jk'omo tiit', k'omo maam! Xb'ij taq jik'unon xril taq kiijab' xukt re looq'laj Kaaj pach



jwiich uleew. Xaqe kita' qus xta' taq
Tz'aaqol B'itol. –Kita' qus xch'aw taq
qalk'wal: “Juntiir chaq tiqach'ab',
qetam nen nim, qetam nen nuuch'
taq qleen”.

| :|| Jwi'l k'uli x'ok taq li yolooj rik'il
Alom Kajolom. –ǵNen tiqab'an
rik'ilaq lajori?– jb'aqwiichaq xeqe
rajwax neqaj qe tilatun taq. Kita'
qus tiril taq juntir jwiich uleew. Qus
ta'n nemo tiyoloow taq. Nik' ta k'u'
rechaq chop yaq ni'j. –Qetam oji'n
b'nownaq-

ǵkita' k'ax li rechaq tichopow taq ?
We ne' ajki' na twa'x ralk'walaq.
ǵElexch tiko'n, 'elexch saqarb'al!
We ne' ajki' k'ii taq ǵJinon
tiqab'anari!

Loq'i'n tiqab'an na j jun kiitz jwa'x,
jwi'l kita' qus xqil taq, ǵQusi'n
tijnik'ersaj rib'aaq qik'il, jw'il jor nim
jchomb'laq, jwi'l juntiir tijril taq? Xb'ij
taq Ranm Kaj, Jun Raqan- Ch'ipi
Kaqulja; Tepew Q'ukumatz- Alom-
K'ajolom- Xpiyakok Ixmukane-
Tzaqol B'itol- jinon jb'iijaq.

Jinon xb'an taq, xk'ex taq jb'anik
wunaq b'anal jwi'laq. Ri Uk'u'x Kaj
xrisan jchoq'ab' jb'aaq'wiichaq, | :||
Xpotz'ar taq chopka' tijtzaq ruxb'l
chuch jun ilb'lwich xb'an taq mooy
xaq chaq tijril nen k'is wi' chijk'ulel,
xaqe, na'l nen k'is wi chi jk'ulel,

jik'unon li xsach jno'j, pach re re
yaq kijab' kristyan,

jsaqil pach cholb' re.

Jik'unon li xyama'j jwich uleew.

Jb'antajk nab'ee taq qatiit -
qamam, jwi'l Ranm kaj, Ranm ulew.

Xwa'x jpachaq, rik'uri rixoqlaq.

yaq Ajaw xchomrsaj taq.

Chapka' jun ichik' xk'ul taq.

Qus tinatun taq yaq anm wi' taq
rik'il
B'alam Ki'tze'
Balam Aq'ab'
Majuk'utaj pach
Ik'ib'alam.

Rik'il rixoqlaq ajrik'u re xk'as taj
jwiichaq sib'laj xki'kot taq rik'il
jpachaq.

K'aaqapaloja' jb'ij rixoql B'alam
Kitz'e.

Chomija' jb'ij rixoql B'alam Aq'ab'.

Tz'ununija' jb'ij rixoql Majuk' Utaj.

Kak'ixaja' jb'ij rixoql Ik'ib'alam.

Arik'uri jb'ij rixoqlaq qes nab'e taq
anm, | :|| nen K'is xijye' taq jsaqil
jb'antajkaq. Yaq kristyan laq nuch'
tinmit, pach laq nimaq tinmit.

Arik'uri jsaqil qab'antajk. Qeoj, yaq
Kristyan K'iche'.

Juntir xijloqaj taq, yaq ajmakb'.

Maxij taq chiqe rechaq jikab'.

Yaq kijab' taq anm, qachuuch
ojkristyan aj k'iche'.



Jalan jb'ijaa chi jujunalaq, xjtil
rib'aa laq miq'in. K'i jb'ijaa yaq
kristyan: Tepew Oloman, K'ojaj,
K'enech Ajaw, jb'ijaa ni'j chik. Ri'
rechaq xjtil rib'aa laq miqin.

Qetamin jb'antajk yaq Tamub'
aj'ilokab' taq. Nik' x'elch taq lamas
ti'elwich Q'ij.

B'alam Ki'tz'e ri jmaam, jqaaj
maq b'elejeb' nimaq taq ja re maq
Kaweq.

B'alam Aq'ab' Ri jmaam, jqaaj
maq b'elejeb' nimaq taq ja re maq
Nija'ib'

Majuk' Utaj Ri jmaam, jqaaj maq
kijab' nimaq taq ja re maq Ajaw
K'iche'.

Oxiib' nimaq taq jaa, jalan
jb'antajkaq xwa'x taq,

Kita' xsach jb'ijaa jmaamaq yaq
jqaajaaq, nen k'is xiwa'x taq lamas
ti'elwich q'ij.

Jinonk'uli xpetaq yaq Tamub'
pach maq llokab' rik'il maq oxlaj
jq'aab' jaa pach tinmit, qes wi'
jcholaj.

| • Yaq Rab'inaleb', Yaq
Kaqchikeleb', yaq Ajtz'ikinaja' nik'
wi' taq rik'il maq Saqajib' pach
maq Lakamib'.

Yaq Kumatz,

Yaq Tujul Ja,

Yaq Uch'ab'aja,

Yaq Ajch'umilaja,

Yaq Ajkib'aja,

Yaq Ajb'atenaja,

yaq Akul Winaq,

yaq b'alamija',

yaq Kanchajeleb', Yaq B'alam
Kolob', Ri K'u ri nab'ee taq tinmit, ri
jq'aab' tinmit chopka' tib'jsaj
rechaq xaq qe yaq nb'eeal taq
xya'saj jb'ij.

Wi ni'j tinmit chik kita' xqaye' jb'ij;
jwi'l nik' qe jb'anikilaq rik'il nen
tz'iib'al chaq qawi'l. Maq tinmit ri
xtil rib'aa laq miq'in nim xtaw taq
yaq kristyan. Laq uquum xwa'x taq
ajkinare' ti'elch q'ij pach jsaqil ulew
jinonli jb'anik jwiich uleew re rechaq
xjtil rib'aa.

Tb'en taq laq miq'in, kita' tiwi'n taq,
kita' tijtok taq qleen, ajkinare'
jrajwexkaq.

Xaqe tinatun taq lekj kita' kare'
retamaq lamas tib'ew taq. Naj xtij
taq jinonli.

Wika' kristyan q'eq jtyo'jlaq, • | •
jinon saq jtyo'jlaq, k'i jwiich yaq
kristyan, jinonk'uli wi' k'i jyoljaq.
chijchi' la mas wa'l taq tinatun taq
b'ik lekj.

Wi' kristyan ajk'ichelaj taq, kita' ilan
jwiichaaq.

kita' kare rochoochaq, tijkol taqe
rib'aa laq nimaq taq k'ichee'laj
jinon laq nuuch' k'ichee'laj.

Chopka' sons tijb'en taq, tijb'ij taq
jwi'l etzl tijril taq jwiich yaq kristyan
ajk'ichee'laj.



Xijril taq nemo' ti'elch q'iij, ri k'uri
xaq qe jun jyoljaq.

Ajki' re tijq'ijilsaj taq jwiich nojel
tzaaq, qes tikuxtaj jwi'laq jtziijaq
Tz'aqol B'itol,
Ranm Kaj, Ranm Uleew, tiche' taq.

Xaq ulb'el jwi'laq nemo j'itikiik loq'laj
jwiich saq, nojel q'iij, tijtz'onaj taq
toq'ob'.

Toq'oob' seb'laj qus jch'ab'ej ajaw
tijb'an taq, seb'laj tikojon taq,
tinatun taq lekj, tijtz'onaj taq chub'
ralk'walaq jinon tijb'iij taq iAy
Tz'aqol B'itol! Ojawile' ojate'!
mojkan aye' mojkan asache' • | :
ojak'oleb'aka'.

At, rajw kaj rajw uleew, ranm kaj,
ranm uleew, ye' jun k'utu'n chiqe,
re qak'aslemal lamas wi' q'iij, wi'
saq.

Wene tatik saqil, ojayeb'aka' lamas
wi' rex taq laj b'ee, la mas wi' jsaqil
b'ee, suk'ul taq b'ee, qus laj
k'aslemal, jun qus laj tinmit,
ye'b'aka' jun quslaj bantajk laj
qak'aslemal chuch q'iij saq.

Aat, Jun Raqan,
Ch'ipi Kaqulja,
Raxa Ch'ipi Kaqulja;
Raxa Nanawak,
Wok,
Junajpu,
Tepew Qúkumatz:
Alom
K'ajolom;
Xpiyakok
Ixmukane,

Tiit' q'ij,
Tiit' saqil

Wene tisaqarsan, jinonk'uli
jtz'oninaq, rik'il ranm tijrolb'ej taq
tisaqarsan jinon relikch looq'laj q'iij.

• | : Ulb'el jwi'laq ti'elch looq'laj
q'iij. Seb'laj tijchejej taq ra jch'umiil
saqarsan, ra ch'umiil lamas ti'eech
looq'laj q'iij jinon nen tik'utuw
looq'laj jwiich kaj looq'laj uleew, ri
tik'utuw jb'ee qwinaq, nen tz'aqal
taq chaq.

Xb'ij taq, B'alam Kitz'e',
B'alam Aq'ab',
Majuk'utaj pach
Ik'ib'alam:

-xb'ij taq rechaq, qulb'ejka' wene
tisaqarsan rechaq nimaq taq laj
Ajaw,

Nim jchomb'laq, nim jb'antajkaq,
tijlooq'aj taq jk'aslemalaq.

Jinon tijb'ij taq, ajki'na tiwa'x nen
tijlooq'aj nab'ee taq qachuuch,
qaqaaj.

Xkos ranmaq chijrolb'ej, relikch
looq'laj q'iij.

Jor k'i taq chaq yaq tinmit, pach
Kristyan Aj mayb' jinon yaq Mexik,
yaq ajloq.

-iJo'!

Jo' qatoke', tiqile' wene wi' nen
tijlooq'aj qab'antajk, wene' xiqate'
tiqak'at chuchaq nemo woj, kita'
nijun ojch'ejej xb'ij taq yaq

B'alam Ki'tze'
B'alam Aq'ab',



Majuk'utaj pach

Ik'ibalam.

Xtataq jtakiil wi' jun tinmit, xb'e' taq li chijtokik.

• | ∴ Xtaw taq nojel jali Tulán, jor k'ii kristyan xtaw taq, jor k'ii tib'en taq, chi jujunalaq xiya'saj jb'ijaaq, ri' ri nab'e taq:

B'alam K'itze'

B'alam Aq'ab'

Majuk'utaj pach

Ik'ib'alam rechaq tiki'kot taq.

Ri' ri tijin tiqatok. ¡Xiqata'n! xcha' taq.

Nab'ee xk'ut rib' ri' Tojil, jb'iij Ajaw xijye' taq, xk'amsaj b'i jwi'l B'alam Ki'tze'.

Xtaw chik Awilix, jb'iij Ajaw xijye' taq, xik'amsajb'i jwi'l B'alam Aq'ab'.

Jaqawitz ri' jb'iij Ajaw xk'ul Majuk'utaj; Nik'aaqaj Taq'j, ri' jb'iij Ajaw xejk'ul Ik'ib'alam.

Kla' li wi'w taq qech'elxik k'iche' jilon li, ri Tamub' xk'ul taq Ajaw ri' Tojil rechaq Tamub', wi' re' jb'iij xk'ul taq qamaam, jqaajaaq ri • | | Tamub', jroox ri' llokab', ri jun Tojil xk'ulsaj jwi'l qamaam, jqaajaaq ri nimaq kristyan, qetam lajori.

Jinon ri xb'ansaj oxib' puq re k'iche', kita' xtaq rib'aaq jwi'l b'aka' jun Ajaw tijlooaq'aj taq, nim re' jq'iijaaq yaq oxib' ri:

Tojil

Awilix jpach

Jaqawiitz.

Jilon li xi'ok taq nik'j Tinmit chik:

Yaj Rabinaleb'

Yaj Kaqchikeleb',

Yaj Ajtz'ikinaja,

Pach kristyan tipe taq li jun Tinmit chik.

Kla' li xik'exmaj yolj re Tinmit, jyoljaaq jalan chaq jb'anik.

Kita'chiki' tijta' taq jyoljaaq, re q'iij xi'el taq b'i Tulán.

Kla' li xb'i jache' rib'aaq, jalan b'ee xk'am taq b'ik:

Wi' ni'j xk'amb'i jb'eaq laq miq'in luwr, k'i xpe taq neri, xaq tz'uum kojol chirijaaq, ajki' na tijkoj taq qus taq atz'iey, xaqe risumal ka'n tijkoj taq chirijaaq, me'b'a taq, kita' qalen rechaq.

• | • | Xb'en taq li k'ii puq re looq' xtaw taq Tulán; ajki na wii' q'aaq'. Xaq re' wi' re', Tojil rajwaaq ri Tinmit, ri' rechaq nab'e xril taq jb'antajk q'aaq'.

Kita' na'l nen rilik xijb'an taq, jwi'l b'aka' tijuluw chaq q'aaq' ajri' xtaw jb'aaq'wichaaq B'alam ki'tze', B'alam Aq'ab'.

¡Ay! Ajkina na'l qaa'aaq', ¡Oj kamili jwi'l teew! Xij taq.

Xij Tojil: ¡Ma tzaq ach'olaq! Tiwa'xi' awe' ataq, man q'aaq' tayol taq lajori, tichupi'n xche' Tojil. ¿Tz'eta'n rooni aat Ajaw?

ojayo'rsaj- ojk'asb'aa' aat ni ojchopoow



¡At qajaw! Xche' taq, xijk'omowaj
taq.

¡Tzi'n!

tz'eti'n iin, inawajawaq

¡Jelon li!

lin inaqaaajaq.

¡Jelon li!

Xijsaj rechaq ri ajxukuleem taq,
ajloq'aaqtaq re Tojil.

Jelon li xki'kotaq ri Tinmit, tiki'kotaq
juwi'l jq'aaq'aaq.

• | • | Xmaj jqejik q'alaj, ajwich na tzijil
jq'aaq'aaq li Tinmit, xtzaq nim
saqb'och chib'aaq Tinmit, jq'aaq'aaq
xchup jwi'l li. Xkan 'el taq chik jumul
kita'chiki' jq'aaq'aaq, xijmaj taq chik
jta'ik jq'aaq'aaq re B'alam K'itze',
B'alam Aq'ab'.

¡Aat Tojil, qas tz'et tijiin ojkaam jwi'l
teew!, xche' taq re Tojil. ¡Tzi' li ma
sach ach'olaq xche' Tojil, xtziij
q'aaq' rik'il raqan.

Xki'kotaq Balam K'itze'

B'alam Aq'ab'

Majuk'utaj pach

Ik'ib'alam;

Ajrik'ure' xmiq' taq.

Ni'j Tinmit chik ajwich na chupul
jq'aaq'aaq, tijiin tikam taq juwi'l
teew; jool xtaw taq yaq kristyan
xtataq q'aaq' re

B'alam K'itze'

B'alam Aq'ab'

Majuk'utaj pach

Ik'ib'alam.

Kita'chiki' tijch'ij taq teew pach
saqb'ooch, tiqoyqon taq, kita'
chiki' jk'aslemalaq, tiqoyqon ra'aaq
pach jtelb'aaq, kow chaq chaq
jq'aab'aaq, xpe taq:

Kita' ojk'ixiib' chaw chaq, xaq
tiqata jun kitz q'aaq' chawe taq
tiche' taq xtaw taq.

• | • | Ma kita' xta'saj jyoljaaq, jwi'l li
maq Tinmit xretzelaj taq qalen,
jalanchik jyooljaaq

B'alam K'itze'

B'alam Aq'ab'

Majuk'utaj

Ik'ib'alam.

¡Ay! ¿Lamas xkan qaye' qayoolj?

¿Neen xqab'an?

¡Xoj sachi'n!

¿Lamas xmolsaj yoolj chiqawiich?

Xaq jun re' qayolj xojb'e Tulán, xaq
jun re' qatinmit, lamas xoj eleqx.

¡Kita' quus nen xqab'an! Xche' taq
ronojel Tinmit chirelaj chee', relaj
k'aam, ajri' xril taq xtaw jun wunaq
chuch:

B'alam K'itze'

B'alam Aq'ab'

Majuk'utaj pach

Ik'ib'alam.

Xb'ij jtaqo'n Xib'alb'a; tz'et ri'
awajawaq ri, ri' tijiin tatok taq, nen
wi' jwichb' tz'aqol, b'itol laj b'aa.

Kita' taye' taq q'aaq' re tinmit,
rechaq rajwax tijye' taq na qleen re
Tojil, ma k'ul taq qleen tijtuj chawe



chaq, ta qleen awechaq re Tojil. Re
re tib'in nen rajwaxk tijya' taq re, re
looq' tijk'ul taq q'aaq'.

Man ri wi' re jxiik', chopka' jxiik' jun
sootz', inxintaqsajch jwi'l nen
xb'anow awechaq, nen xatb'itow
taq, xij Xib'alb'a, • | jor xki'kotaq,
nim xtaw ranmaq: Tojil Awilix,
Jaqaowitz, jilon xb'ij Xib'alb'a.
Jun kitz xb'an rik'ilaq xsachb'iik, ta'
xril taq nen jsachik.

Xtaw taq chik jumul, tinmit tijiin
tikam taq jwi'l teew, tiqeej ri' jun
piim laj saqb'ooch, jun q'eeq' jab',
kita' tikuyamaj teew tijin tib'an, tijin
tituyar taq jwi'l teew, ri Tinmit xtaw
taq lamas wi'w taq:

B'alam K'itze'

B'alam Aq'ab'

Majuk'utaj e

Ik'ib'alam.

Nim re' b'iis wi' laj ranmaq, tijch'uq
jchi'aq pach jkayb'alaq.

Xtaw taq ajta'l toq'oob' chi jwiich:

B'alam K'itze'

B'alam Aq'ab'

Majuk'utaj pach

Ik'ib'alam.

ǵKita' k'u tatoq'ob'saj taq qawiich?
Tiqata' jun kiitz qaq'aaq' chawe
taq.

ǵKita' xk'utsaj chawchaq jun qe
qochooch, jun qe qatinmit, re q'ij
ataq xattz'aqsaj taq, ataq xat

b'itsaj taq? • | || Kuy taq qamaak,
xche' taq

ǵNen taya' taq chiqe we tiqak'uuy
amakaq? Xutzaj taq

ǵQusi'n!

Tiqaye' saq pwaq chawe taq,
xche' taq yaj Tinmit.

Kita' chiqaj saq pwaq, xche'taq

B'alam k'itze'

B'alam Aq'ab'

ǵNen k'u qas qleen chawajaq?

ǵLooq' tiqetamaj? Xta'taq chi
jumul ri Tinmit.

ǵQusin! Tiqa ta' re Tojil,

Usiil tiqab'ij chawe taq, xche'taq.

Laj 'oor xta' taq re Tojiil.

ǵNen rajwaxk tijya' taq yaj Tinmit,
at, Tojiil, maq xipe taq chijta'ik
q'aaq'?

Xche'taq B'alam k'itze'

B'alam Aq'ab'

Majuk'utaj pach

Ik'ib'alam

ǵQusin!

ǵRaj tijye' taq jxukulaq?

ǵRajaq ranm, inaq'aluuq taq, ini'
Tojil?

We ne' kita' rajaq kita' tiqaye'
jq'aaq'aaq xche' Tojil.

Ri ajkina' tik'ulmaj,

Ajki na titaw oor tijye' taq ejtzal.

Atche' rechaq.

Ri' ri tab'ij rechaq B'alam
k'itze'

B'alam Aq'ab'

Majuk'utaj pach

Ik'ib'alam

Usil rechaq xej q'asajtaj jyoolj Tojil.



¡Qusi'n! Tusaj na riib' •| •|| qusin
tiqaq'aluj xche'taq,
Kita' xye'rib'aq li k'axk'olil. Ni'j tinmit
nim xch'ij taq. Tiqak'am jyoolj Tojiil,
Kita' xchomrsaj taq. ¡Qusin! Xche'
taq Xk'ula' taq ari q'aaq' Xmiq'
rib'aq. Wi' jun puq xaq xijrelq'aj taq
q'aaq' laq siib', Ri re' maq ajsootz'.
Chamlaka'n , jb'ij yaq
Kakchikeleb', jwichb'l rechaq ri' jun
sootz' Xq'axtaq xilj siib', usil xq'ax
taq xjk'om taqb'i q'aaq'.Yaj
Kakchikeleb' kita' xta' jq'aaq'aaq,
chik xkamsaj taq, jwi'l b'aka' x'esaj
ejtzal rechaq. Ri' ajkina timajsaj
jb'anik, Tojil xjch'ob'an lamas
xpe'w jchoq'ab'aaq jwi'l

B'alam k'itze'
B'alam Aq'ab'
Majuk'utaj pach
Ik'ib'alam
Jali lamas petzal Tulán, Suywa.
Kita' tiwi'n taq,
Jilon li tinatun taq chirij saqrsank,
Tirib'ej taq releb' q'iiij,
Tijchol rib'aaq chi rilik mim ch'umiil.

•| •|| jb'iiij Ik'oq'ij nen ti'elch nab'e
chiwch q'iiij,
Tina'w ti'elex q'iiij, ri' li jch'umiil
saqrsank.
Nojel q'iiij tinatun taq lamas ti'elch
looq'laj q'iiij, ri re'
Xwa'x taq jali, Tulan, Suywa jb'ij,

Lamas xpe'w jqaaj jchuchaq.

Neri ta' xk'ul taq jkwinelaq jinon
jq'atb'jtziijaq.

Kila' li lamas xtzaqtaq, xit'o'sajtaq li
kaxk'ol nimaq Tinmit pach nuch'
Tinmit.

Lamas xkamsaj taq chuch Tojil,
Xsuj jki'k'elaq, jinon jxukulaq pach
xe' jtelb'aaq.

Jali Tulan xpe'w, jchoq'aab'
b'aqcchopka' nim laj retamb'laq
xk'ul taq chuch loq'laj aq'aab'
njinon chuch loq'laj saqarsank

Usiil xpetaq

Xe'taq jali

Xkan jye' taq lamas ti'elch looq'laj
q'iiij.

Ri qochooch ta'n,

Jo' qile' lamas ojb'i waroq, xche'
Tojil,

Tz'et tiqach'ab'ej

B'alam k'itze'

B'alam aq'ab'

Majuk'utaj e

Ik'ib'alam

¡Nab'e tiqa k'omowaj na! •| •||
Rajwax na tasok axiknaq jinon tajor
ach'uk'aaq

¡ta tana kuyb'el amakaq!

Jelon ri jk'omwaj tijb'an taq re
Ajaw.

¡Qusin! Xche' taq xtormajch kik' laj
xiknaq, laj b'iix pok ti'ooq' taq,
X'el taq b'i Tulan, xi'ooq' taq rik'il
ranmaq xe'taq.

¡Ay! Niri ta'n tiqil ri saqsab'al, ni ri ta'
tiqil ti alex ri q'iiij,



Nen tiyo'w saqil re ulew xche'taq,
usil xipetaq.

Xaq tiwortaq chi jchi' b'ee, wi' nik'j
kristyan tikan'el taq lamas tiwor taq.
Nik'j kristyan chik tib'ataqb'ik,
Jor tirilmaq ch'umil, nen nab'e
chiwch q'iij.

Ri' ri ejk'utb' saqrsan laj ranmaq,
Xi'el taq jali li yikb' q'iij, k'amem
rib'aq xiq'axtaq li nim Xo'l, jelonli
jb'ij lajori.

Usil xtaw taq chib' jun juyub',
Kla' li xta'rib'aq nojel kristyan
k'iche' rik'il nik'j tinmit chik.
Kla' li xtaw taq nojel, xejran taq jun
nimq'iij jwi'l qus taq chomank.

Ri juyub' li jb'ij lajori Chi Pixab'.
Jilon li jb'ij juyub' lamas xta' rib'aq.
Kla' li xretamaj rib'aq chi jujunal.
jlin, win neril
lin, Aj k'iche'
jAt neril
Tamub' li ab'iij at, xche taq re
Tamub'
Usiil xij taq
At llokab',
llokab' li ab'iij at.
Ma sach jwiich ri uxib' jq'aab' aj
k'iche' kristyan.

•|| Xaq jun qayoolj xche' taq, xkoj
jb'ijjaq.

Usiil xkojsaj jb'ijjaq yaq aj
kakchikeleb':
Kakchikeleb' jb'ijjaq,

jilon li xkojsaq jb'ijjaq aj Rabinaleb',
Rili jb'ijjaq xk'om taq, kita' sachal
jwiich lajori

Jilon li yaj Ajtz'ikinaja, jelon li jb'ijjaq
lajori,

Jilonli jb'ijab' xkoj taq chiwchaq.

Xtaw taq na jali, xrulb'ej taq na kla'
re tisaqrasank, lamas finab'er ra
ch'umiil chuch looq' laj q'iij, jali
ojpeew xcha' taq.

Xaq xqasach jun kitiz qib', xche'taq.
Tb'ison ranmaq juwi'l nimaq taq
k'axk'ol xq'asaj taq,

Kita' jwa ruk'a'aaq,

Kita' qleen rechaq,

Xaq tijsiq taq qe ruxb' jch'imiyaq,

Jilon li tijchomrasaj taq tijiin tiwi'n
taq,

Kita' qleen tijtij taq laq' b'ee.

Kita' nal nen jq'axikaq xilj ploow,

Chi 'ilem kita' ploow xq'asaj taq;

Xaq chub' ni'j ab'aj xq'ax taq,

Kla' wi' ab'aaq laq pooq,

Jinon li xkoj taq jb'ij: cholol ab'aj,

K'otol pooq xche' taq re luwr lamas
xq'ax taq,

Tosol rib', jaa' lamas xq'ax taq,

Tib'ison ranmaq, kita' qleen tijtij taq.

Xaq wi' ruk'a b'anal la' jun jwiich
ixiim,

Jilon li xtaw taq chib' wiitz jb'ij Chi
Pixab'.

•|| K'omol b'i rik'ilaq Tojil

Awilix pach

Jaqawitz.



Kita' wa tijtij taq jilon li xril B'alam K'itze' pach rixoql Kaqapaloja' jb'ij rixoql.

Jilonli tijb'an taq B'alam Aq'ab' rik'il rixoql, Chomija' jb'ij rixoql.

Jelonli tejran Majuk'utaj kita' tejtij wa pach rixoql, Tz'ununja' jb'ij rixoql.

Pach ik'ib'alam pach kak'ixaja' jilon li jb'ij rixoql.

Rechaq kita' tiwi'n taq laq'ab' pach saqrasank.

Nim re' tisachow jch'olaq xwa'xtaq li juyub' jb'ij Chi Pixab.

Kila' li xyolowtaq chi jumul rik'il rajawaq.

Jelon li xijtaq: Tojil

Awilix

Jaqawitz a Balam K'itze'

Balam Aq'ab'

Majuk'utaj e

Ik'ibalam

¡Rojoxk ojb'ek, rojoxk ojb'en!

Niri qaluwr ta'n,

Li jun luwr muqul ojta'taq.

¡Petzal chaq ri saqsb'al!

ǵK'ax ta k'uli chawe ataq wene' ojchopsaj jwi'l ajb'anol taq k'ax?

B'it taq jun luwr lamas looq' atqaloq'aj taq.

Rajwaxk tiqatok luwr lamas ojwa'x.

¡Qusi'n!

Oj b'i' ri.

•| •||| Ojb'e taq ri' chi jtokik n'ij k'ichelaj, xb'ij taq juntir rib'ilaq.

Jilonli jujun rib'ilaq x'ok taq chireqaj

rajawlaq. Xk'am taq b'i Awilix chi' jchi' jun swan, "muqul swan" jb'ij. Laj ni'j maq chee' wi' jun nim laj swan. Re' Awilix jilonli' jb'ij la' xkan. Xmuqsaj la' man swan jwi'l B'alam Aq'ab'. La' majto kik ri' nab'e tik'utun.

Xkan jye' taq Jaqawiitz chib' jun nim laj ab'aj "Jaqawitz" jinon li jb'ij witz lajori lamaskita chiki' nen xilj, kla xkan 'el rajw Jaqawiitz, jilonli' xkan Majuk'utaj rik'il rajawl ri' jkaab' rajawaq xmuq taq, xilj ta' jun wiitz xkan 'el jaqawitz ri' xkan chuch jun tolan wiitz kla' li xmuqsaj

Jilonli' xamb'arbik B'alam Kitz'e'. Xpet li' jun nim laj k'ichelaj re' jmuqik Tojil, xpet B'alam Kitz'e'. Patojil jb'ij man wiitz lajori'. Jilonli xkan jb'ij man swan lamas tijmuq rib'aq chopka' "Kumb'l".

Nojsal chi kumatx, nojsal chi B'alam. Li witz xkan ye'saj taq. Xmuqsaj jwi'l yaq ajawl. Nik' xkan taq B'alam Kitz'e', B'alam Aq'ab, Majuk'utaj pach Ik'ib'alam. Jilonli xrib'ej taq saqarsan. Chib' man witz Jaqawitz. Kita' naj re chat wi rajawl yaq Tamub', jilon yaq llokab' •| •||| amaq'tum jb'ij la' wi' rajawlaq yaq Tamub', k'la saqarsan taq. Amaq'tum jb'ij la' xwa'x jilon ka' xsaqarsan taq yaq llokab' kla' xwa'x rajawlaq re yaq llokab'. Kita' naj re' xo'olaq pach man witz. Kila' juntir yaq re' Rabineleb', yaq Kaqchikeleb', yaq Ajtz'ikinaja; juntir



yaq tinmit nuch' chií nimaq. Chi juntir rib'ilaq xwar taq, chi jujunal rib'ilaq saqarsan taq. Jika'lonli' xrib'ej taq relab' ra nim laj ch'umil, lk'oqij jb'iij.

Ri' nab'ee ti'elch chiwch q'iij, tisaqarsan xb'iij taq. Chi jujunal rib'ilaq xwa'x taq B'alam Kitz'e', B'alam Aq'ab e lk'ib'alam.

Kita' ti'ok jwarjaq, kita' loq' tiuxlan taq. Wi' jun nim laj tzaqamch'olal laj ranmaq jwil ti' saqarsan. Jwili' xk'ixiib', xkan jun nim la b'iis rik'ilaq. Jwii'l ra k'axk'olil ri' wii' laj ranmaq. Jilonli' ti'tamaj taq. Kita' tzi' la' xoojpet. Rajt'ine' tiqil ti'elexch ra' q'iij. ǂNen b'anal qa wi'l? •| :||| Laj qatinmit oji' nik' xkan qasache', tijb'iij taq chirib'il rib'aq. Laj n'ij b'iis, laj n'ij iil, laj n'ij o'q'eej lamas xyolow taq. Tikam ranmaq chirilik tisaqarsan.

Maq kita' nen tijiin tijb'an taq ri' maq rajawlaq li man swan, li maq uqum k'ichee'laj, ra' kutz'ii'j jb'iij "Bromelia". Chijx'ol q'uux titamaj taq.

Kita' xye'saj taq chib' tzii laj chee'. Cholb're tiyolow taq Tojil, Awilix pach Jaqawiitz. Ri' nim jq'iij jnimal jchoq'ab'aaq, chiib' jkaslemal jwi'l yaq rajawlaq, chopka' re ni'j tinmit. Wi' k'i no'j re titaqej, ri qus jch'ekik xb'an taq. Pach tzaqamch'ooolal la xwa'x ranm.

Re' yaq tinmit x'esaj ra, jki'kotemal laj ranmaq jwi'l B'alam K'itz'e', B'alam Aq'ab', Majuk'utaj pach lkib'alam. Ri' rechaq kita' kikitomel laj ranmaq chirij yaq qajawl ri' k'amal b'i' jwi'laq.

Xel taq jeli' re Tulán, Suywa, chapka la' ti'elch q'iij •| :||| kla' wi' taq laq chee'. Saqarsan re Tojil, re Awilix, re Jaqawitz nemo jb'iij lajori'.

Kla' xk'amwaj rechaq xsaqarsan taq qamaam, qaqaaj, qachuuch.

Lajori yool nemo' xsaqarsan, re x'elch q'iij, re iik', re ra ch'umil. Nim laj ki'kotemal re B'alam Kitz'e', B'alam Aq'ab', Majuk'utaj e lk'ib'alam nemo xril taq.

Ra ch'umiil a'qab xk'utun, xch'umilanch jwi'l x'elch nab'ee chuch ra q'iij. Laj'oor solkrij ra poom ri k'amalch jwi'l. Ranmaq tiki'kot re' resaj taq chi saq, k'ii laj q'leen, re xk'amwan taq.

Mixtom Pom ri' jb'iij ra poom. Ri k'amalch jwi'l B'alam Kitz'e', Kawistan poom jb'iij ra poom ri k'amalch jwi'l Balam Aq'ab'. Kab'awil pom jb'iij ra poom, ri k'amalch jwiil Majuk'utaj, chi uxiiib' k'amalch poom jw'ilaq.

Ri xb'an taq chuch q'iij

Xkikotaq jwiil il taq saqarsan, xk'ataq ra poom. Jilonli' x'ooq' taq



jwil kita' nen ti ril taq. Kita' xchajejtaq ra elabch re' ra q'iij.

: | 0 Laj 'oor x'elch ra q'iij. Xki'kot maq ka'n chi nuch', chi nimaq. Xb'itaq chi jaa' re swan. Xaq'an taq chib' man wiitz. La' jun jchi' qleen xnatur taq, la' x'elch ra q'iij

Kla' x'ooq' taq maq b'alam, nab'e xb'ixan ra tz'ikin keletz'u jb'iij. Xki'kotaq juntiir taq ra ka'n, xrupup jxiik'aaq n'ij tz'ikin chi n'uuch' chi nimaq. Jilonli' xukul taq yaq ajq'iij jw'il ki'kotemal laj ranmaq jilon yaq ajq'iij re Tamub' pach llokab';

Jilonli' re yaq Rab'ineleb', Kaqchikeleb' Ajtz'ikinaja.

Jilonli' re yaq Tujal Ja', Uch'ab'aja, Ajkib'aja, Ajb'atenaja.

Jilon re maq Yaki Tepew, : | • chopka' juntiir yaq tinmit ri wi' lajori'.

Kita' looq' rajlaj kristyan wi', juntiir maq tinmit jun chi saqarsan xye'saj rechaq.

Laj'oor xcheqej uleew jwi'l ra q'iij, nik' chapka' jun kristyan rilik ra q'iij, chopka' jun q'aaq rilik. Jwi'l li xcheqej uleew, ojer taq tziij ra ulew uup jpam .

X'elch q'iij, nik' rilik chapka' jun kristyan , kita' tikuysaj jq'aa'al . Xaqe xk'ut riib' la' xk'isi', xaqe jmuujal xkan.

1Laj'oor xwux taq ab'aj Tojil, Awilix pach Jaqawiitz.

Chopka' rilikaq maq q'eq B'alam, man Kumatz, oor Saqik'oxol xmuq riib' laq tza'l, ri re' x'elch looq'laj q'iij xk'utunch ra q'iij, ra lik' pach ra Chu'mil.

Juntir rib'ilaq xwux taq ab'aj.

Jwili' kita' looq' yolkoj taq lajori',

Man B'alam

Man Kumatz.

: | : met jwi'l Saqik'oxol kita re ki'kotemal lajori, met kita xja'rsaj nab'e taq awaj jwi'l looq'laj q'iij xq'aljinch, seb'laj xkikot taq B'alam Ki'tze'

B'alam Aq'ab'

Majukutaj pach Ikib'alam; seb'laj xki'kot taq ruk're xsaqarsan xaq kita re k'ii wi' taq kla', kiib' oxib' qe wi taq b'a Jaqawiitz kla' li xsaqasan taq, kla' li xk'at jpoomaq, lamas ti'elch looq'laj q'iij kla' li petzelwi taq ri li jwitzaq jali petzel taq B'alam Ki'tze'

B'alam Aq'ab'

Majukutaj pach Ikib'alam;

Kla' li xnimersaj rib'aaq nojel wiitz lamas xb'an taq jun tinmit kla' li wi' taq ruk' re x'elch looq'laj q'iij, looq'laj iik', pach taq ra ch'umiil kla' k'uli xsaqarsan chuch uleew,



kla' li xmaj jb'ixaq jb'iij Qamuqu,
xb'ixaj taq, ri' li xkib'aj ranmaq jinon
tijb'ij taq xilj ra b'iix jojika'! xojfach
jali Tulan kla' li xojtuxan xojk'ian,
: | : jali xkn kaye' qeetz
qaq'uun?lamas k'uli ilan q'iij
jwi'laq?lamas k'uli wi' taq ri k'ure
xsaqarsan? Xta taq re yaq
ajch'ab'al re ajYaki.

Ri re' rajawlaq rechaq Tojil jinon re
yaq Yolkwat Q'uq'Kumatz, ri jb'ijaq
xkan kaye' jali Tulan jali Suywa, ri
rechaq qapach nik' xoj'elch xcha'
taq, xkux taj jwi'laq retzaq,
jq'uunaq re yaq Yaki, lamas
xsaqarsan chuchaq jali, jali mexik
chopka' tib'ijsaj re lajori, wi' re' jun
puq ajtinmit xkan 'el taq jali lamas
ti'elch looq'laj q'iij yaq Tepew
Oloman jinon jb'ijaq. Nen xkan
qaye' taq jali xcha' taq. Seb'laj
k'ex laj ranmaq wi taq jali Jaqawiitz
jinon yaq Tamub' pach llokab', xaq
rechaq wi' taq jali li k'iche'laj. Tam
jb'ij jtinmitaq yaq ajch'ab'al ajsujul
ch'ab'al, pach rajawlaq ri re' Tojil.
Jun qe Rajawlaq yaq Ajk'iche nik
qe chop re yaq Rb'inaleb' tik'ex
maj jun kiitz rik'il Jun Toj jb'iij; ri' ri jb'ij
re yaq Rab'inaleb' li xaq qe tib'ijsaj
qe, nen chak jwi'l nik'qe jtziij pach
re yaq K'iche', ri k'u nen tik'exow
re, ri jtziijaq yaq Kaqchikeleb' : | :
Jalani jb'iij Rajawaq, lamas
xalmajch taq jali Tulán Suywa:

Sotz'i Ja chimalkan jb'iijrajawaq,
Xaq ari li jalan tiyool saj lajori;

Jilon petzal laj b'iij ajk'amal b'ee ,
Xk'am jb'iij rech'elxikaq. Ajpop
Sotz'il

Ajpop Xajil; jilon li jb'iijaq.

Jinon chap ka' aj k'amalb'ee aq
jaljoj chaq jtziib'alaq ,

Jijon xq'axmaj, ari xye'sal rechaq
jali Tulán.

Jwi'l wichb'l re ab'aj jino xk'axmaj
jtziib'alaq ,

nen oor x'el taq b'ii Tulán laq
uqu'm.

ari jun qe tiko'n ,

jun saqarsan re nojel tinmit.

Wichaq jb'iijaq nojel rajawaq re
jujun tinmit.

Lajori ojyoloow re jluwraq chub'
wiitz.

La' jun qe luwr witaq ch kijab'
rib'ilaq Balam Ki'tze',

B'alam Aq'ab',

Majuk'utaj , pach

Ik'ibalam, jilon li jb'iijaq

Ti'oq' ranmaq re Tojil,

Awilix pach

Jaqawitz nen xkan jye' taq.

Chij xo'l taq ra kutz'i'j ,

Chijxo'l saqsoj q'ux.

Jilon b'aka ri jk'omwan taq

La' x'elex wi jch'ab'alaq jloq'aj
chuch Tojil,

Ne oor xtaw taq chuch Tojil jinon
Awilix,

Xb'i rile' taq,

Xb'i kuxtaj taq,



Jinon xk'omowaj taq chuch jk'ulik
loq' laj saq'j.

Re taq nik' wi' taq re ab'aj jeli la'
k'ache'laj, : | | xaq chaq ranm
xtaw taq yaq ajkojon
pach yaq ajta'al kuyb' maak.

Chuch Tojil

Kita' nim k'utun k'amalch jwi' laq,

Xaq q'ol xk'at taq

Rik'an xkowor poom kla' pach ii'y
xkoj taq re jk'omowank re yaq
qajaw, ajrik'ure' xyoloow Tojil,
xaq re ranm xya'ow jno'j aq yaq
ajkojon

pach yaq aj ta'al kuyb' maak.

Jilon xb'ij taq ne oor xyoloow taq:

Tz'et re ari loq'laj wiitz jinon loq'laj
k'iche'laj tiqechb'eej.

Jilon ooj xoj awechb'e jtaq.

Nim jwich qa q'ij jinon

Nim jwich qa k'aslemal, jwi'l
awechaq juntir kristyan, nojel tinmit.

Ooj tiqapach laj taq qe
jchoq'b'aaq ciudadelas

Jwi'li tiqaye' qe takil rechaq:

Kita' taye' taq jtz'onin qa k'aslemal
chuch tinmit

Nen oor tiqaye' b'ison, jwi'l tz'et
k'ure' jor chaq k'i yo'l taq.

Jinon k'ut kita' tiqaye' qiib' re
ojchapsaj jwi'laq.

Tz'aqat k'ure' tasuj taq chqe taq ra
ka'n re pajonales y de los juncos

Chapka' taq ra ralk'wal taq ra keej,
jinon re taq ra ka'n .

atpe taq chij ye' ik jun kitz jkik'elaq .

jtoq'b'saj taq qawiich!

Tikan taq jtz'umal re ra keej ,

Tachajaj taq, wji'l b'aka' tichokon
re tasach taq

Tikanb'oq' taq,

ri ra keej tik'utun qe,

Ataq tak'ut taq re tinmit.

: | .| Wene titz'onaj chawe chaq
glamas wi Tojil?

Tak'ut taq pish' re jtz'umal keej,

Jinon at taq kita' tak'ut awiib'aaq.

Jonon k'u ajwina qlen tinab'an taq
na

ri finimrsan awechaq.

Tach'ak na juntir tinmit;

Tak'amch taq chiqe jkik'el.

Re taq tipetaq na chi qamatzej

Qe taq chaq , xijb'ij taq Tojil

Awixil, pach

Jaqawitz.

Chopka' k'ojol wunaq rilikaq

Titojon na chuchaq.

Ajri k'ure' xmajmaj jchapik taq ra
ch'ip

Jinon taq ra nuch' keej;

Rik'il k'axk'olil xcholmaj jtokikaq yaq
ajkojon pach

yaq aj ta'al kuyb' maak.

Nen oor tijta' taq taq ra tz'ikin jinon
taq ra rik'wal keej,

Ajri k'ure' xb'ee taq xij resal jkik'el
taq ra keej jinon re ra tz'ikin, laj chi'
man ab'aj.

Re Tojil, re Awilix.

Jurub' re jkik'el xtijtj taq ni'j Ajaw.

Laj oor xch'aw taq maq ab'aj, nen
oor xtaw taq yaq ajkojon pach



yaq aj ta'al kuyb' maak. Ajri re'
 xchol taq jk'atik sipank, jinon tijb'an
 taq chuch taq ra loq'laj sitem rib'
 riij keej, jinon
 tijk'at taq q'ol, jinon tijk'at taq q'an
 ii'y jinon saq ii'y
 wi' re' jun looq'laj sipank pisiil, chi
 jujunal yaq Ajaw, xk'amach taq
 b'aa witz, : | :| re taq la'j kita' tiwa'x
 taq chi rochoochaq, xaq chijxo'l
 wiitz tib'en taq.
 Xaq taq ra ixjut re kamnaq taq
 ka'n tijtij taq,
 Jinon ixjut re ch'uub' ,
 Pach ixjut re taq ra jon kaab' tijtok
 taq.
 Ari kita' jchoq'a b'aaq tij ye taq,
 Pach tijtij taq.
 Kita' tik'utun jb'ee taq laj
 rochoochaq, jinon kita' tik'utun
 lamas wire' rixoqlaq.
 Seb'laj jor k'i tinmit, chijuj nalaq xta'
 rib'ak, xkub'ar taq, nojel q'at re ni'
 tinmit tik'iyar taq laq b'ee, tik'utun
 lamas tib'en taq.
 Jurub' re' B'alam K'itze',
 B'alam Aq'ab'
 Majuk'utaj, pach
 Ikib'alam, kita' retamaq lamas
 witaq re'.
 We ne tijril taq tinmit tiq'ax taq laq
 b'ee, ajri're tich'ejeje taq chub'
 wiitz, tiatuwan chap ka' jun utiw,
 ch'ejeje re par, jinon tijresaj taq jwiich
 chopka' tiatuwan jun b'alam,
 pach B'alam, ajri tijril taq tib'en taq
 tinmit laj k'iyalaq.
 Xan jun b'alam tiatuwan,

Xaq jun paar, xaq jun b'alam, xaq
 re' jun b'alam tijb'ij taq juntir tinmit.
 Kristyanxaq ta' tijb'ij taq laj chomb'
 laq re tinmit,
 ri' li jb'anik k'axk'olil xb'an taq re ni'
 tinmit li.
 Wi' re' jun jchomb'laq ,
 Kita' re rajaq tijtzaq jch'olaq re
 tinmit, jwi'l nojel qleen tijb'an taq,
 Ari b'aka' jwi'l tiatuwan taq nemo
 resaj jwich tijb'an man b'alam.
 : | :| Jinon re man b'alam, ajri re' tijril
 taq rik'an jun kristyan, xaq qe kiib'
 tib'en taq, raj taq re' tijchup taq
 jwich, nojel q'ijj, tiq'ajch taq laj
 rochochaaq, rik'il rixoqlaq, xaq ixjut
 re kamnaq ka'n, ixjut re ch'ub',
 jinon xaq ixjut re jor kaab', k'amalch
 jwi'laq, ari re' tijye' taq re rixoqlaq.
 Nojel q'ijj tib'e taq chuch Ajaw Tojil,
 Awilix pach Jaqawitz, tijb'ij laj
 ranmaq, re taq ari Tojil, Awilix pach
 Jaqawitz; xaq jkik'el ra Keej pach ra
 tz'ikin, ari re tojon, qus na tiqawor
 qaxikn, pach qach'uuk, re jta'ik qa
 choq'b' re Ajaw Tojil, Awilix, pach
 Jaqawitz. ğnen taq tib'anow taq
 k'axk'olil re tinmit?
 ğet qe chi jujunalaq tiqakamsaj
 taq? Xijb'ij taq chib'il rib'aaq.
 Ajri' k'ure' xb'ee taq chuch Ajaw
 Tojil, Awilix, pach Jaqawitz.
 Kla'li xijwor taq jxiknaq jch'uuk'aaq
 chiwchaq Ajaw.
 Xjach taq jkik'elaq, xjamij taq laj
 chi' aq maq ab'aj,
 Chi jujunalaq chop ka' k'ojol
 wunaq rilikaq titaw taq,



Tikikot taq rik'il jkik'elaq re yaq
ajkojon pach yaq aj ta'al kuyb'
maak.

: | || Ajri k'ure' xpe jun k'utun re
niño tijb'an taq na:

¡rajwax na atch'ekon taq!
ri tit'o'w awechaq.
Ari petzal laj b'iij Tulán ari xoj
k'amch taq, xb'ijsaj rechaq.
Xyool taq chub' lamas xye' taq jun
k'utun la' jun luwr jb'iij Silisib'
Rik'il jkik'el tijran chap loq'laj jaab'
re kik'el
Ajr'i xk'axmaj la' jun tojon chuch
Tojil,
Awixil, pach
Jaqawitz
Neri xmajmaj elaq' re taq kristyan
re tinmit jwi'il
B'alam k'itze',
B'alam aq'ab',
Mujuk'utaj, jinon
Ik'ib'alam.

Xpe jkamsajaq tinmit.
Tichapsak nen tib'en rak'anaq,
jinon
Wene akak'ab' tib'en taq.
Jinon kita' ti ilmaj wene tisach taq.
Loj oor ti kamsaj taq, ti esaj ranmaq
chuch Tojil, Awilix.

Ajrik'ure' tijtix taq jkik'elaq laq b'ee ,
ri k'u jb'aa tij t'oj taqch,
tiparantinch laq b'ee.
Ari ri tijb'ij taq tinmit

-¡Jun b'alam xtijow taq! Jinon tijb'ij
taq jwi'l tik'utun lamas tikan jye'
raqan yaq kristyan jinon maq
b'alam.

Rechaq kita' tij k'ut rib'aaq;
Pok ne k'i yaq kristyan x'el jinon
xq'aj taq b'iik.

: | || Kita' xb'eeek, ari b'esal q'iij xijril
taq li tinmit.

Ari taq Tojil.

Awilix nen ti'ok taq qik'il;
Xaq tiqatok b'aka' yaq ajkojon
lamas wi' rochoochaq,
¡Tiq'atarnab'eej lamas tijya'
raqanaq! Jinon xb'iij taq juntir
tinamit tijk'ulaj taq pixb'an.
Ajri k'ure xijtarnab'ej taq yaq
ajkojon pach yaq aj ta'al kuyb'
maak
Kita' tina'r
Xaq jluwr raqan keej,
Xaq jluwr raqan b'alaam tijril taq.
Kita' tik'utunk jluwr raqanaq
Kita' xtamaj taq la'nijun luwr
Nab'ee jluwr raqanaq ri re awaj
kijab' raqan
Jinon rilik jluwr raqanaq;
Re tisachon taq
kita' tik'utun jb'ee aq;
tiq'aljin taq ra suutz'
tik'axmaj jwichq'iij
tijb'an xox'oo'l
jinon tijb'an musmul.
Xaq k'uri tijril taq nojel tinmit
chuchaq, xkos ranmaq chij tokikaq
jinon chij ruqtaj taq jwi' b'aka' jor



nim kristyan taq yaj Tojil, Awilix jinon Jaqawitz.

Jinon naj xwa'x taq chub' b'a wiitz, chijchi'tinmit tikamsan taq . jino xmajmaj k'axk'olil, xcha'saj nen titojon.

Wene tijchap taq krityan re jun tinmit laq b'ee titojon taqna chuch Tojil, Awilix jinon jaqawitz;

Tijkol ralk'walaq neri chub' wiitz.

Tojil, Awilix , : | •|| Jinon Jaqawitz,

Chopka k'ojol wunaq rilikaq,

Rire' tib'en taq,

Xaq chaq jsib'al ranm ab'aj.

Wire'jun kumatz jaa' lamas timuxan taq.

Xaq chijchi' jaa' tik'utun taq.

Ra luw ri jb'iij "atink re Tojil",

Jinon xcholmaj jb'iij ra Kumatz Jaa'.

K'i muul ti'ilsaj re' jwi'l tinmit

Etqe tisachb'ik wene ti'ilsa jwi'l tinmit.

Ajrik'ure' xijretamaj taq lamas witaq yaj B'alam Ki'tze',

B'alam Aq'ab',

Majuk'utaj ,

Ik'ib'alam.

Jinonli xijye' taq jq'iij jun puqtaqchi'n re tinmit

Re tikamsaj taq.

Nab'e xchomorsaj taq tinmit chub' nimo tijb'an chi jch'ekik yaj Tojil,

Awilix,

Jaqawitz.

Juntiir yaq ajkojon pach yaq ajta'al maak, xch'aw taq chuch tinmit;

Xmulaj rib'aq,

Xsik'ij rib'aq,

Kita' nijunoq puq,

Jinon kiib' puq, met xtaw taq.

Xmulaj rib'aq,

Xchomorsaj chi rib'il rib'aq, nen oor tiqaye' jq'iijal yaqpuqtaqchi'l,

Xb'iij taq, xta' taq chi rib'il rib'aq,

: | •|| ġpok ne k'ax, jch'akik yaq Kaweq, re yaq aj k'iche'?

Jwi'l rechaq tijin tisachtaq qarb'in, junon qak'ajol;

Kita' tinar nimo jsachik kristyan tijb'an taq:

ġwene ojk'is jwi'laq chuch sachal wiich(raptō)

Wen jinon li: jor qe jch'oq'b' Tojil,

Awilix,

Jaqawitz; wet ne Tojil.

(tikolow qe)

ġTiqachape' b'aka'!

Kita' tiqaye' luwr re ojch'ek taq.

ġKita' k'u tiqamulaj qiib'?

Mulan xb'iij taq, yaq Kaweq kita' k'ii rib'ilaq.

Wi' ni'j xb'ij taq, xwa'r chuh tinmit xyoloow rik'ilaq:

ġnen ilownaq, nen ti'atin chijchi' jaa', nojel q'iij?

We ne rechaq ri yaj Tojil, Awilix jinon Jaqawitz,

Ri ne qus tiqach'ak nab'e rechaq.

Jino kla' timajmaj jch'ekikaq yaq ajkojon pach yaq aj ta'al kuyb' maak.

Ni'j laj oor xta' jtziijaq:

ġnen tiqab'an chij ch'akikaq?

Arik'ure' xb'iij taq:



Jinon jib'anik tiqab'an chi
jch'akikaq:

Nen chak chopka' rilikaq k'ojol
wunaq, wene ti'ilsaj taq chi jchi'
jaa',

Tib'ee taq kiib' q'opooj anm,
seb'laj siq'il rilikaq,

Tiqopxin rilikaq yaq q'opoj anm.

Jilon qe kita' loq' tijq'atuj jrayb'aa
chirij taq ra anm, tijolin xb'iij taq.

iqusi'n jinon li!

Tiqatoke' b'aka' kiib' siq'il q'opooj
taq anm, xb'iij taq jinon xtok taq
chijxo'l jrab'inaq.

Seb'al siq'il rilikaq taq ra q'opooj
anm.

: | :|| Ajri k'ure' xye'saj takil chak re
taq ra anm:

jAtb'e taq na ataq qarab'inj
Atb'e taq chi jch'ajik q'unik li jaa',
We ne tawil taq yaq oxiib' k'ojol
wunaq,

Tach'anb'a' awib'aa chuchaaq.

Ri k'u awanmaq tirayin taq,

jTak'amch taq!

We ne rechaq tijbiij taq: "chqaj
ojtaw awik'ilaq",

-"qusi'n", tak'ululaj taq re.

We ne tijtz'onaj taq:

ǵLamas atpew taq?

ǵnen aqaajaaq?, w ene jinon tijb'iij
taq,

-ojrab'iin k'is qaqaaj" tab'iij taq re.

Tinak'amch taq na jun k'utun ,

Jaljoj qlen tijye' taq chawe taq,

We ne ti'elex laj ranmaq at rechb'ej
taq

We tz'et jach a k'aslemalaq re.

We ne kita' chawajaaq

Atqakamsaj taq.

Ajrik'ure' tiki'kot qanm wene
tak'amch taq jun k'utun,

ri jun k'utun re qanm, we ne xat
rechb'ej taq, jinon xb'iij taq.

Yaq Ajaw xijye' jun no'j rechaq yaq
q'opoj anm.

kiib' taq qe,

ri ri jib'iijaaq: Ixtaj jinon lxpuch' jib'iij

ri nen xtaqsaj taq b'i li jaa' atin re
Tojil,

Awilix, pach

Jaqaawitz.

Jilon xkan taq ari nojel tinmit.

: | :|| Laj'oor xb'e taq seb'laj qus
xwiasaj taq, qas aqlaj tzeet jor siq'il
rilikaq xb'e taq lams wi'w Tojil.
Chqwa'xka' jib'ikaq ch'ojl, yaq
Ajaw seb'laj tiki'kot taq jwi'l
xtaqtatqbi' chi kiib' jrab'inaq ajri
k'ure' xtaw taq chi jaa' xresaj
ritziyeqaaq x'ok taq chi ch'ojnik cutul
taq kla ajri tijril taq xtaw taq Tojil
pach Awilix jinon Jaqaawitz. Xtaw
taq li chi jaa' ajri xriltaq kiib' siq'il
q'opoj anm tijiin tich'ojon taq
seb'laj qus xril taq yaq q'opoj anm
pok xk'ixib' taq jwi'l yaq re Tojiil
kita' xrayaj taq jwiich yaq q'opoj
anm jwi'l yaq re Tojiil laj'oor xtataq
rechaq: ǵLamas atpew taq? X'utzaj
taq, xkamulaj taq chik jta'ik ǵnen
chak xatpe taq chi jchii' qajaa' o
xax xojtaqsajch jwi' yaq Ajaw xij
taq chiqe jat awi'le' taq yaq Tojiil,



“yolowen taq rik’ilaq” xcha’ taq chiqe jinon li “k’amch taq retal jtzijaa wene tawil taq jwichaa” xcha’ taq, jinon xb’ij taq yaq q’opoj anm. Yaq aj tinmit ri’ rajaqa re yaq q’opoj anm tichopsaj taq jwi’l yaq Tojiil, xij taq Tojil pach awilix jinon Jaqawitz xyolow taq rik’il lxtaj pach lxpuch’ ri li jb’iij yaq q’opoj anm, : | || jtzib’aka li! xcha’ taq tak’am taq b’i jun k’utun xaq taw ulb’ej taq jun kiitz xcha’ taq. Tijin chaq tijchomorsaj taq yaq ajkojonk nen titaqsajb’ik, xpe taq li xisaj rechaq B’alam Ki’tze’, B’alam Aq’ab’ pach Majuk’utaj jinon lk’b’alam. Tz’aj taq oxilb’ k’er atz’iyeeq tz’ib’aj taq jwiich ak’aslemalaq re tik’amsajb’i laq tinmit taye’ taq b’ik re yaq q’opoj anm wi taq ch’ojl chi’ jaa’ x’utzaj taq B’alam Ki’tze’, B’alam Aq’ab’ pach Majuk’utaj. X’ok taq chijtz’ajik chijujunalaq jun rechaq, nab’ee xtz’ajon B’alam Ki’tze’, re xtzaj jun B’alam jkaab’ ri B’alam Aq’ab’ re xtz’aj jun nim xik jroox ri Majuk’utaj: re xtz’aj jun Kaniil kaab’ xk’is taq li xb’us taq b’ik xib’i jye’ taq re yaq q’opoj anm lxtaj pach lxpuch’. Xij taq b’aka’ B’alam Ki’tze’, B’alam Aq’ab’ pach Majuk’utaj: jri ri k’utun re jyooljaq j atcha’ taq ajrik’u re ataw taq rik’il yaq Ajaw “tab’ij taq rechaq “qes tz’eet xyolow taqan qikil” yaq Tojil atcha’ taq.

: | •|| “ko’ri k’utun xqak’amch” atcha taq “ rik’u re tijkoj taq b’aka

chirijaa nojel atz’iyeeq ri re tijachsaj rechaq” , jinon xb’ijsaj rechaq jinon li xk’am taq b’ik. Ajri tijril taq yaq Ajaw x’ok taq b’ik yaq q’opoj anm tiki’kot taq chirilikaq kokolb’i laj telb’aaq nen k’u xib’i jte’ taq yaq q’opoj anm ɣxtasaj rechaq kon xawi’la taqan yaq Tojiil? jji’n xqila taqa’n! xcha’ taq. jqu awechaq! ɣnen k’u k’utun xak’amch taq wene qes tz’eet? Xcha’ taq yaq ajaw, ri b’anik k’aax chuch yaq Ajaw. Yaq q’opoj anm xlik’ taq jwiich taq ra atziyeeq, jun nojsol chi b’alam, junchik, nojsol chi xik k’isb’ re nojsol chi ixiim kaab’ chi ch’uub’ tz’ajal taq wiich atziyeeq, seb’laj tiqopopon taq ra atziyeeq xpe taq uka xrayaj taq jkojiik taq ra atziyeeq chirijaa, xpe jun rechaq nab’ee xkoj lamas tzajal taq ra b’alam kita’ qleen xb’en re xpe chik jkaab’ xkoj lamas tzajal taq ra xik jinon kita qleen xta’ re x’ook chi sutaj rib’ chuch jpach k’isb’ re xkoj lamas tz’ajal Kaniil kaab’ pach ch’uub’ aj ri xrik’aj xmular taq ra ch’uub’ chirij pok xti’saj juntiir jtyoo’jl.

: | •|| Tichaa ch’eje jwi’l qe xkoj ra itz’iyeeq tz’ajal jwiich, ri Majuk’utaj xb’anow jinon li rik’il jroox tz’ajon xch’eksaj taq.

Xpe taq uka’ x’ok taq yaq q’opoj anm jwi’l yaq Ajaw lxtaj pach lxpuch’ ɣnench atziyeeq lal maq ri? ɣLamas xak’ame’ taq? jataq, etzl taq anm ! X’utzaj taq yaq q’opoj



anm rik'ure xyaj saj taq jinon li xch'eksaj taq chik yaq tinmit jwi'l yaq Tojiil.

Ri k'u rechaq rajaqa re xb'ansaj taj k'eex re yaq q'opoj anm jwi'l yaq Tojiil lxtaj pach lxpuch' ri rajaqa kristyan yaq Tojiil tiqej taq li maak rik'il yaq anm. Kita' xkwin taq chijch'ekikaq nen chak jwi'l B'alam Ki'tze' B'alam Aq'ab' pach Majuk'utaj nimaq taq ajnoj taqa'n. jumul chik xmolchik rib'aaq yaq Tinmit: ǵxij taq tiqaq'iya' kuy k'una li lajq'ab'aaq? Xnimarsaji' rib'aaq xcha taq. ijo' taq tib'i qasamsaj taq! i'tiqb'ane jwa'x qach'aab' jinon kolb'qe jojtak'u k'ii! : | :||| i'kita' jun rechaq tikan yo'roq! Ticha' taq ri re' tijiin tijchomorsaj taq, x'ok taq k'uli chijmolik rib'aaq nimaq taq puq ajch'o'j ajkamsanl xta' rib'aaq. Ri k'u' B'alam Ki'tze' B'alam Aq'ab' pach Majuk'utaj jinon lk'ib'alam rechaq wi' taq b'a loom Jaqawitz jb'iij lamas wi'w taq. Wi' taq kla' re jkolik ralk'walaq kita' qes k'i rib'ilaq chopka' yaq tinmit, jun kitz qe chapal jwi'laq b'a lom jwi'lk'uli yaq Tinmit xchomorsaj jkamsajaaq, jinon k'uli xta' rib'aaq xe' taq k'amol b'i qleen rechaq, re ch'o'j k'i rib'ilaq yaq ajk'amol taq jb'e jor qus rilikaq wiqil rijaq riqe jtzijaaq rechaq tikan taq lajq'aab'aaq yaq Tojiil.

Wene ri Tojiil raj ojkojon chuch jo' taq chi jchapik ticha' chirib'il rib'aaq juntiir retamaq chaq B'alam Ki'tze'

B'alam Aq'ab' pach : | :||| Majuk'utaj rechaq kita' tiwar taq chijta'ik nen k'u tijchomorsaj taq yaq Tinmit xb'itaq b'i li yaq tinmit laq'ab' rajaqa tib'i ch'o'jin taq rik'il yaq Tojiil, kita' xtaq taq li junj xkan war taq laq b'ee jinon li xch'eksaj taq chik jummul jwi'l B'alam Ki'tze' B'alam Aq'ab' pach Majuk'utaj, li jun luwr qe xkan wer taq juntiir kita' xk'am taj jwarjaq kita' xrik'aj taq xb'uqsaj rismal jb'aqwiichaaq pach rusumchi'aaq jinon li x'esaj juntiir nen kojol jwi'laq jinon x'esaj jb'aa rawab', xb'en taq ri re fik'achsaj jwichaq jinon re titz'e'saj jwichaq jinon li re tijril taq jnimal jchoq'aab' jwinaqil Aj k'iche'. Ruk' re' xb'it taq xchop jb'aaq kita' chiki' qleen rechaq jinon rawab'aaq kita' chiki' ch'iich' chib', ǵnen x'esan qleen qe? ǵnen xesan qak'ixb'? ǵlamas x'elch taq nen x'elq'an b'i qleen qe? Tiche' taq yaq ajch'o'j ǵri' taq ti' maq elq'al taq kristyan? i'kita' qaye' qiiib'!!mtzaq qach'ool chuchaq! Nim jtinmitaaq lamas looq' tib'ansaj k'ax re; : | 0 kla' li tiqile' qasaq pwaq.

iQach'ojaj qleen qe re tiqechb'ej chik!, xcha' taq nojel tinmit.

Xyool taq qe tziijaaq.

K'i chaq rib'ilaq, yaq ajkojon pach yaq ajta'l kuyb' maak, kub'ul ranmaq wi' taq b'a wiitz.



Re chaq, tijiin tijchakuj taq nimaq
taq chaak yaq B'alam Kitze'

B'alam Aq'ab'

Majuk'utaj

rik'il yaj lk'b'alam

Xchomorsaj taq yaq B'alam Kitze'

B'alam Aq'ab'

Majuk'utaj

rik'il yaj lk'b'alam, chi jb'itik jun kori
chij chi' rochoochaq.

Xaqe rik'il tz'oloom,

Xaqe rik'il chee' ch'ut jb'aa, sutaj
taq riij rochoochaq.

Rik'ure xb'an taq n'ij ala's, chopka'
kristyan, chopka' jchakaq, xtun taq
kla' chub' maq chee'.

Jinon k'uli xwiq rib'aaq re ch'oo'j rik'il
perpe'x laj b'aa maq ala's b'anal
la' chee'.

Xkoj taq ritz'iq b'alaq ri' nen xijmaje
taq re yaq ni'j chik laqb'ee

Rik'il li xwiqsaj maq al'as pach sutaj
taq riij rochoochaq.

Jinon li laj'oor xtaw taq rik'il Tojil
xijte' taq re chub' nen k'u
chomorsal jwi'laq yaq ni'j chik xb'ij
taq

ǵojkamsaj iri? Xcha' taq

ǵWene ojch'aksaj?

-ǵMet tzaq ach'oolaaq!

ǵ | • ǵIn win neri !

Ri ri takoj taq rechaq.

ǵ Me tzaq ach'oolaaq!, xb'ijisaj re yaq
B'alam Kitze'

B'alam Aq'ab'

Majuk'utaj

rik'il yaj lk'b'alam xye'saj taq re
maq sata'l pach ch'uub'.

Ri' ri xk'ame taq,

K'amal jwi'laq xk'aj taq.

Laj 'oor xk'ol taq xilj maq nimaq
q'iib', maq kijab' wi' taq chirij jaa.

Xtz'apij taq maq joon kaab' pach
maq ch'uub' xilj maq q'iib', ri' ri
ch'iich' tijkoj taq re tinmit.

-ǵ kita' k'ii taq re!, xb'ij taq!

Xaqe xrile' taq maq ala's, maq
ala's tisilb' rilikaq rik'il jchee'aa jinon
rik'il jch'iich'aaq.

Tz'etka' rilikaq kristyan.

Tz'etka' chok'uwaxtine' ajchajan
xril taq nojel tinmit.

Tiki'kot taq nojel tinmit

Jwi'l xril taq kita' k'ii rib'ilaq;

Nik'ta'n rik'ilaq, jwi'l nojel tinmit k'ii
rib'ilaq, k'ii kristyan ajchajan pach
ajkamsanel; rechaq

chomorsal jwi'laq tijkamsaj taq yaj
B'alam Kitze' ǵ | ǵ B'alam Aq'ab'



Majuk'utaj rik'il yaj lk'b'alam
rechaq nojel, wi' taq b'a wiitz,

Jaqawitz jb'iij lamas wi' taq re.

Lajori, tiqayool chopka' xb'ansaj
k'ax rechaq.

Kla' li wi' taq, yaj B'alam Kitze'

B'alam Aq'ab'

Majuk'utaj

rik'il yaj lk'b'alam

Nik' wi' taq re b'awitz rik'il rixoqlaq
pach ralk'walaq xril taq

yaq ajchajan pach

nojel ajkamsanl

kita' titaw taq re' chuch
(ka'chuuy/16,000) jinon re
(oxchuuy/ 24,000) sutaj taq rij korl,
tich'ejej taq re', wiqil rijaq k'amla
ch'iich' re ch'oo'j jwi'laq

Ti'ch'ajaj taq, ua-ua-ua-ua-ua
ticha' taq, jinon tixulq'ub'an taq
jinon li xta'w taq chi jchi' tinmit, kita'
xk'iib'aj ranmaq yaq ajkojon pach
yaq ajta'l kuyb' maak.

Rechaq re', tinatun taq chi jchi'
korl, suk'ulsal rib'ak rik'il rixoqlaq
pach ralk'u'alaq, sachel taq re,

Jwi'l jtz'iijaq re nojel tinmit.

Rechaq xchol taq b'enam chub'
b'a witz, ra kiitz chaq re b'itaw taq,
ajki' na re raj re ti'ook taq chij chi'
korl : | : re chaq xteb'a taq maq

nimaq q'iib', kijab' rib'ilaq wi' taq
chirij korl,

Y cuando salieros los abejoros y
avispas, maq ka'n li x'el taq xilj maq
nimaq q'iib' chopka' rilikaq siib',
yaq kristyan ajch'oo'j xch'eksaj taq
jwi'l maq ka'n: tijnek' rib'aaq laj
tzaam,

laj chii', laj raa', laj telb', pach
jtiyoo'jlaq lak'u tib'e taq yaq
kristyan ajch'oo'j titi'saj taq re.

Nojel lamas tib'e taq wi' re maq
joon kaab', ch'uub' tib'i nek'er taq
chirijaaq tinek'er la' jb'aaq'wiichaq.

Yaq ajch'ooj, xt'owe' taq na rib'aaq
jwi'l maq ka'n,

tzaaqal jch'oolaaq re maq joon kaab'
pach ch'uub' jwi'l li kita' chiki'
xkwin xkoj ch'iich'aaq.

Tijtil rib'aaq li uleew tzaaqal taq chi
jchi' wiitz.

Kita' chiki' tijrik'aj taq, xb'an saj k'ax
rechaq rik'il jch'ab'aaq pach rikejaaq
xsoksaj taq,

Xaqe ni'j chee' xkoj taq kita' chiki'
re jch'ut jb'aa xkoj taq yaj B'alam
Ki'tze' pach Majuk'utaj;

Jinon rik'ilaq rixoqlaq xkamsan taq.

Jujun chaq xq'ajb'ik taq, Kla' li
xq'ajb'ik taq nojel tinmit.

Nek'u nab'ee xta'saj taq ri rechaq
xkamsaj taq, xchupsaj jwiichaq;

Kita' k'ii kristyan xkam taq.



Nen ajki' tikamsaj taq : | : Nen k'u
rajaq tijroq totaj taq,

Maq ka'n chaq xb'anon k'ax
rechaq.

Kita' chiki nim k'axk'oliil xye' taq,
xkam taq rik'il jch'iich'aq.

Cuando xch'ek saj taq nojel tinmit,
Ya solo les quedo humillarse, a eso
pueblos, chuch yaj B'alam Kitze'

B'alam Aq'ab' juk'utaj

ik'il yaj Ik'b'alam

-jTo'q'osaj qawiich,

Kita' rajwax ojkam!, xtataq
to'q'ob'.

-jQusi'n!

Jwi'l jch'umilalaq kita' re tikam taq,

Titojon taq na chuch loq'laj q'ij

Chuch loq'laj saq, such saj taq.

Jinon li xch'ak saj taq nojel tinmit.

[Laj b'ij re nab'ee taq chuch-qajw.

Rechaq xtaw taq kla' b'a witz,

Loq'laj jb'ij Jaqawitz lajori.

Ri nab'ee luwr lak'u xwa'x taq,

Kla' li xu'man taq, xk'iyersaj rib'aq
rik'il ralk'ulaq, b'a witz Jaqawitz,
tiki'kot chaq jwi'l xch'ak taq nojel
tinmit, yaq kan xch'aksaj taq chub'
loq'laj witz.

Jinon li xb'an taq na re tijch'ak taq
nojel tinmit re nimaq taq tinmit.

Rik'u ranmaq tichaq joroor,

Xb'ij taq re ralk'uwalaq, ajlal chaq
q'ij re tikam taq;

K'ax b'aka jwi'l ni'j chik xraysaj
rechaq laj ranm re tikamtaq jinon
xtijtaq na jq'ijjal re jkamsaj taq.

: | | Lajori ri tiyolsaj jkamikal yaj
B'alam Kitze'

B'alam Aq'ab'

Majuk'utaj

rik'il yaj Ik'b'alam jinon li jsik'ijk.

Tijrik'aj taq chaq jkamikal, xye' taq
pixb' yoolj re ralk'walaq jinon usiil
sachb'i taq.

Kita' re yaaj taq;

Kita' re kose'l taq,

Wi' na re ruxb' taq, xkan jye' taq
jpixb' ralk'u'alaq,

Ri ri jb'ijjaq ralk'wal:

Kiib' ralk'uwal yaj B'alam ki'ite':

K'oka'ib' jb'ij nab'ee ralk'wal,

K'oqawib' jb'ij jkaab'

Ri ri ralk'uwal B'alam ki'ite', jmaam,
jqaaq re yaq Kaweq.



Jinon kiib' ralk'uwal yaj B'alam
Aq'ab',

Ri ri jb'iijaq ralk'wal:

K'o'akul jb'iij nab'ee

K'o'akutek tib'isaj re jkaab', B'alam
Aq'ab' jxinti'il re yaq Nija'ib'.

Junqe ralk'uwal yaj Majuk'utaj:

jb'iij k'o'ajaw,

oxiib' rib'ilaq xwax taq ralk'walaq,

Ik'b'alam kita' xwa'x ralk'wal,

Tz'et k'ure rechaq ri ajkojon taq
pach ajta'l kuyb' maak.

Ri ri jb'iij ralk'uwalaq, rechaq kan
xye'saj jno'j jwi'l qaajaq.

Chi kijab' rib'ilaq wi' taq re jun luwr
xchol taq b'ixan,

Tib'ison re ranmaq,

Ti'ooq' re ranmaq chijta'ik ra b'iix,

Qamuqu jb'iij ra b'iix xb'ixaj taq.

Jinon li xkan xye' taq jno'j
ralk'uwalaq.

e t qt

¡Ataq k'is welk'uwal oj ojb'ek oj
ojq'ajch!.

Qus taq laj tziijb'al

Qus taq noj tiq'axqaye' chawe
ataq

Jilon ataq atq'ax qaye taq laq
nimaq taq taq'j

¡ataq qixoql! Xij taq re jrixoqlaq

Chi jujunal xpixb'aj taq

Oj q'ajich ri laj qatinmit

Qus chaq qab'ee

Tik'utun chaq xe'kaj.

Xaq qe oj b'ek

xk'isin qachaak

xk'isin qaq'iij

Oj awik'aj taq ari

¡Kita' oj asach taq

Oj akuxtaj taq!

Chajaj awochochaq

Jinon a tinmitaq lamas at kan taq

¡jinon in!

K'amb'i ab'eeaq

Jinon tawil taq lamas petzelkoj, xij
taq laj pixab'aaq.

Ruk're B'alam Ki'tze' xq'ax jye'
jb'ee jk'aslemal

ri ri re looq' ta b'an taq tz'onin re
nen tikan inye' chawe ataq.

!rili jchoq'aab'!

Xq'ax inye' jcholaj

In pixb', xij r ukre xq'ax jye' b'ee re
jk'utunk.

Pisom Q'aa'al tij b'ijtaq re, ita're'
jretam nen wi're jwi'l pisem,

Kita' looq'tijk'iyersaj,



Kita're' tina'r we t'isil jwi'l nijun xiluw
nimo xpisaj, Jinon ri xq'ax jye' taq
jb'iij jilon xsach taq b'i kla',

Kita' chiki' xilsaj taq jwil rixoqlaq.

⋮ | ⋮ Ni Jwi'l relk'uwalaq

Kita' saq nimo xsach taq b'ik

Nen q'iij xsach taq b'iik

Tz'eet ika' nen xkan jb'ij taq

Nen pisil xwux looq' laj tziij in chuchaq
rechaq

Ajri jkuxtan jqaajaq- jchuuchaq

Laj 'o or xmaj taq jk'atik sipan chuch
jkuxtan jqaaj jchuuchaq

Jilon ri xcholmajch jb'antajaq yaq nim
wunaq

Maq nen xta B'alam Ki'tze';

Lamas x'elexch maam, tiit' jilon qaaj
chuuch re yaq Kaweq

Ari ri kita' xsach taq relk'uwalaq,

K'ok'a'ib jilon K'oqawib', jb'ijjaq.

Jilon xk'am taq chi kijaab',

K'is qamaam qatiit' ojr taq tziij

Qaqaaj- qachuuch ojr taq tziij

Xsachtaq b'iik

Xkantaaq relkualaq jakila,

Chub' nim laq witz Jaqawitz

Lamas xwax relkualaq kiib' oxib' q'iij

Xtzaq ire,

Wichaq re kaxkolil chub' juntir tinmit

Kita chikire nim jchoq'b';

Xaq qe wi' kla'

Xaq qe tijmulaj rib'aaq chirib'il rib'aaq,
nojel q'iij.

Jwi'l tijkuxtaj taq jqaaj- jchuuchaq,

Nim re ti'el pisem chuchaq rechaq .

Kita' xkir taq

Wi' re' rik'ilaq

Loq' laj Pisem tijb'ij taq re jilon tijtzaq
taq pix chirij ⋮ | ⋮ Jilon tijmuq taq nen
kan ye'l rechaq jwi'l jqaaj-jchuuchaq

Nen jb'ee jk'aslemalaq chuuch q'iij
saq

Jilon ri xsach taq b'ik

Xsach jwiich yaj B'alam Ki'tze'

B'alam Aq'abal

Majuk'utaj pach

Ik'ibalam

Nab'e kristyan xuq taq jili chi jchi jaa'

Lamas ti'elch looq' laj q'iij

Ojr chaq re xuq taq neri.

Nimaq kristyan taq chaq re xkam taq
b'ik,

Yaq ajkojon jilon yaq ajkuyul mak jilon
tib'ijsaj rechaq.



JJO PAAJ

⋮ | ⋮ Jwi'l k'uli xe'taq jali lamas
ti'elch looq'laj q'ij jinon xkan b'ijsaj
rechaq jwi'l jqaajaq kita' sachal
jwi'laq, ojr chaq jkamik jqaajaq xpe
taq uka yaq tinmit xye' taq rixoqlaq
, rechaq li xwux taq jji'aq ri k'u xk'uli
taq chi oxib' xij taq jobj'e jali lamas
ti'elch looq'laj q'ij jali petzel taq
wi'w qaqaaj-qachuuch xcha' taq
!K'oka'ib' jb'ij jun rechaq ralk'wal
B'alam K'itze', laj b'ij jntiir yaq
Kawek. K'o'akutek jb'ij ralk'wal
B'alam aq'ab', lajb'ij yaq Nija'ib'.
K'o'ajaw jb'ij junchik, jb'ij
Majuk'utaj, laj b'ij yaq Ajaw K'iche'.
Ri' k'uri jb'ij nen xb'e taq chi jchi'
poloow oxib' rib'ilaq xe' taq, wi 're'
retamb'laq; nik' taq ta'n pach ni'j
kristyan chik.

Xkan xpixb'aj taq ja'uunaq retzaq
tiki'kot xe' taq ⋮ | ⋮ iKita' ojkam,
ojq'ajich xcha' taq, xq'ax taq qe
chi jchi' polow ri k'u, xe' taq
chijk'ulik reqlenaaq jch'imi'yaq. Ri ri
jb'ij ajaw rajw releb' looq'laj q'ij
lamas xtaw taq wi'w.

Xtaw taq chuch Nakxit jinon li jb'ij
ajaw nim q'atb'tzij, ri' re tiya'w
reqlenaaq jinon k'utun re tina'r nim
jno'j re nen ajk'amalb'ee , ri re'
xk'mach taq nojel retal q'atb'tzij re
nen wi' jno'j re ajk'amalb'ee .

Nakxit xjach nojel k'utun xya'sajch
re, ri ri jb'ijjaq

Kutam chee, aj suu' , jinon jun ra
tamb'oril, chupupun pooq, kach
xoq'oo'l, tz'i'ee q'eq b'alam tz'i' ee
b'alam, jb'aaq, raqan kej, tz'um
telb', ⋮ | ⋮ Sutelb' b'anal la'
pmach, mukun, meet', tz'oqom
laq, rismal keq k'eel, rismal tuqtik
patx. Juntiir ri xk'amch taq jinon
xq'axch taq chi jchi' ploow lamas
xkamch taq ojr tz'iib're Tulan pach
re Suywa; chopka' tijb'ij xilj tz'iib'.
Jinon li xtaw taq neri li tinmit jb'ij
Jaqawiitz. Kla' li xta' rib'aq juntiir
yaq Tamub'pach yaq llokab' juntiir
xta' rib'aq, xki'ko taq ri re' xq'ajch
taq K'oka'ib'

K'o'akutek

K'oajaw;

Neri k'uli xk'am taq chik
ajk'amalb'ee jchakaq. Xki'kot yaq
Rab'inaleb', yaq Kakchikeleb', yaq
Ajtz'ikinaja;

Ri re xk'utmaj chuchaq jkwinel ajaw
xnimersaj rib'aq nojel tinmit, jinon
ta' li ojr nim ta' re ja'atb'tzijaq kla' li
wi' taq b'a Jaqawitz, wi' taq rik'ilaq
juntiir nen petzel taq jali lamas
ti'elch looq'laj q'ij, naj xwa'x taq
neri b'a wiitz, k'i rilikaq jwilaq mulan
rib'aq kla'; neri k'uli xkam taq nojel
rixoqlaq yaq B'alam K'itze' B'alam
Aq'ab' pach Majuk'utaj

⋮ | ⋮ ajrik'u re' xpetaq

Xkan jye' taq jk'ichee'lajjaq

X'ook taq chi jtokik jun k'ichee'laj
lamas tiwa'x taq wi'w



Seb'laj Ki' k'ichee'laj lamas xwa'x
taq

Xye' taq ja'iijil

Xkoj taq jb'iijaa

Li maq luwr li xmulaj jinon xkowsaj
rib'aaq nab'ee qachuuch, nab'ee
qaqaaj, tijb'ij taq 'ojr taq kristyan; ri
tijyool taq xkan jye' taq nab'ee
jtinmit taq jb'ij Jaqawitz.

Etqe xtaw taq li luwr

Lamas xchol taq ra tinmit jb'ij Chi
K'ix

Naj xwa'x kla', maq paj nik'j re ni'j
tinmit,

Xwa'x jrab'inaq pach jk'ajolaq.

Kla' xwa'x taq, xb'an taq jwa'x
kijab' puq' uleew, lamas jun qe jb'ij
juntiir man tinmit.

Xk'ulb'a taq b'i jrab'inaq pach
jk'ajolaq, xaq qe tijsipaj taq b'i, jwi'l
toq'ob', pach jwi'l sipan tijye' taq
b'i jrab'inaq, tijk'ul taq, tijb'an taq
nen chiki' qus re jk'aslemalaq.

Ajrik'u re' xpich'uj taq rij maq jpaj
nik'j re, tinmit.

Ri' maq b'iijaa wi' taq xilj Chi K'ix

Chi chaq', Jumeta ja, K'ulb'a, : | ::
kawinal, ri jb'iijaa maq k'ichee'laj
lamas xwa'r taq.

Xpich'uj taq rij maq k'ichee'laj
pach maq tinmit; tijtok taq jun luwr
lamas looq' tiwa'x taq, jwi'l jk'iyik

juntiir rechaq; ri' re' xkam taq yaq
kristyan nen xb'ij k'ame' taq
jb'ab'al laj 'elb' q'iij, ri'j chaq xtaw
taq laq jujun tinmit.

Kita' qus xrik'aj taq maq luwr lamas
xwa'x taq, tijq'asaj taq k'axk'oliil.

Ki' q'iij xq'asaj ri' k'u re' xta' taq
jtinmit qamaam-qatiit' pach
qaqaaj-qachuuch.

Ri' jb'iij tinmit lamas xtaw taq: Chi
Ismachi' jb'iij k'ichee'laj, re tinmit
lamas xwa'x taq.

Kla xkan taq, kla' xnimarsaj
jchoq'aab'aaq, xb'it taq chuun jaa
pach b'iix, chiwch jkaaj puq'
wunaq.

Jinon tijb'ij taq K'onache' pach
B'elejeb' kej ri Q'alel Ajaw
b'ab'alaq K'otuja pach Istayul,
jinon jb'iijaa yaj Ajpop pach Ajpop
K'amja rechaq b'ab'alaq kli Chi
Ismachi'.

Xb'an taq jun siq'iil tinmit re, xaq qe
oxiib' nimaq jaa wi' taq kli Chi
Ismachi', ajki' na wi' taq maq juka'l
kijab' jaa re yaq b'ab'al.

Xaq qe oxiib' jaa re yaq b'ab'al:

Jun jaa re yaq b'ab'al Kaweq

Jun jaa re yaq b'ab'aal Nija'ib'
pach : | :: jun b'ab'al jaa re yaq
Ajaw k'iche'

Xaq qe kiib' b'ab'al jaa nen titaqon
taq



Laq kiib' puq' re man tinmit.

Kla' wi' taq li Chi Ismachi', yo'l taq
laj ki'kotemal, kita' Etzel laj ranmaq,
kita' tijreyej k'axk'olil re jpachaq.

Wi' jun qus jb'ab'alaq

Kita' jch'o'jaq

Kita' yoq'onk

Wi' taq laq ki'kotemal

Li qus qleen tib'ansaj laq tinmit wi'
laj ranmaq

Kita' tijrayaj qleen re jk'uljaa'aq

Pach kita' tiyoq'on taq.

Ajki' na tich'ob'saj jwichaq

Ajki' na wi' jchoq'aab'aq

Ajrik'u re', raj xb'an taq

Xmuq' jq'aab'aq pach xt'o' rib'aq
taq kla li Chi Ismachi'

Jun k'utun re jchoq'aab'aq xb'an
taq

K'utun re jb'antaj pach k'utun re
jnimalaq.

Ri' re' xril taq yaq llokab'

Xmajmaj jun ch'o'j jwi'l yaq llokab'

Nen raj xyuq kamsaj taq yaj Ajaw
K'otuja

Rechaq rajaq jun jqaajaq chi
jk'ulelaq

Raj xik'aj taq rik'il Istayul

Rajaq yaq llokab' tijk'ut taq chiiwch
re tijb'ane' k'axk'olil.

K'axk'olil xijrayaj chirij K'otuja kita'
xkwiin taq re,

Chirijaq xqejwi'.

Kita' xkam ajaw K'otuja, nemo
rajaq yaq llokab'

Jinon li xb'it riba'q, xye' rib' k'axk'oli
pach xcholmaj ch'o'j.

: | III Xb'en taq k'ax nab'ee re ra
tinmit,

Xb'en taq chub' ajch'o'j re
kamnikal,

Ri' rajaq tijsach jwiich yaq ajk'iche'

Ri' rajaq rik'an taq tiwa'x taq laj
b'ab'alaq.

Ri' taq re xb'ijk'amsaj taq, xchapsaj
taq, xansaj ka'x rechaq

Kita' k'i nen kita' xchapsaj taq,

Kla' k'uli lamas xchol taq chi
jkamsaj taq

Jkamsaj taq yaq llokab' chiiwch
yaq Ajaw,

Ri re xansaj rechaq jwi'l jmaak, laj
q'aab' yaj k'otuja



K'i rechaq xkan taq laj q'ab'aaq,
k'i rechaq xchapsaj taq, nik' chik
xkan taq laq ajt'o'onk.

Xaq xkan ye' riba'q re tich'eksaj
taq

Jwi'l xchol taq ch'o'j rij yaj qaaq, rij
man taq'j pach rij ra tinmit.

Tisach taq jwiich, tib'an k'ax re yaq
ajk'iche' ri tijrayaj li laj ranmaq

Kita' xijta' taq.

Jinon li xchol taq chi jkamsaj
kristyan chiwch yaq Ajaw,

Ri' re' xcholmaj ch'o'j jwi'l tijt'o'
rib'aaq

Ri xnow xkowar ra tinmit re Chi
Ismach'.

Kla' xcholmaj jb'antaj, jwi'l jnimal
jchoq'aab' yaq Ajk'iche'

Rik'an qe xkan taq yaq Qaaq

Kita' nen tib'anow k'axk'olil, pach
kita' nen tich'ekow rechaq

Ri' xya' taq jq'ijil yaq ajb'ab'aal

Xcholmaj kli Chi Ismachi

Kla' li xk'i'ye'r jk'ixb' yaq Ajaw

jumuul chik xcholmaj Tzoqom
ch'olal

juntiir tinmit xtzaq jch'oolaaq, : | •|||
Maq nuuch' tinmit, Pach nimaq
tinmit rechaq xril taq nemo xtaw
taq yaq ajch'o'j

Ri' tijkamsaj taq jwi'l jq'aab' jqaaj
K'otuja, qaaq Istayul, rik'il yaq
Nija'ib' pach yaq Ajaw K'iche'.

Xaq qe oxib' jq'aab' ech'elxik
xwa'x taq kla' Chi Ismachi', jinon
jb'ij ra tinmit.

Kla' xcholmaj maq nimaq rikiil, jinon
maq uk'a' jwi'l tita'saj jrab'iinaq re
k'ulnem,

Jinon li tijt'o' rib'aaq maq oxib'
nimaq jaa, nemo rechaq tijb'ij re
taq

Kla' tijtij taq ruk'a'aaq jinon tiwi'n
taq, jwi'l tijk'ex taq jwiichaaq
ranab'aaq pach jrab'iinaq....

Wi' ki'kotemal laj ranmaq ri' re' li
tijb'an taq

Tijtj taq ruk'a'aaq jinon tiwi'in taq xilj
maq nimaq jaa:

Jinon li tiqak'omowaj ra k'utun, re
kita' tijk'am qech'elxik, ri li qak'utun
re qus tiqil tik'uli' taq, jinon tiwux taq
richijil pach rixoql, jinon tijb'ij taq.

Kla' xya'saj jb'ijaaq yaq puq'
ech'elxik,

Maq tinmit nen tit'o'on taq

Xaq maq nab'ee xya'saj jb'ijaaq:

Qapach qib' ooj Kaweq, ooj
Naja'ib' pach ooj Ajaw K'iche',



xijb'ij taq maq oxiiib' puq' ech'elxik
pach maq oxiiib' nimaq jaa

⋮ | ⋮ K'i q'iiij xwa'x taq neri Chi
Ismachi', ri re' xta' taq jinon xril taq
jun ra tinmit chik Xkan jye' taq Chi
Ismachi' ajrik'u re' xb'it taq, jinon
xyuq taq

Li tinmit Q'umaraq Aj, nemo tijb'ij
taq yaq Ajk'iche' re.

Ri' q'iiij li xyuq taq yaq qaaj K'otuja
pach Q'ukumatz, jinon nik' qaaj
chik.

Q'axe'l chaq joob' k'exon pach
joob' puq' kristyan re x'elex q'iiij saq,
x'elex tinmit, x'elex k'aslemal pach
x'elex kristyan chiiwch uleew.

Neri xb'it taq k'i jaa, pach neri xb'it
taq nimaq jaa re tiya'saj jq'ijilaq,
xo'l ra tinmit xye' taq, ri xyuq pach
xkan 'el taq.

Ri xchakun taq chi jnimarsaj
jchoq'aab'aaq

Seb'laj k'i kristyan wi' taq chi kla',
xk'iyir taq.

Kla' li xijchomorsaj taq, maq nimaq
rochoochaq jumul chik

Xmulaj taq pach xjach taq rib'aaq,
jwi'l xcholmaj k'axk'olil laj xo'laq

K'ax tirik'aj rib'aaq, jwi'l rajiil
ranab'aaq, jrab'inaq, kita' chiki'
tiya'saj ruk'a'aaq.

Ri' li xb'anow xjach rib'aaq

Ri' re' xchol taq ch'o'j chiiwchaq,

Ri' re' xt'oj taq maq b'aaq chirijaaq

Jinon jxukuul kamnaqib'.

Xjach rib'aaq,

Jinon ri' re' xjach jxo'laq li
b'elejeeb' aak' ech'elxiik.

⋮ | ⋮ Jilonli' xk'isb'en man ch'ooj
jwi'laq yaq ech'elxik jwi'l k'uren
xchomorsaj maj b'ab'al xjach juk'al
kijaab' nimaq jaa xb'ana chiki' re'
kita' chiki' tawsel taq li, ra tinmit
rik'ure' xtz'aqat juk'al kijaab' nimaq
jaa neri li tinmit re Q'umarkaj xtaq
jye'ik jaa tyoox jwi'l jb'ab'al
ajch'ab'al rik'ure' xkan k'utsaj.

Kla' k'uli xkanb'an nim re' jq'iiij re
xkan jachsaj nim reqlee'naq
chijujunalaq xtaq taq b'elejeb'
jb'ab'alaq re yaq kaweq b'elejeb'
jb'ab'alaq re yaq Nijaib' kiijaab'
jb'ab'al re yaq,

Ajaw k'iche' kiib' jb'ab'al re yaq
saqik.

Jik'unon li xwa'x taq k'ii xemb'er
taq chirij jb'ab'alaq ri rechaq
nab'ee taq ralk'uwalaq ri re' nij
q'oor k'i taq ech'elxik chi jujunal re
maq jb'ab'alaq .

Lajori tiqab'ij jb'ijaaq chi jujunal maq
jb'ab'alaq re maq nimaq jaa
rik'ure' jb'ijaaq yaq jb'ab'alaq qus
rajwaxi' Ajpop

AjpopK'amja



Ajtojil

Ajk'ukumatz

⋮ | ⋮ Nim Ch'okoj kaweq

Popol Winaq chi T'uy

Lolmet Kejnay

Popol winaq pa jom tzalatz',

Uchuch k'amja

Ri k'uri' ajk'amal b'ee chuch re
maq kaweq xaqe' b'elejeb'
jb'ab'alaq wi' jnimaq rochochaq
chijujunalaq jik'unon li tik'i'y taq na.
Ri k'uri' jreqlenaaq yaq jb'ab'alaq
Nija'ib', ri' k'uri' yaq jb'ab'alaq
chuchqajaw:

Ajaw Q'alel

Ajaw K'amja

Uchuch K'amja

Nim Chokoj Nija'ib'

Awilix

Yakolotam Utz'am Pop Saqlatol,

Nima Lolmer, Ye'oltux

Ri re maq b'elejeb' ajk'omolb'e wi'
taq chuch naq Nija'ib'.

Ri re maq jb'ab'al aj k'iche' , ri ri
jb'ijaaq yaq jb'ab'alaq:

Ajaw Winaq

Ajaw Lolmet

Ajaw Nim ch'okoj Ajaw

Ajaw Jukawitz

Ri re' kijaab' jb'ab'alaq wi' chuch
maq k'iche' pach maq nimaq jaa.

⋮ | 0 Tz'utuja', Q'alel Saqik, ri re jun
nimjaa rik'an pach kiib' jb'ab'al .

Ri' k'ure' xtzaqat maq juk'al kijab'
jb'ab'alaq jinon maq juk'al kijab'
nimaq jaa xmajsajch jb'anikaq ri re
xnimarsaj jchoq'ab'aaq chijxolaq
yaq k'iche'.

Jilonli xnimarsaj jk'ijilaq xk'iyan taq
maq ajk'iche' ri ri xrik'ajtaq ri re'
xb'an taq maq tz'aaq la chuun, ri
re' xb'xan chuch ta'j ri re chuch
nim jaa.

Xril taq, taq ra nuch' tinmit maq
minaaq tinmit. Jik'unon ri' re
xk'amwaj taq chuch maq Jb'ab'al
k'iche' kla' k'ure' xkan tikmaj
Ki'kotemal rik'ilaq arik'ure' xb'itsaj
Maq nim jaa re maq jb'ab'alaq. Ri'
taq tan xb'anow taq re ma jwi'laq
tare' rechaq xb'ansaj maq jaa re
yaq rajowlaq rik'ure' jowilaq'in yaq
ralk'uwalaq Kitanare' tijkojtaq
jch'olaq ri majinantali Ti
alq'ajtaqb'ik rikure' tijurchuchuj
taq.

⋮ | • B'ik jwi'laq chijujunalaq ri re
maq kristyan Wi reqlenaq chub'
yaq jb'ab'alaq, jinonli Xwux taq
k'itaq chi ech'elxik r'ijtaq jinon



nuch' Xtarib'aaq chi rilik jchoqaab' jk'aslemalaq. Tijchakuj taq jrilik nentijb'ij yaq jujunalaq yaq jb'ab'alaq qas tz'eet tiwa'x taqan jwiichaaq qas tz'eet ri re' pok tikojon taq chuch yaq Jb'ab'alaq.

Ri re' tikojon taq chuch jq'iij re xk'isi' yaq b'ab'alaq jwi'l re' ralk'uwalaq ri re' xk'iyen taq K'is kristyan re nimjaa xaq taqetijril taq re tijach taq chuch juntiir maq tinmit ma juwi'lta're' wi ch'ooj la nimjaa; jiqenonli, maq b'ab'alaq Q'ukumatz pach jb'ab'al k'otuja qes tz'eet xtaq nim reqlen chuch b'ab'al Q'ukumatz juwi'l wuqub' q'iij xjuw lekj jwi'l wuqub' q'iij x'ib'iwax li xib'alb'a; jwi'l wuqub' q'iij tiwux kumatz Wuqub' q'iijchik tijb'an q'iij tiwux kumatz wuqub' q'iijchik tijb'an chopka' man b'alam qas tz'eet tijalrib' chopka' man xik' pachka' man b'alam jinon wuqub' q'iij chik tijb'anchik chopka' chemel kiik'.

Tz'eteltz'et pok nim jq'iijil man jb'ab'al xtzaq jch'oolaaq nij ajawchik. Jwi'l x'el jb'ijk juntiir maq ajaw re maq tinmit xta' taqre nim jq'iij man ajawri'.

Rik'uri xmajmaj nimersaj jwiich yaq k'iche' rik'ure' xb'antaj jwi'l Q'ukumatz xk'ut jnimal jq'iij kita' xsach laj b'aa taq re yaq rijmaam jinon ralk'uwal, la nijun luwr b'anolchik li.

|| : Ri' jun wunaaq ri' nim jpetik nim jchoq'aab' xq qe xen re ti'ilsaj jwi'l yaq tinmit xaq k'u qe xk'ut jwiich jk'aslemal

jinon li xk'isb'en rire xaq juunqe jb'ab'alaq juntir maq tinamit ri re kaj b'antaj kristyan. Ari man wunaaq nim reqlen jb'iij Qukumatz arire Ajpop jilonli Ajpop K'amja xkantaq jilonli maq xwax nimaq reqlenaq rire' xwax k'i ral k'uwalaaq ri re' xwaxtaq Tepepul Istayul ri re' xb'an taq chuch ajaw joo' jb'antajkaa ri re' maq jb'jaaq maq jwuq b'antajk ri re' kiib' ajaw pok nim jk'jq'iijaaq. K'ikab' jb'ij junok rechaq Kawisimaj jb'ij man junchik man xb'anow nimaq taq qleen K'ikab' jinon Kawisimaj: maq ri xta taq jch'b'al k'iche' jwi'l k'ure nim jq'iijaaq ajri k'ure xyujuw taq maq nimaq tinmit pach maq nuch' tinmit pach maq luwr wi' taq chijk'ulel ojortaqtzij wichijxo'laq wi jluwr maq kaqchikeleb'.

|| : Ri'ri lajori tich'ob'saj jwiich jinon ri: chuwila' jinon re' jluwr maq Rab'inaleb' ri re lajori tich'eb'sajk nemo Pa maka' ri re luwr maq Kawkeb' re maq Saqkab'aja ri re maq nim jaa nemo re maq Saqulewab' re maq chuwi' Meq'ena' Xelajuj Chuwatz'aaq.

Jpachaaq re maq ajtz'olooj chee' rechaq tachikirajaaq jwiich man K'ikab', ri xb'antaaq man ch'oojre' ri rechaq xch'ek sajtaq xyojsaj maq



nimaq jaa re maq tinmit re maq
Rab'inaleb' taq pach maq
Kaqchikeleb' pach maq re
Sakulewab'.

Xtzaq taq xyojmaj taq juntir maq
tinmit maq ajchajanl re K'ikab'
xk'amtaqb'ik yaq

Kamnaq laq najtaq luwr ri re juun
puq pach kiib' puq kita' k'amalb'i
re tijt'oje' taq ri re ri , mkita'
k'omalb'ik yaq kamnaq juwilaq
titzaq maq nimaq jaa chuchaq ri re
tijk'am taq nabik chitojem chuch
K'ikab' pach kawisimaj.

Ri maq jb'ab'alaq kita' qus tiilsajtaq
ri re ti k'amtaqb'ik chuch maq
chee' ti t'ojsaj taq jwi'l ri xb'en
kita'chiki xkajye taq nijuun nimaq
xyujtaqb'i juntir ri re nemo tijb'an
ray ri re tit'ojon chuch ab'aj. Juwi'l
tzaqamch'olal maq tinmit titaw taq
chuch man q'ool rij chee'.

∴ ∴ Xaq jujun re maq ab'aj
kita' paq'al taq maq n'ij rilika
paq'al taq la ikej xi' li man luwr
petatayub' lajori ti'islaj jwi'l juntir
kristyan tiq'ax taq xkomsaj taq Ri
re jun wunaq wi' jchoq'aab' xwa'x
juntiir tinmit lajq'aab' ri re xta'
rib'aq' xkomsaj taq xq'at taq jb'ee
maq siwan re maq tinmit.

Juntiir maq niaq ja tzaqal ta li tinmt

Rikure x'el taq maq ajchajan re
ch'ooj xmolrib'aq re xb'antaaq jun

chomorsan chuchaq chub' jluwraq.

Rikure' we ne xq'aj taqch rajaq
tijrechb'ej taq maq nimaq jaa xb'iij
taq li chomorsan juntir jb'ab'al aq
rik'ure xk'utaaq nen raj tib'i jb'ane
taq ajrik'ure' ri man ri ajt'olqe.

Ri re ojt'ow taq re choq'aab' qa
k'aslemal xij taq juntir yaq
jb'ab'alaq rik'ure' xye'saj xb'iij
jchaakaq ri re tijkul taq k'ulel jinon li
xk'utsaj chuchaq, ri'n xb'ijsaj nen
luw'r atb'e taq jwi'l lajori qechaq
man luw'r ri.

∴ ∴ ∴ Kita' tzaq ach'oolaaq!

Wene wi' na ajk'ulel titaw taq raj
atijkomsaj taq, atpe taq laj'or
chijb'iijk jinon ri looq' tikamsaj taq
xb'iij kikab' rechaq

chuch Q'alel re Ajtz'ik winaq Jinon
ri xb'e taq maq jb'ijaa jch'ut' jb'aa
taq pach ch'ab' setsik.

Jinon k'uli xjach rib'aa qamaam –
qatiit' rajawl juntir kristyan k'iche'

Rik'uri wi' taq laq wuren chop
ajchajanl taq re ajch'aab' jinon
chopka' ajch'oo'j xe' taq.

Kita' tisaqarsan taq ni jun luw'r xaq
ri re' tijchu'q' taq maq nimaq ja' ri
re xb'etaq juntir maq jwi'la' pach
chumiilal, pach re saqiya', pach
Xajb'akyej , pach chitemaj pach re
aj waxaqlajuuj .



Jinon ri pach aj Kabraaqan , pach ch'ab' Q'aa'q're Junajpu jinoli pach kristyan re maka', kristyan re Xayab'aj , kristyan re Saqkab'a ja, kristyan Siyaja pach kristyan Chimaq'ana',

⋮ | ⋮ pach kristyan xelajuuj.

Chuch maq wiitz x'elch taq maq ajchajan li ch'ooj , maq ajchajn li man luwr jwi'lkuli xb'e taq jwi'l kikab' pach Kawisimaj , man Ajpop , man Ajpop K'amja; man Q'alel, man ajtzik wunaq.

Rire kijab' wunaq titooqon taq pach tichajin taq maq ajch'ooj ajk'ulel, k'ijab' kawisimaj jb'iijaa maq kiib' wunaq re maq Kaweq, ke'ema ri re jb'iij man wunaq re maq nija'ib' achaa' lb'oy ri re jb'ij chuch maq ajaw K'iche'

Rik'ure ri jb'ij maq kristyan ti taqon taq pach ajq'axal jtzijaa; Rik'ure' xe taq yaq rel k'walaq li maq wiitz Ri re' xb'e taq nab'ee xk'am taqch kristyan taqal taq li chaak chuwch k'ik'ab', Kawisimaj , Q'alel pach Ajtzik wunaq.

Xb'en taq na ch'ooj maq jch'uut jb'aa ch'aab' pach jch'uut' jb'a setsik; Xb'en taq maq kristyan taqal taq li chaak ri re' xb'en taq nimaq taq wunaq re xnimersaj taq ajlab'l re nenchiki' taqal taq b'ik jinon jwi'l k'uli xk'omowaj rechaq jwi'l yaq

jb'ab'alaq ⋮ | ⋮ Ri k'ure xb'i jche' taq kristyan taqal li chaak

Ri re' x'ook taq li komon yaq jb'ab'al aq Ajpop, Ajpop, K'amja Q'alel pach ajtzik wunaq ri ri xb'ij taq: xaq qachep nab'ee taq kristyan aj-chajanl.

j in yaj Ajpop;

j in yaj Ajpop K'amja!

Ajpop ri tik'utuw inwiich

Ri ku' re' aweat Ajam Q'alel

Ri re tik'utuw jwichaq xiij taq li' komon re juntiir yaq kristyan.

Ri k'u' jwi'l li xchaakun taq yaq Tamub' pach yaq llokab', nik' xye' taq jb'iij re yaq oxib' jq'aab' yaq K'iche' ri re' xk'omowaj rechaq yaq ajtaqon pach relk'uwalaq

Jinon li xye' taq jb'iij ri' re neri' k'iche' lamas xmajsaj wi' jb'iij ra luwr rechaq yaq ajtaqo'n pach relk'uwalaq .

Ri k'ure xsikij taq chi' jujunalaq laj wiitzaq xta' riib'aaq li juun luwr' : xb'e B'alax xe' k'amaq jb'iij ra wiiz.

Ri k'ure' xb'ee taq nemo jnimal jchaakaq ti yesajk , ri li xb'an janiri' chulimal .

Jionli xcha'saj yaq ju'k'al q'alel.

⋮ | ⋮ Ri re maq ju'k'al Ajpoop



Jwi'l man Ajpoop, man Ajpoop
k'amja;

Jw'il man Q'alel man Ajtzik winaq.

Juntir xch'eb'saj jwiichaq:

Man Q'alel man Ajpoop, man
ju'lajuuj Nima Ch'okoj,

Man Q'alel Ajaw, man Q'alel Saq'ik

Man Q'alel Achij, man Rajtz'alam
Achij

Ri re man Rajtz'alam Achij jb'iijaq
xkojsaq jwi'l xye'saj luwraq.

Rechaq ri taqa'n maq jnimal
ajtaqon pach

Relk'walaq yaq kristyan ajk'iche'.

Xta'taq maq jch'uut jb'aa ch'aab'
ri re xjutun taq

Chujk'unelaq yaq ajk'iche'.

Jinon k'uri xb'en taq maq tamub'
pach maq

Ilokab' xjye' taq jb'iij re yaq nimal
ajtaqon pach

Relk'walaq wi' taq li k'iche'laj.

Ri k'uli jch'umilalaq yaq Q'alel
pach yaq Ajpoop; Ri

Tik'utuw jwiich maq luwr : | : jinon
k'uri xye'saj jch'umilalaq yaq
Ajpoop maq Ajpoop

K'amja re xchomsajtaq maq Q'alel,
pach maq Ajtzik winaq.

Lajori xye'saj jb'ikj lamas wi'
richoochaq maq Ajaw, ri re

Maq jaa li nik' jb'iijaq pach maq
Ajaw: man nim jaa jb'iij

Tojil jwi'laq maq kaweq.

Aeilix jb'iij man juun nim jaa jinon
nemo jb'iij Awixil

Xkojsaj jw'il maq Nija'ib'.

Jaqawitz jb'iij man juun nim jaa
xye'saj

Laj jb'iijaq maq Ajaw K'iche'.

Tzutuja ri ti ilsajna jwi'ch lajor jb'iij
k'ajb'aja' ri juun nim jaa.

Kila li wi' maq wich'b'l re ab'aj re
tikojsajjq'iijilaq jwi'laq maq

Ajaw k'iche' ri re tikojsaj jwi'chaq
jwi'l juntir tinmit.

Maq tinmit nab'ee tijye' taq nimaq
jq'iij chuuch Tojil, ri re tib'etaq

Chij ye'ik jq'iijil man Ajpoop pach
Ajpoop K'amja; xpe taq chijk'utik
jxiikaq

Re q'uuq' pach jq'iijilaq chuuch
man ajaw.

Maq nij tijkojataqan jq'iijil man
Ajpoop pach man Ajpoop K'amja'

Rik'ure xch'EEK taq maq nimaq ja
aman nimaq taq ajaw pach yaq

Kristyan nemo Q'ukumatz pach
k'otuja;



Ri k'ure nimaq taq ajaw Kikab'.

⋮ | || Rechaq xij retamaj taq wii' ch'oj, saq chiwch re chaq. Loq tijriltaq kamikal, wi' ni k'okik, wini ch'oj retam taqan. Looq' tijril taq, wi're' jun nim wuuj Popol Wuuj xij koj taq re'. Xaq ta re' jinon kristyan taq, nim taq jinon kita're tij tij jwaaq. Jinon tijb'an taq re xijk'owmaj taq re xb'an taq jwichb'l taq.

Naj jwichaqre kita' tij tij taq waa, jinon jb'anik tij b'an taq re chaq: re b'elejeb' re b'elejeb' retij k'owmajt taq jinon re kojb' q'aaq' chiwch tojil, chiwchaq. Xaq keq tulul, xaq ajche', xaq q'animm tijtij taq re' kita' qleen re' ixiim tijtij taq. Jinon ti'ok taq chik re kita' qleen tijtij taq. Tijril taq re' nimaq taq qleen re jun kutb'l qleen yaq kristyan.

Kita' re twar taq rik'il yaq anm, ⋮ | ·|| rik'an naq re tiwa'x taq ru re' tijb'an taq mewaa xaq qe laj richooch ajaw tiwa'x taq nojel q'iij, tijk'at taq poom jinon tixukar taq chuch, taqtikan taq laq'ab jinon laq'j. Ti'ooq' ranmaq jinon tiq'uluul jch'olaq jwi'l tijta' taq utziil nen wi' taq lajq'ab'aaq, jinon tinatun taq lekj chijtaik re ajaw ri k'u re tij ta taq kuyb' jmakaaq: jinon b'aka tijrayaj ranmaq: jtisaqar, at re joob' q'iij, at jun raqan, at ranm kaj ran uleew, at ajk'amal b'ee reqaaw quk'a'.

At ajy'al re arab'in jinon ak'ajol. Ya' jk'aslemal jinon jch'oqaab'aaq

qarab'in pach qak'ajol. Tituxan jwiichaq, tik'iy taq nen tichapaw re, nen at tijt'ow, laq nuch' b'ee, ⋮ | :|| laq kumatz ja', laq siwan, ralaj ch'ee, ralaj quul. Ya' re chaq arab'in ak'ajol, kita' chiki' k'axk'olil. Kit'a' tietzl tib'en chirij jinon chuchaq. Kit'a' ti'lsaj jmakaaq kita' tijch'iy rib'aaq, kita' titzaq taq ikim li b'ee, jinon laq paqal. Kita' qleen laj b'ee, kita' tisach, ya' rax taq laj b'ee rechaq, kita' tijta' k'axk'olil awi'laq. Qus b'aka' jk'aslemalaq nen tiya'w taq qaaw quk'a, at ranm kaj Ranm uleew looq'laj pisil qe, at looq'laj Tojil, Awilix, Jaqawiitz; ⋮ | :|| Aat ranm kaj, ranm uleew, jxe' uleew re kijab' jxukt. Xaq wi' saqilal jinon wi' utziil. Re nojel q'iij yaq kristyan tijk'omwaj taq re Ajaw, juk'al b'elejeb', juk'al oxlajuj, juk'al waqjajuuj, naj xij k'owmaj taq re Ajaw xi'ooq' ranmaq chub' relk'uwalaq re nojel rixoqlaq. Tichakun taq yaq kristyan chib' jk'aslemalaq. Jinon tijk'omwaj taq re yaq wunaq re Ajpop, re re Ajpop k'amja, re Q'alel, re Ajtzik winaq. Chi kakab' jpach tib'e chi jk'owmaj, jinon tijk'ax rib'aaq chi jk'amik eqan, jinon re nojel kristyan k'iche'.

Re jun luwr tijb'an taq jinon li, re kita' tijsach jb'antajkaa, jinon xb'iij b'ane taq re Tamub', yaq llokab' pach Rab'inaleb', pach yaq Kaqchikeleb' yaq ⋮ | :|| Aj



tz'ikinaja', yaq Tatal ja', yaq Uch'ab'aja, jun qe jkutamiil lamas xtikmjach juntiir xrechb'ej taq lajori xaq taqe jinon ri tichakuj rijaq xaq taqe jinon ri xk'ul taq nen xya'ow jwaa ruk'aaq, xata qe jmewaa taq jinon xxukar taq, xaq taqe xib'l relq'aj taq qleen rechaq re ajaw, xaq taqe xib'l wa'x taq wichaq wiitz nojel tinmit re nuuch taq tinmit-nimaq taq tinmit xtoja' taq ari:

xk'am taq raxroj, siq'iil ch'iich', jade, rex abáj k'amlach laj q'ab'aaq, jinon ritziqb'alaq b'anal la rismal ka'n ri ri jsipanaq nojel tinmit xye' taq re Q'ukumatz, K'otujaj chiwch re k'ikab' re Kawisimaj.

Re ajpop
Re re ajpop K'amja
Re Q'alel
Re Ajtzik winaaq.

∴ I III jun kitz taqe xb'an taq Kita' ka qe k'ii tinmit xch'ek taq, k'ii jq'aab' taq tinmit titaw taq rik'il yaq k'iche' ruk' taq k'ex xtaq taq chuch jinon ri xb'ij taq yaq ajaw, laj'oor ta' xtaq jchoq'aab', ri Qukumatz xya'w jchoq'aab' ajaw ri, jinon k'u ri nemo xk'iyan yaq K'iche'. Lajori tiqajlaj jurub' rib'ilaq jinon tiqaye' jb'ijaq. Rib'aka' ri relk'walaq yaq ajaw ri rechaq xiluw taq looq'laj saqarb'al B'alam Aq'ab'. Majuk'utaj e ik'ab'alam nab'e taq qamaam qatiit', nab'e qaqaaj-qachuuch re

xk'utun q'ij re ik' jinon ch'umiil. Jinon kan xb'an taq yaq kristyan.

Taqmaje' nen rokikaq yaq kristyan, xtaq taq nojel kristyan re tinmit. Neri xb'an taq qleen re jujun yaq kristyan k'iche'. B'alam k'itze' jrab' Kaweq, K'oqawib' jk'ab' ri B'alam Ki'tze'.

∴ I ·III B'alam k'onache' ri xb'in Ajpopol ri jroox b'antajk. K'otuja pach Istayul rechaq ri jkaaj b'antajk jinon Q'ukumatz pach K'otuja, rijmamaqi'n nimaq taq Ajaw, ri rechaq jjo' b'antajk, Tepepul pach Istayul rechaq jwaq taq, Kikab' pach Kawisimaj jwuuaq taqa'n xwux taq nimaq taq Ajaw Tepel pach Istayul rechaq ri jwaxaq b'antajk, Tekum pach Tepepul rechaq ri jbeleej b'antajk, Wajxaqib' k'am pach Kikab' rechaq ri jlaaj B'antajk, Wuquub' no'j pach Kuwatepech ri' rechaq jjulaaj, Oxib' kej pach B'elej tz'ii' rechaq ri jka'laj b'antajk, ri' rechaq li q'atb'tzii' wi' taq chuch tinmit ruk' re xyuq Tonatiu' yaq kaxlan ri rechaq xyuq kamsaj taq Tekum pach Tepepul xtojon taq na laj q'aab' yaq kaxlan, ri' rechaq li jrooxlaaj b'antajk, qaqaaj waan Rojas pach qaqaaj waan Cortes, ri' rechaq li jkajlaaj b'antajk rechaq ri' ralk'walaq Tekum pach Tepepul. Ri' nojel taq b'antajk ri chopka' xtunsaj taq jwi'l yaq Ajaw Ajpop, Ajpop K'amja re yaq Kaweq K'iche'.



∴ | ∴ Lajori tiqaye' chik jb'iij nojel taq relk'walaq, rech'elxikaq, ri b'aka' ri nimaq taq rochochaq re chijujunalaq yaq Ajaw tarnab'el taq chirij Ajpop pach Ajpop K'amja. Ri b'aka' ri jb'eleej b'antajk taq, Kaweq re jb'eleej nimaq taq jaa. Ri ri jb'ijaa nojel nimaq taq jaa re yaq Ajaw, juntiir ri wi' nim rochochaq Ajaw Ajpop wi' jun nim rochoch, k'ujaa jb'iij nim jaa ri.

Ajaw Ajpop k'amja rochooch jb'iij rupup ka'n, nim Ch'okoj Kaweq,

Ajaw Ajtojil, Ajaw Ajq'ukumatz, Popol Winaq chi T'uy, Lolmet Kejnay, Lolmet Kejnay, Popol Winaq pa Jom Tzalat', Tepew Yaki. Ri li rechaq Jb'eleej jwinaqil re yaq Kaweq jinon k'ii, k'ii rib'ilaq nen taqal taq li k'exchaak jinon relk'walaq b'esel taq chirij nimaq jaa.

Jinon re yaq Nija'ib', jinon b'eleej nimaq jaa. Nab'ee na tiqab'ij nen jtuxaq yaq yaq Ajaw, jun qe jrab' petzel, ri re' ajki' ti'elexch looq'laj q'iij, looq'laj saq re qawinaqil.

B'alam Aq'aab' nab'ee qamaaq nab'ee qaqaaj.

K'o'akul pach K'o'ak'utek jkaab' tux, K'ochajuj pach K'otz'ib'aja, jroox tux, B'elej Kej jkaaj tux ∴ | ∴ K'otuja, jjo' tux, B'atza' jwaaq, Istayul, jwuq, K'otuja jwaxaq, B'elej

kej jb'elej, Ke'ema jlaaj, Ajaw K'otuja jju'laal, Qaqaaj Ixtu'p (Cristobal) chopka' tib'ijsaj re ri re xwa'x re q'atb'tzij re yaq Kaxlan qaqaaj Luu' (Pedro de Robles) ri' re Ajaw Q'alel. Ri b'aka ri juntiir jtuxaq yaq Ajaw Q'alel.

Lajori tiqaye' jb'iij chijujunalaq yaq Ajaw nimaq rochochaq, Ajaw Q'alel, juntiir ri chijujunal wi' nim rochochaq Nab'ee Ajaw re yaq Nija'ib' wi' re' nim rochooch.

Ajaw Ajtz'ik Winaq. Nab'ee xwa'x rochooch Ajaw Q'alel K'amja

Nima K'amja

Uchuch K'amja

Nim Ch'okoj

Ajaw awiix

Yakolatan

Nima Lolmet Ye'oltux

Ri ri jcrochochaq yaq N'ja'ib'jinon ri tib'ijsaj re B'elej jb'antajk jwinaqil yaq Nija'ib' k'i ribilaq Neri xaq yaq nab'e qe tiqaye' jb'ijaa

Oor re yaq Ajaw K'iche' ri ri jmamaaq jqajaaq, Mjukutaj nab'ee krityan, K'oAjaw ri re jkaab' jwinaqilaq. Q'aa' laqam, ∴ | ∴

K'okosom



Komajkun
Wuqub' Aj
K'okamel
K'oyab'ako,
Winaq B'alam. Ri ri rajawaq yaq
K'iche' ri ri' jtuxaq jpetikaq
jb'antajkaq.
Xaq qe kijab' Rajawaq yaq K'iche'
nimaq rochochaq .

Nab'ee Ajtz'ik winaq

Jkaab' Lolmet Ajaw

Jroox Nim Ch'okoj Ajaw

Jkaaj Jaqawiitz, kijab' qe rib'ilaq

Jinon wi' taq re oxiib' Nim Ch'okoj,
ri rechaq chuchqajw taq chuch
yaq K'iche'. Xnuk' jtziyaq jun qe
xb'an taq re yaq ajtz'aqol b'itol,
ajya'l taq tziij chuchqajw taq, jinon
li jk'aslemalaq yaq oxiib' Qajawl
chuch yaq Kaweq rai nab'ee.
Chuch yaq Nija'ib' ri jkaab', chuch
yaq K'iche' ri jroox, oxib' b'aka
rib'ilaq yaq Ajtziij ajch'ab'al,
chijujunalaq wi' jtux, jpetik, jb'antajk

















Ri k'u ri, jtuxaq, jpetikaq yaq K'iche'
kita' chiki' lamas ti'ilmajwi' taq. Ojr
wi' re jun piimwuuj tz'ib'al jpam chi
ojrtz'iib', tz'ib'al jwi'l qajawl,

|| ☉ xaq qe xsach jwiich. Jinonk'uri,
tik'is jyoliik riij chirij yaq K'iche'.
Lajori tib'ijsaj re Sant Krus

Moloj ib' re Jtzijb'al Tz'unun Kaab'
Comunidad Lingüística Uspanteka

Validadores del Popol Wuuj

23 de octubre de 2019


No.	Nombre	Profesión	Firma
1	Julio Gabriel Camajá Tùm	MEPBI	
2	Gloria Esperanza Zapeta Vicente	MEPBI	
3	Rosmeri Abelina Pacheco Us	Licda en Pedagogia y Admon. Educativa	
5	Dorcas Isabel Carrillo	Bachiller en Computación con Orientación Comercial	
6	Mauricio Zapeta Tumax	MEPBI	
7	Sandra Martina Lopez Mejia	P.E.M en Pedagogia y Técnico en Admon. Educativa	
	Maria Vicente Mendez	Bachiller en Ciencias y Letras	
8	Julia Angelica Lopez Mejia	P.E.M en Pedagogia y Técnico en Admon. Educativa	
9	Rosa Lidia Chivalan	Licda. en Admon. Educativa y con Esp en Gerencia de Calidad	
10	Florinda Candelaria López Mejía	P.E.M en Pedagogia y Técnico en Admon. Educativa	
11	Laura Leticia Vicente Méndez	MEPBI	
12	Eva Aliliana Contreras Castro	MEPBI	
13	Pedro Alejandro Vasquez Tay	MEPBI	
14	Berta Leticia Ajcot Us	PSE	
15	Tomas Alberto Mendez	PEM. EBI	
16	Maria Tereza Zapeta Vicente	MEPBI	

Kita' re nen tisilib', kita' re nen lekj,

Xaq qe tik'il looq'laj jaa', looq'laj
plow

Jun qe wi' taq,

Xaq qe titz'inin li looq'laj q'equum
aq'aab'



No había movimiento, nada ocurría
en el cielo, no había nada que
estuviera levantado, solo agua
reposaba y el mar apacible.

Solo reposaba soledad no había
nada todavía, solo quietud y sosiego
en la oscuridad.